

IX. 126.



F. IX 126

11. 8.

PIERII VA-  
LERIANI

HEXAMETRI  
ODAE ET  
EPIGRAMMATA



*Ex libris* *gio Bonardi*

APVD GABRIELEM IOLITVM  
DE FERRARIIS ET FRATRES.

M. D. L.

*Ex thesauris de thesauris ludi magistri  
codicibus*

IX 136

LIBRARY  
OF THE  
MUSEUM OF  
ART AND  
ARCHAEOLOGY

THE  
MUSEUM OF  
ART AND  
ARCHAEOLOGY  
OF THE  
CITY OF  
NEW YORK



2

SERENISSIMAE GAL-  
LORVM REGINAE.

CLIENTVLVS PIERIVS.



**Q**UOD totum uitæ  
meæ cursum Serenissi-  
ma Domina Illustris-  
simæ Medicei nominis  
familiæ ab ineunte ipsa ætate dedica-  
rim, secutus sum institutum *V*rba-  
ni Valeriani, patrui mei, qui pri-  
mus Græcas litteras docuerat Ioan-  
nem clarissimi Laurëtij filium, tunc  
Protonotariũ, is autem mox Cardi-  
nalis, post multa rerum molimina col-  
ludentisq; Fortunæ uarietates ad  
summum Pontificatum euectus; bre-  
uiq; post tempore Illustribus fratre,

nepoteq; desideratis, cum ad prolem  
demum eorum fouendum animum ad  
iecisset, me delegit; qui, quā operam  
Patruus meus in eo olim erudiendo  
contulisset, eandem ego in Illustres  
Hippolytum, et Alexandrum na-  
uandam susciperem. Quod quidem  
Munus, q̄ diu illi superfuerūt, qua  
fide, quo studio, qua diligentia cura-  
uerim; Serenitas uestra facile remi-  
nisci potest, Dum cū utroq; Romæ  
essemus, Florētia uero cum Hip-  
polyto tantum. Postea uero q̄ illi  
quoq; nobis fatorum acerbitate adē-  
pti sunt, in patria ego mea Belluni  
tanto iam deiectus præsidio, omniq;  
totius uitæ solatio priuatus, q̄uis lu-  
ctu penē contabescerem, eo tamen  
ardentius, & longe maiore conatu

3

tentare cæpi, an Principibus hisce  
meis memoriæ quidpiam renouare  
concederetur. Quippe, si quæ in ho  
norẽ Cardinalis Hippolyti, quæq;  
in Ducis Alexandri celebritatem  
cõscripsissem publicanda procura  
rem; ut quod Viuis, tã repente, tam  
inopinato præreptis, præstare ne  
quueram, defunctis retribuerem.  
Pars itaq; sua superiore anno edita  
est in Hippolyti memoriam; altera,  
quæ Duci destinabatur, cum etiam  
in Serenitatis uestre, suarumq; nu  
ptiarum felicissimarum gratulatio  
nẽ, Propatruiq; sui Leonis Decimi  
laudes extenderetur, antiquissimæq;  
totius eius Domus commemoratio  
nem contineret; quæ a Petro Me  
diceo olim Athenarum Duce ori

ginem traxit, ut publica testantur  
monumēta, quæ ab extrema Pelopo-  
neso Romā allata, Græce scripta,  
insignibus, quibus Domus uestra uti-  
tur eisdem communita, pilarum quip-  
pe numero situque eodem in uetustis-  
simam ceram impresso, ipsi oculis no-  
stris inspeximus, et cariosa quibus per-  
legimus. In quorum uno quoque prin-  
cipium hoc habetur. πέτρος ὁ λεγόμε-  
νος ἰατρὸς ἀθρυμοίων ἡγεμῶν. Partem hanc  
inquit cum perpenderem, congruum pu-  
taui ut hæc quanta, & qualiacumque  
essent, Ei uni hæreditario, frater-  
noque iure deberentur. Sed non erit  
forte conatus meus tanta Maiestate  
dignus; at fides, cultus, & obser-  
uantia erga illam mea. Id forte con-  
sequetur, ut non sine aliqua uolupta-

te intelligat Serenitas uestra exta-  
 re, hic apud Venetos aliquot de suo  
 rum numero; qui, etiam absentes,  
 in officio perseuerant; & amplissi-  
 mos istius Domus Viros, tam uiuen-  
 tes q̃ sublatos funere, quātū animo  
 ingenioq̃ ualent, grata mētis signifi-  
 catione colere non desistant.

Ea felicissime cum excelsa  
 coniugis Maestate  
 Valeat



*Augustinus Beatianus*  
*Venetus.*

*Pierius Cilicum ostendit felicia dona*

*Vnde omnis uario semine floret ager.*

*Nec contentus eo est, ignota Milacis usum*

*Et simul hanc quisquis qua colat arte, docet.*

*Hoc uno certe creuit Res Rustica libro;*

*Ac Maro tale suum dicier optet opus,*

*Perlege, & insucto solatus carmine mentem*

*Hinc decus antiquum posse redire puta.*

5

AD CLARISS. ET ILLV-  
STRISSIMVM FLORENTIAE

DUCEM ALEXANDRVM

MEDICVM.

DE MILACIS CVLTVRA PIE=

RIVS VALERIANVS BOLZA=

NIVS BELLVNEN.



IGNOTOS Milacis cultus aperire  
paramus,

Diuitiasq; nouas hortorum ostende-  
re, ab Indis

Vsq; coloratis, iniq; a finibus orbis  
Nauibus aduectas, gemmas tellure serendas  
Multorum insignes uario splendore colorum,  
Vnde oculos, unde ora queas mortalia Dium  
Pascere delicijs, aulasq; uirentibus auris  
Induere, atq; Canis rabiem & momenta Leonis  
Lenire. Etrusci o columenq; & gloria Regni;  
Quem sibi tam egregio præstantem pectore Cæsar  
Carolus adsciuit generum. Inuietissimus ille  
Terrarum domitor debellatorq; profundi,  
Inclyte Alexander tenuem hanc ne despicie Musam  
Si magnis uacuis curis quandoq; grauatam

Exhilarare animum studijs leuioribus optas ;  
Vnde meis ueniat decus & noua fama libellis  
Nam memini teneræ igniculos ætatis ab illo  
Tempore,quo mecum Musarum repere colles  
Cepisti ( Dux uester eram ) Tu seria toto  
Pectore condebas , tu lusum & amœna iocorum  
Colloquia.haud rigido aspernatus corde,probabas .  
Non aberat studium ortorum,non cura rapacum  
Accipitrũq; canumq; & equorũ.hæc omnia recte ,  
Et modice placuere , placent,semper placebunt,  
Vos autem studiosa cohors huc ite,tepentum  
Scenarum quos tangit honos, quos gloria frugum ,  
Et mecum immensos peregrinæ messis acervos  
Colligite,& nostris nondum uulgata colonis  
Semina,quæ serimus , plenis auferte canistris  
Dic Dea quæ summiccelebras loca lucida Olympi ,  
Cui rerum est antiqua fides,quæ secula condis  
Cum Sene,qui terris herbas , sata poma ministrat ,  
Meq; per aerios tractus felicibus alis  
Tolle.& ad Aethiopum mensas age siste,beatum  
Vnde genus discam frugum condire nitentum.  
Scilicet & facili oblectare legumine uitam  
P principio Milaci non una est forma. nec unum  
Est genus.aut facies eadem.aut color unus & Idem  
Cultus,at in species seges hæc diuisa quaternas  
Nanq; alia arboreo,ac abiegno stipite surgit ,  
Viq; soporifera est,procul o procul illa faceffat,  
Flectat Ithureos letalia uimina in arcus ,



Ne sub ea quisq̃ declinans lumina somno ;  
 Purpureis tetram cum spirat floribus auram ,  
 Dormiat æternum Taxo sopitus amara  
 Altera nomen habet, quod dura. atq; aspera tactu  
 Summoueat digitos a se procul. Illa racemis  
 Labruscæ, illa Rubi. & Paliuri prædita telis  
 Saxa operit Cilicum, Truncosq; irrepit ad altos  
 Et quibus hæserit arboribus ui stranguat omnes  
 I amq; alia assumit leui de corpore nomen  
 Proximaq; Hortensi. minino tamen interuallo  
 Proxima. decipiat, nisi semine discrepet ipso  
 Quod nigrũ est Ebeni instar, at illã purpura uestit  
 Aut crocea, aut uaria est. sed frus & surculus idem  
 Et tamen esse eadem Hortensis, Leuisq; putatur  
 Nam si rem uariet color; hinc si semina cernas  
 Multa adeo fuerint tinctus discrimina, ut ingens  
 Silua modum numero nullum subducere possit .  
 Sed non hic cunctas generatim quærere cura  
 Nunc fuerit species Milacum neq; dicere mores  
 Cunctarum. quos cuiq; suos Natura ministrat,  
 Difficile est tam multa docere, & pandere uerbis,  
 Quæ uario ueterum sensu dictata tulerunt ;  
 Verum usus tibi multa dabit, quæ nemo putasset  
 Obseruanda prius ; tanti est curare quod instat.  
 Præ manibusq; tenes, nec abest sollertia agendi,  
 Vnam igitur toto e numero capiemus. & Hortis  
 Illam aptam ; quæ mitis adest . animumq; sibi ipsa  
 Siluestrem nunquàm induerit, Testumq; laremq;

Humanum celebrat, mensamq; opulentat Herilem,  
Renibus humanis foetum assimilata; laborem  
Quæ Renum Imminuat præsens, quæ lotia soluat,  
Quæ somnū allicit; neq; sit grauis umbra sub illa.  
Surculus ipse ingens, Hederæq; simillimus; & si  
Non triplici omne genu folio uestiret, abiret  
Protinus in species Hederæ, seu repere in altum  
Seu uiridi sepes denseri fronde iuuaret.  
Nempe etiam doctis ingenti errore Poetis  
Imposita est, Baccoq; & Nisigenæ Sileno,  
Et polluta nihil iuuerunt sacra precantes.  
Ne tamen hæc eadem uideatur, plurima sunt  
Nam folia (hoc distabit) habet firmissima Bacchi  
Planta, procellosi contra luctamina cœli,  
Scythoniæq; niues contra gelidasq; pruinas.  
Debilia hæc, leuibusq; simul labentia uentis,  
Quæq; æstate uigent, primo mox frigore desunt,  
Et nisi complexæ socientur germina uirgæ  
Quæ fundamento stabili fluitantia firmet,  
Dilacerent Imbres, auellant flabra Aquilonum.  
Illa suis sese gaudet uestire corymbis,  
Hæc uiolis longa spina erumpentibus ornat,  
Mox Lobis, repitq; hæretq; parietibus illa  
Atq; ubi nixa semel truncis, aut cautibus hæsit  
Auelli sine labe nequit, de corpore mittit  
Radices toto, quocunque increuerit auctu  
Hæc, quo quæq; loco sata sit, per uimina caulem  
Inflexit tenerum, atq; uirum complexa, flagellis

More Periclymeni sudibus circumdata longis  
 Contextas uestit folijs uiridantibus hastas ;  
 Messibus in menses tris utilis herba legendis  
 Siue uelis scenis decorare umbracula densis  
 Quam subito syluam immensam, latasq; propagat  
 Hinc, atq; hinc frondes, nemorosaq; brachia pandit.  
 Tempore quo prosunt tentoria, quoq; petuntur.  
 Seu mauis Phariam ante fores educere Metam  
 Crescit, & in Cœlum luncis felicibus exit,  
 Perq; apices Turris, perq; alta cacumina transit.  
 Qua uero hanc cultus Milacem ratione gubernes  
 Ne faciles pigeat quemquam tentare labores  
 Quid sit opus facto expediam, letusq; docebo.  
 Namq; ubi se obtulerit gentitabilis Aura Fauonij  
 Cumq; Hyades, Atlantidesq; orientibus Hædis  
 Occiderint, uel Sidonij frons clara iuueni,  
 Aerea tunc tenuem moueant tibi sarcula terram.  
 Nec mihi dispicias oculis loca, quæ magis apta  
 Quæ magis aprica, & natura, aut arte madescant,  
 Sed facili quodcunque manu molliueris aruum,  
 Semina ne dubita cui uis committere sulco ;  
 Quæq; loco siquidem regio opportuna serendos  
 Scu pingui condas terra, aut leuiore. ita passim  
 Inq; hortis, & agris, In summis pacta fenestris  
 Proueniunt, Vno in cyatho sere semen, alescet.  
 Fors ieiuna tibi cliuosoglarea tractu  
 Contigerit, paruæq; demus erit angulus, urnæ  
 Vnius patiens, par. es uel parte dehiscet.

Ingere humum, quantam manibus prensare duabus  
Possis, hoc sat erit, sic diues Capparis omne  
Cementum fecundat, agri nihil indignus, uno  
Rudere contentus, uel rimæ labe uetustæ.

Vidi ego ab angusto urceolo pro culmine tecti  
Granum unū ingentem siliquarū reddere aceruū,  
Quem matutinis guttis Aurora rigabat;  
Scilicet est tanti exorientem deniq; Solem  
Excipere, & radijs nocturnum abstergere rorem.  
Vidi etiam Arctoam, conuersa luce, fenestram,  
Planta ubi sola, luto tornatus cantharus udo  
In modica tellure satam suscepit illam,  
Et proba Virgo suis manibus curabat alendam;  
Horrea multiplici foetu impleuisse, famemq;  
Haud paucos pepulisse dies de paupere tecto,  
Quod pater, et gemini fratres cum matre colebāt.

Non igitur tibi opus sola uestigare, neq; arui  
Ingenia explorare labor: feret omnis ubiq;  
Sementem hanc Tellus, Sollers modo cura tenellos  
Excipiat foetus, neq; sorti exponat alendos  
Nam Pater, omne bonum qui dat mortalibus, ipse  
Hanc facilem esse uiam Milaci concessit, ut esset  
Quo studio Musis quis deditus interim haberet  
Vnde aliquam lassæ menti indulgere quietem  
Posset, & hoc specimen ludo sationis amaret.  
Vt uero possint augefcere, & ire per auras  
Exiguïs interuallis defossa decenter  
Grana pari spatio palmum dimensa locentur;

Si sit ita exiguus modus agri. Verum ubi latus  
Fundus erit, poterunt hac illac spargier, Antes  
Extremos colere, & Xystos ornare politos;  
Vt quoquo texant aulea uirentia uersum,  
Sub Dioq; tegant aras, Sed quid moror arclis,  
Angustisq; locis? nullus tibi dulcis agelli  
Angulus, Area nulla uacet, quin protinus illam  
His ornes Hederis, oculosq; intersita letos  
Planta iuuat, passim uenient, passimq; uirebunt;  
Ni iaceant neglecta, rubisq; aut gramine operta.

Nolim autem recti sis ordinis immemor, unde  
Semina ad extentam serie pangantur Amussim,  
Namq; animū æquatus pascet prospectis, ubi Hortos  
Cerula distinguens inter plaga curret amœnos;  
Quod si distendas folijs umbracula iunctis,  
Quis æstiuā procul radiorum uerbera tollas,  
Commoda quanta aderunt, uitæ quæ flagitat usus?  
Hic locus est, cuius recubes sub tegmine menses  
Æstiferos, rabiem Cœli dirosq; Cometas,  
Tabifico terras urentes igne Cometas,  
Nostra quibus totiens trepidarunt Secula mōstris,  
Declines, & amata libens ubi frigora captes;  
Antrum ridet ubi camerato fornice opacum,  
Ridet ubi florum lasciuiā læta nitentum;  
Omnia ubi rident uiridi persusa lepore  
Magnaq; deſſæ dant oblectamina menti,  
Alliciuntq; oculos Siliquæ superimpendentes.  
Quæ si Scena placet, si cordi est tanta uoluptas

Consumes haud multam operam, minimoq; labore  
In quamcunq; uoles faciem formabis, at illæ  
Morigeræ imperium lætæ, facilesq; sequentur,  
Nec uenient ullo melius Tentoria cultu.

Verum etiam, atq; etiam ratio est sationis habenda,  
Semina nec pigeat lymphæ medicare liquore  
Arida si fuerint, bidui est ea cura, tumescunt  
Protinus, & sulco tumefacta recondier optant.  
Fallitur, in plures differt qui semina Soles  
Molliri, capiturq; auctus dulcedine, maius  
Quotidie aspiciens in aquis grandescere Corpus,  
Nescius hinc uiuos elabi e fruge colores  
Quem primum expetimus tota hac in messe leporē

Sed nisi tardus eris, si prima seueris hora,  
Horrida cum glaciis Zephyro deuicta liquefcit,  
Nil opus artis erit; collectum nanq; pruinis  
Humorem terra ipsa dabit, liquidumq; teporem  
Sufficiet, quantum granis quæratu alendis.

Non longum illa autem spatium defossa latebunt,  
Erupisse foras studium est exireq; in auras  
Approperant. Igitur posito post semine septem  
Nil ultra remorare dies, sola rumpere ceptant  
Singulaq; octaua patefiunt luce coorta,  
Si natura loci ferat id, nec deferat humor  
Si bona temperies de cœlo affulserit; at cum  
Frigida uis, Boreæue rigor sola densat, in almis  
Condita se cohibent sulcis, ortumq; morantur.

Sæpe

9

Sæpe etiam frustra expectes, atque irrita tentes  
Præcipue si uel nimio saturaueris uda  
Arua simo, uel aquas non apto tempore fundas;  
Namq; sit ut multo plerunq; humore necentur  
Cauliculi primis uix dum radicibus actis  
Et simul ante ortum iaceant tellure sepulti,  
Vel sub concreto generentur cespite pestes,  
Semina uel fluido mucore absumpta liquecant,  
Marcorem siquidem generat nimis humida gleba;  
Marcor ubi pluuijs de cælo turgēt obortis  
Sponte animascit, et hinc uermes effluere pergunt,  
At, quæ sunt uiuam naturam nacta necesse est  
Hæc eadem pasci; bruta in Tellure quid autem  
Vestigant, nisi radices, frugumq; olerumq;  
Has ergo aggrediuntur, & ut preciosior ulla est  
Huc magis uis inimica ruit, totamq; laceffunt.  
Inq; dies carpunt, donec consumpta supellex  
Omnis deficiat, uis omnis corruat, esu  
Mortifero hausta intus sub cespite perdita cæco  
Principio obstandum est igitur, malaq; ante uidendum  
Hortorum si tangit amor, si cura leporum  
Verum illæ demum abrodendo, & cuncta ferendo  
Deficiant, non ipsa seges defecerit unquam;  
Sed quo plura acri uitiarint dente, reponet  
Vberiora dein qui mox succedet alumnus.  
Ne timeas, neu desperes, felicia semper  
Ex alio atq; alio foetu tibi grana parantur.  
Quod si illa intulerint cladem, uel semina terræ



Haud ita fecundæ mandaueris, est ubi damna  
Consarcire queas. Si rara hastilia surgunt  
Des operam renouare, aliud pro germine germen  
Sufficere, & transferre, ubi quid perijsse uidebis.  
Densa erit hic, illic Silua, partem inde refossam  
Tolles, cumq; sua uelles plantaria terra  
Quæ facili infodias dextra, fouea ante parata  
Quatuor ad digitos tantum. descendere in ima  
Nil amat hæc nata ætherias consurgere in auras  
Illicis & celsæ truncos superare, modo adsit  
Cui baculo nitatur, apex quem captet eundo.  
Illa autem ante omnes fuerit tibi cura colendi,  
Cum primum bifidam extulerint de cespite glandē  
Prægravidam, folijs uix apparentibus, illam  
Exiguus ne mus, uel rostro Gracculus acri  
Inuadant, ne pica loquax, ne ue aduena Hirundo,  
Deniq; pictarum mense hoc genus omne uolucrum  
Solanturq; famem, & ieiunia longa, per hortos  
Semina dum populāt, rostro aut modo nata recidūt.  
Quare age, & extantes summa Tellure Fascellos  
Armabis uallo spinorum, & uepris acutæ  
Desuper oppilans aditus, hederacea donec.  
Primum bina dabunt folia hinc atq; inde coorta  
Surculus incipiet ualido mox crescere iunco.  
Altior hinc terra se attollet pampinus, & mox  
Terna hilare cernes folia grandescere partu.  
Incipias age tum studium præstare, & amorem  
Si te haud uana mouet diuina gloria frugis



Et digitis Grumum aggerere, & uersare liquentes  
 Humorū guttas, quantum natura loci, uel  
 Aeris exposcet, Tibi enim est id discere promptum  
 Siue diu aruerit tellus, seu surculus arctis  
 Contractus spatij externo est ubere alendus  
 Huc tua non temere petitur prudentia, ne mox  
 Incassum dicas totum cecidisse laborem,  
 Incusesq; Deos, & inania germina damnes.  
 Deniq; ad hæc curæ pretium est aduertere mentem  
 Flectere cum incipient se in cunctas undiq; partes  
 Quo poteris studio ut uirgulta recentia cures.  
 Nempe ubi Caulis humo cubitum se protinus unum  
 Sustulerit, uertensq; uirum conquirere habendum  
 Spõte sua incipiet, graciles huc ocyus ornos  
 Aut teretes Corylos, aut ramos Herculis, atq;  
 Castaneas densas succide, aut uirgea glaucæ  
 Valla fræsas Salicis, tum frondes stringe comantes  
 Et mollem, abrasumq;, nec ullo horrore rigentem  
 Cuiq; suum iungas sponsum, mirabere sensum  
 Vimq; maritalis studij, tam flexilis arctos  
 Ibit in amplexus, & uersa abunda marito  
 Circum se fundet, uirgamq; tenaciter omnem  
 Ambibit, ne mox aliqua ui pulsa uacillet,  
 Nec ualidas dubitet uentorum temnere uires.  
 Sentit enim uim quæq; suam, neq; uiuida plantis  
 Ingenia, & sensus, quocunq; ferantur, abesto.  
 Nam cur palmam arẽ positũ trans flumina, poscat  
 Et durum incuruet Truncum, si possit odorem

Aut auram ex illo uenientem carpere? Solem  
Cur Clytie assiduo motu conuersa sequatur?  
Et miris ita multa modis sua commoda norint;  
Nisi sit in his uirtus manifesto prædita sensu.

Per loca sic illæ insinuant se consita uirgis

Et usq; multiplici nexu data uimina circum  
Arboreasq; sudes luctantur, & æthera captant.  
Visa adolescendi finem fecisse, modumq;,  
Tunc etiam ulterius procedere mens furit, atque  
Cauliculis supera alta petunt, noua uimina quærunt  
Quæ noua de genibus creuerunt germina, tantis  
Emergunt folijs, & dispanduntur in auras  
Astra ultra euasura, adsit modo copia conti.  
Desertæ sedenim auxilio, uacuum Aera nactæ.  
A capite orta suo instituunt uestigia retro  
Anguineum in morem, seq; in sua mēbra retorquēt  
Complicitæ iunctim sinuosis flexibus, & se  
Fortiter amplexantur, & obuia quæq; reprendūt.  
Nempe ubi nixari nequeunt, obnoxia uentis  
Auxilium implorare diu iactata uidentur  
Aera per, miserisq; modis agitata laborant.  
Sæpius & minimo uento lacerata fatiscunt  
Et diuolsa cadunt, nisi se implicuere flagella.

Interdum plures nexum glomerantur in unum

Obtortum inde putes nautis ad crescere funem,  
Molliter hic digitis hærentia soluere adactis  
Cura sit, & nodos sensim, explicuisse tenaces.  
Sit studium teneras frondes non lædere, luncos

Conseruare, uniq; suum dare cuiq; maritum  
 Qui collabentes passim suffulciat artus.  
 Verum illud tacuisse nefas, iugulare flagella  
 Quæ super interdum data uimina ad astra uagantur  
 Esse opus, atq; modum crescendi imponere certum.  
 Nanq; minus frugis, nisi me experientia fallit.  
 Protulerint quæ sunt altis magis edita ramis,  
 Quandoquidē in folia, ac iuncos absumitur humor.  
 Omnis, & in foetum mox deficit. Alta iuuabit  
 Scena alios, summasq; super tendentia nubes  
 Germina, & his speciosa, alijs frugalia sunt,  
 Vt sua cuiq; hominū ex animo fit blanda uoluptas.  
 Qua crescant patet hinc, summasq; ferantur ad auras,  
 Nunc quæ seruari possint ratione canemus;  
 Nam quamuis terræ omne genus sit idonea nutrix  
 Addite aquas Milaci uos, o, quibus unda propinqua  
 Tramite ducta rigat segetes, felicibus ite  
 Auspicijs, quocunque solo deponite semen  
 Tales diues habet passim Vicetia colles  
 Felici Erethenus quaquā delabitur amni,  
 Et Verona, lugis qua prosilientia Rhœtis  
 Molliter exundant per amœnas flumina Villas,  
 Sed neq; Cenomanum riguos quāplurimus hortos  
 Non fecundat aquis, late qui liquitur altis  
 Rupibus, extructisq; fluit de fontibus humor,  
 Atque aliæ tota Italia superantibus Vrbes  
 Ditantur lymphis natura, aut arte profusis;  
 Quæ mea si norit Bellunum commoda, Tellus

Nulla magis potis pinguesceret humida riuus.  
Hæc aberunt, puteos fodere, pluuiasq; cadentis  
Colligere in fossas, atq; hunc has parcere in usum  
Profuerit, passimq; altas deducere lamas  
Vicinamq; uiam obliquis discindere sulcis.  
Vtile nullus opus labor, aut ignauia tardet  
Vt sit, ubi sicca Telluri occurrere possis.  
Venerit æstiuæ cœlum exitiale caloris  
Luctificamq; Canis rabiem exercebit ab astris  
Atque homines, atq; arua siti, iumenta q; passim  
Victa laborabunt; Teneræ tunc brachia frondes  
Languida laxabunt uehementi tacta uapore.  
Arebunt flores, atq; ostentantia foetum  
In Tunicis iam tum primum erumpentibus, æstu  
Cornua adusta cadent, ser opem, & solare laborẽ.  
Iam pridem nisi foecundis pater imbribus æthram  
Sparserit, & læto terras humore iacentes  
Alluerit, cape uasa prior, cape sedulus urnam  
Ante alios (nunquam Alma Pales respexit inertem  
Agricolam), manibusq; tuis superingere fontes,  
Atq; tui exemplo segnes incende ministros  
Qui repetat haustas quocũq; ex flumine Lymphas  
Vberibusq; rigent sitientia gramina guttis.  
Vnde honos, & felix crescat tibi copia rerum  
At non exiguum uenti quoque sugere partem  
Humoris tendunt. puro cum flamina cœlo  
Ex Aquilone in agros ulla sine nube feruntur.  
Proinde ad opem te Naiadum conferre memento.

Scilicet Anguis alit ceruas, cythiſusq; capellas  
 Flos Tymbræus Apes, auctant ſata cuncta liquores  
 Nunc pluuij, nunc irrigui, nunc arte parati,  
 Progigni ut properet, genita ut procreſcere poſſint  
 Hoc ubi prouiſum mox altera cura ſubibit,  
 Ne iuxta denſere ſinas mala gramina, nanq;,  
 Subducunt inſtar fucorum alimenta, per imas  
 Radices multis ſeſe inſinuantia nodis;  
 Mox ubi confertos calamos miſere ſub auras  
 Corripiunt ſpatium omne, ſolumq; haſtilibus opplēt  
 Egelidumq; nemus letali frigore opacant.  
 Vt iaculis igitur Solis feriantur oborti,  
 Et quas affectas fruges decerpere, aleſcant,  
 Argentem circum totam conaberis herbam  
 Soluere veſtigans digitis, & tollere tetras  
 Hac, illac latebras, paſſimq; aperire feneftras  
 Conſpicuas: per quas radij, calorq; penetrent,  
 Conſirmentq;, & alant fruticem ab radice tepentē.  
 Atque aliquis, Scenæ cum denſior ingruit horror,  
 Qui uitalem animam cœli diſcludat, ubi uſquam  
 Germina habundabunt iuncorum plurima, cernens  
 Surgere inutilium ſiluarum umbracula, multam  
 Luxuriam carpit foliorum, & diſcutit umbram  
 Inuiſam, rareq; latus facit omne, leuatq;  
 Fronde nemus nimia attondens, ne ſemina lædat.  
 Vix licet, ut carpas, euincere. fertilis hydra eſt,  
 Pro folio quod ſuſtuleris, mox pampinus exit,  
 Pluribus armatus clypeis in parte, locoq;

Decerpti, uiuaxq; uiget natura ferendi.  
 Quin etiam quacunque metas nemus, auxilio frons  
 Proxima quaq; subit, labemq; obiecta retexit,  
 Scq; suo uiridi semper uelamine uestit,  
 Nec patitur raras interlucere fenestras,  
 Aut propria corpus spoliari ueste pudicum.  
 Sic in difficili Martis certamine Miles  
 Romanus, quotiens hosti coniuncta premebat  
 Hostem acies, Vallos umbonum opponere Telis  
 Cauerat, & simulac cecidissent unus, & alter,  
 Vnus & alter erat qui partem operiret apertam,  
 Ordinibusq; ita nulla in parte patentibus, arcta  
 Pugna suo semper uallo densata uigebat.  
 Hæc ubi sollicita, at facili curaueris arte  
 Haud ita tempus erit longum, uirgulta uidetis  
 Cum uirides pingent insertis floribus herbas.  
 Nam simul explicuit frondes, protrudere gemmas  
 Incipit, hæc surgunt, calamisq; sub omnibus hærent.  
 Singula multiplices dant internodia flores  
 Iam teretes, mox in tumido mucrone rotundos,  
 Cumq; patent, forma uiolas imitantur apertas.  
 Exierit tibi gemma inter folium, inter auenas  
 Distinctas genibus, nodisq; & harundine iunctas,  
 Dumq; latentem intus tunicam producit, abactum  
 Abrumpit florem, atq; procul cum fruge propellit.  
 Cornicula hinc primū geminata, inde altera, et inde  
 Altera, dum cuspis protenditur, aucta tument.  
 Quod si tarda tibi fuerit sectura, uel imbres

Obsuerint, sicæ ue auræ, uel confitus umbra  
 Sub nimia locus, aut gelidi uicinia tecti  
 Granaue tosta diu duro latuere sub aruo  
 Ne dubita, matura aderit tua tempore mæsis.  
 Nam, ueluti effœta plerosq; ætate parentes,  
 Infœcunda quibus fuerit sine prole luuenta  
 Tunc uideas demum sobolem, insperataq; dona  
 Suscipere, & dulces hos circum ludere natos  
 Cum nil tale animo uersant, cum tempora canis  
 Albescunt rigidis. Sic noster surculus olim  
 Letuserit, grauidosq; dabit cum scœnore scœtus.  
 Quando autem incipias Vannos, & Cribra replere  
 Mæsisbus expediam, maturaq; tempora pandam.  
 Tempus erit primas cum iam decerpere fruges  
 Haud dubijs ipsæ poterunt ostendere signis,  
 Continuo est Tuniceis alius color, ægraq; pendet  
 Pallentum facies uisu pellucida, quarum  
 Aetas aucta satis, quas ablaetauerit æqua  
 Mater, ut in reliquam sobolem diuertit Amorem.  
 Namq; nitent pingues blandis sub matribus agni,  
 Vbera dum sugunt, dum lactis copia, postquam  
 Depulsi, paruo macilenti tempore languent,  
 Horriduliq; imbecillis uix ossibus hærent.  
 Sic seges hæc, scœcunda parens quos nutrit obesos  
 Reddit, at in senium recidunt quos deserit ultra  
 Pascere; nempe nouus curâ hanc sibi poscit alûnus,  
 Qui Pandionie nutritur Hirundinis instar.  
 Inter enim matres, inter genus omne Volantum



Nulla magis natos æquatis partibus ales  
Curarit, tam iusta cibi fit Sportula cunctis.  
Hæc tu igitur tenui pendentia cortice ramis  
Cum iam effæta labant molli ceruice profusa  
Carpe manu, impressoq; leui sensim ungue recide,  
Nec tibi sit introspectiendi tanta cupido  
Vt subito, speciem & uaria ornamenta colorum  
Miratus tunicas properes discludere lectas,  
Sed biduum sub Sole sinas, uel contine in umbra  
Donec inarescant; color hinc tibi nanq; rubebit  
Floridior, quod si teneras dissolueris, ipsa  
Gemmarum facies sæde diluta peribit,  
Pallidaq; imminuet pretium, neq; amabitur æque,  
Nam, nisi quæ maturuerint, liuescere oportet.  
Neu siliquas pendere diu patiaris, ubi illas  
Languere, aut tunicam crispare inspexeris, aufer  
Protinus omnia sicca; Virentia quæque relinque.  
Mox aliæ incipient Violæ procrescere ab imo,  
Interdum medio, Interdumq; abrumpere summo  
Caule, & odoratis nodos uestire coronis,  
Quæ referant totis canentia Lilia luncis  
Et genus omne rosas, & purpureos Hyacinthos  
Vnde tibi in mensem Messis speranda propinquum.  
Sed messor si tardus eris, nimiumq; moratus  
Dum resonare docent tunicis quassantibus auras  
Ludicra decernens pueris munuscula paruis  
Haud minimâ accipies cladem; nam sparsa sub herbis  
Semina perdidderis per humû, quæ sponte refractâ



Exuerint uestem, & dissecto uentre parentis  
 Prodierint, uti uiperae impietatis alumni.  
 Vipera nam Tragicum seuit letale in apertas  
 Excipiens semen fauces, caput inde mariti  
 Amputat amplexu in dulci : mox damna parentis  
 Extincti fera progenies ulciscitur, aluo  
 Materna abrosa; & catuli sine matre oriuntur.  
 At ueluti nolim nimium te in messe morari  
 Sic etiam immatura negem te carpere, quamuis  
 Luxuria hæc multis melli est merfisse tenellas  
 Feruentes in aquas, mollitasq; inde in acetum,  
 Inq; oleum transferre, piper super addere; more  
 Asparagi condire, gulæ ingeniosa reperta,  
 Verum ego delicias temnens, luxumq; Nepotum  
 Quis neque mos, neque pensi aliud, q̃ effusa libido,  
 Non nisi sacra parare uoles, mensasq; beatas  
 Instruere aduentu peregre aduenientis Amici,  
 Aut festum celebrare diem, aut traducere nuptam  
 Dem ueniam teneras luncis decerpere Thecas.  
 Nā quorsum hæc iactura? licet si cōdere in amplis  
 Semina adulta cadis, anni totius in usum  
 Cur uities? nanq; ante diem detracta fatiscunt,  
 Et priuata colore, suo & fraudata decore,  
 Corpore qui leui commendabatur, aniles  
 Concipiunt rugas, contractaq; turpiter horrent.  
 Quæ uero fruges maturo tempore lectæ  
 Ipsæ ultro ad Solem expositæ prorumpere testis  
 Tentabunt, rimasq; , hiantiaq; ora recludent.

Vt radios intromittant, & corpora tinguant.  
Quod faciunt, quaque ætherius supericiat ardor  
Denique ut Eoo in pelago, qua Gangis, & Indi  
Dulcia se miscent Neptuno Flumina amaro,  
Mille feruntur aqua in summa fluitare, sereno  
Aethere, Sole orto, testis Conchilia passis  
Ad matutinum sese uertentia rorem;  
Concretis donec bacchata monilia guttis  
Duruerint, Mitras diuum, Regumq; Thiaras  
Ornatura, decus nuptis auclura puellis.  
Sic Iubaris Milax radiantia lumina captat.  
Postquam igitur Solem ambierint, auramq; serenam  
I, Tunicis filiquas arentibus exue, & ipsam  
Membranam abripias, & grana nitentia demas.  
Semina conspicias uarianti cortice picta;  
Vellera quæ Assyrijs uincunt fucata uenenis,  
Hæc Melibœa uelut pinxisset purpura, & illa  
De collo dices Pauonum hausisse colorem,  
Illa ebur, illa aurum, illa Ebenum simulare putabis.  
Nunc age tam uarij fuerit quæ causa coloris.  
Musa refer, ueteres meminisse licebit amores,  
Et Crocon in paruos uersum cum Smilace flores.  
Smilaca nanq; Crocus, Smilax Crocon arserat igne  
Mutuo, uterq; Cilix, Soboles regalis uterque,  
Vno interposito disiuncti sedibus horto;  
Smilaca sed patrijs inclusam Turribus aiunt,  
Vnica Cisseo fuerat quæ nata parenti,  
Sponte perisse, Crocum dum suspirabat ademptum

Quem iuuenem florentem annis, opibusq; potētem  
 Formosum, & magnis Cyri natalibus ortum  
 Et disco certare bonum, & certare palestra  
 Indo: atam etiam cupidum accepisse puellam,  
 Coniugio expulerat durus pater. Is quoq; proles  
 Magnanimum Heroum; quo nemo potentior olim  
 Rexerat Arsinoes populos, & Doron, & antrum  
 Corycium, ualido dum iustæ in corpore uires  
 At iam ætate Senex, indigne, ægreq; ferebat  
 Conuersa in iuuenem studia, & suffragia uulgi.  
 Hic genitore satus Celpho, satus ille Gymbello  
 In se odium antiqua induerant ab origine gentis.  
 Quid memorem quotiens Cilicum feritate parentes  
 Indomiti miseros bella in ciuilia ciues  
 Concierint, quotiens per mutua damna furentes  
 In sua nudarint sceleratum uiscera ferrum.  
 Intulerint in Tecta faces, & funditus ædes  
 Aequarintq; solo, & uiduarint ciuibus urbes;  
 Tanti est ambitio, & primos sibi poscere honores.  
 Ergo exspes iuuenis cupido deiectus amore  
 Consumptus curis, longisq; doloribus haustus  
 Assiduo in fletu dum totas ordine noctes  
 Peruigilat, totosq; dies mœrore liquescit (catus  
 Frustra homines, frustra q; Deos, frustra astra pre  
 Tabuit, & lacrymis demum liquefactus in ipsis  
 Smilacis ante oculos uicino extinguitur Horto.  
 Ille quidem in speciē hanc Hederæ mutauerat artus  
 Pallentes artus auro magis unde colorem

Traxerat in siliquas croceum, color aptus amanti  
Pallidus est, ubi cor lique scit, ubi horrida uultum  
Deformat Macies, Iecur & depascitur omne,  
Moxq; omnem toto diffundit corpore bilem.  
Ergo ita per clatros, Triglyphisq; asperrima celsæ  
Turris saxa means, superas repebat ad arces  
Ad Dominamq; suam, studio properabat amantis,  
Exiguosq; dabat flores, siliquasq; recentes.  
Illa nouas fruges, frustra heu gauisa, subactio  
Pollice decerpit, tanti monumenta doloris,  
Et subito hic latitare suos excepit amores;  
Seu præsaga mali monuit mens, seu Deus ullus,  
Seu grana Isiacis fuerant inscripta figuris;  
Plurima nam Isiacis uideas inscripta figuris,  
Incertum; certum est illam attraxisse furorem  
Indomitum, ut Cilicum exitium malesana pararet.  
Nempe alta se præcipientem de turre supremo  
Victa dolore dedit, tenerosq; ita cautibus artus  
Allisos miserum lacerauit. At inde Deorum  
Imperio in similes Iuncos mutata reuixit,  
Quale Croco obtigerat uimen, sic fata ferebant.  
At postquam attonitam fama hæc uulgata per urbem  
Egregium forma Iuuenem, eximiamq; Puellam  
Extinctos dira patris impietate, feruntur  
In lacrymas matres, immensas uulgus in iras,  
Ardescuntq; animis urbes, populariter itur  
In cedem Regis; qui iactis undiq; telis  
Conficitur, meritasq; luit pro crimine pœnas.

At Dij mutato Ciffæi corpore cefi

Victura Infandi fccleris monumenta dederunt ,  
 Nanq; hederam ille etià induitur; rigor infidet ore  
 Afperitasq; agrestis, & implacabilis herbam  
 Occupat, Inq; artus omnes immiffa, repente  
 Per folia & luncos increfcunt tela, Rubiq;  
 Afpalatiq; feget per neruos horrida surgit,  
 Vnde omnem attactum fugiunt. Labrufca racemis  
 Pendula promiffis medios diffufa per hamos  
 Ora laceffentum gultu perstringit amaro.

Sic Crocus, atq; Croci Socer occubuerè perempti,  
 Sic tenuata Milax nomen tenuauit, & artus;  
 Vtq; erat effuso corpus confperfa cruore  
 Sanguine Grana fuo fiquis turgentia longis  
 Purpureo infecit fuco, gemmæq; , Lapilli;  
 Innumero numero quos Texta monilia habebant,  
 Vt fuerant uarijs per colla nitoribus aucti,  
 Poftquam fatali maduerunt fanguine, uerfi  
 Ipsi etiam, totidem pepererunt Legumina, eifdem  
 Quis ornabantur decorata Leporibus, unde  
 Semina difsimili crefcunt uelata colore .  
 Tincta hæc fanguineis iures Corallia guttis,  
 Illinc Sardonyce, micat hinc ftellatus lapfis  
 Pluribus hæc Pyrrhi maculis imitantur Achatem  
 Et Varias rerum fpecies pro cortice pingunt.  
 Sed quid ego hic repetam quæ nulla recenfeat ætas  
 Semina multigenis tinctus uariata figuris  
 Quot uerni fuerint per prata uirentia flores.

Mille etenim facies tibi erunt, & nomina mille.  
Fertilis hæc autem messis tris ordine Lunas  
Continuat, uariatq; uices, nam multa senescunt  
Vno eodem ramo, & florescunt multa subinde,  
Egelidæ donec scelerati frigoris auræ  
Ingruerint, tenerasq; helices & Brachia lenta  
Tentabunt, cogentq; gelu flaccescere caulem  
Idq; erit Autumni sub frigora prima, Cadente  
Auriga, & clara iamdudum oriente Corona,  
Tum nihil Vltius speres, at differ in annum  
Vota nouum, filiquisq; opulentus pascere lectis.  
Atque ubi sollicitus messem Collegeris omnem  
Diues opum uariarum, attentus dispice, quas tum  
Insumas Epulis adeo genialibus, & quas  
Sufficere in sobolem uenientis concipis anni  
Selige directas tunicas, & selige grandes  
Atque coloratas gemmas, & Corpore leues  
Turgentesq; omni de parte equaliter, inde  
Temne lacunosas, rugosas mitte, pusillas  
Abijcie, & in mensæ parcis dato matribus usum  
Verum ea erit species, decor, & lepos, illa uoluptas,  
Nunquā oculos spectādo, manus nunq̃ inter habēdo  
Vt satiare queas; & quo tibi plura canistris  
Semina habundabunt plenis. maioris Acerui  
Ardescet pectus cupidum, quia pulchra, & amœna  
Omnia quæ fuerint studeat sibi quisq; parari.  
Sed nolim quenquā esse suis ita rebus auare  
Deditum, ut hoc dono caros defraudet Amicos.  
Tolle

Tolle seras, & claustra penus, cunctisq; patefcant  
Horrea, totius populi iucunda uoluptas.

Ante alios partem haud modicam Soror Inclytâ faxis  
Accipiat Dux magne uelim; Nā munera sunt hæc  
Digna illo Ingenio, & uirtute, & laudibus illis;  
Indole quas Rex armipotens miratus in alta,  
Fatorum impulsus magnorum numine, Neptem  
Regalis de Matre domus, & origine natam  
HENRICO Vxorem Gnato deposcit habendam;  
Gallorum Rex Magnanimus, Rex optimus ille,  
Qui Celtas, Belgasq; regit, Gentemq; ferocem  
Intra Pirenen, & Rhenum, ultraq; repostos  
Oceanî fines, & densas montibus Alpes.

In Ligurum Iuga, et arua Pado cōiuncta profundo.

Quando autem illa suo unanimi iungenda marito  
Ire parat, Ligeris uiridem percurrere ripam;  
Et latium decus in Celtas transferre potentes  
Multis illa quidem Gemmis ornata, sed istis  
Lætior, in foetum quas totis diuidat agris;  
Pinguiq; arua noua locupletet prouida fruge.

Huic populi Gallorum omnes, ciuesq;, coloni;  
Auratam grati statuam, capitiq; Coronam  
Hoc de Gemmifero redimitam uimine ponent.  
Implicitum uirgæ fruticem manus una tenebit  
Altera prægravidis Craterem frugibus auctum.  
Non aberit titulus memori cum carmine cesus  
In lapidem, æternum quem postera perlegat ætas.  
Et quotiens, agros lustrabunt, uotaq; reddent



Agricolæ Nymphis, Cereri Bacchoue quotannis  
Cum bene seminibus fuerint, Regiꝑ; precati  
Te quoq; te cuncti memores CATARINA uocabūt  
Atq; tui, atq; Ducis sponſi dicentur honores.  
Hæc tibi de Milace, atque tuæ stat fama Sorori  
Optime Alexander, Generiꝑ; hæc gloria uestro.  
Sed uestrum o Musæ sat erit cecinisse Poetam  
Hæc super Hortensi Gemma, & super undiꝑ; miro  
Semine, quod multa ignorauit secula terram  
Italiam, at totis nunc uulgo nascitur hortis.  
Atq; ego tam læta ditarim fruge meorum  
Prædia uicinis etiam non inuidus oris  
Nec Patria, ut mos est hominū, mihi grata m' erēt  
Acceptum feret; ulla nouis neq; nomina ponet  
Seminibus, tantiꝑ; aboleſcet gloria, Doni.  
Non ita Abantiadis bona Persicus inuida succos  
Ambrosios præbet, Cordiꝑ; aluoꝑ; benignos  
Quam quondam Perſeus, Poſtquam Cepheia liquit  
Littora, præſecta clarus ceruice Medusæ  
Dona Mycenæ telluri tradidit, unde  
Nomen id æternum numeroſa in ſecula fudit.  
Grata etiam Auctori, quāuis eſt Barbara, Memphis  
Perſica poma uocat, cuius de fronde Coronam  
Poſcere uictores Atau' meditat' honorem  
Iuſſit Alexander, terraꝑ; mariꝑ; ſubactis  
Quod ſi nescio qua multorum ſorte legumen  
Pierium tandem pudet appellare. Clienti  
Laudi erit, ut noſtro dicas de Principe nomen



Clementis quoniam frux hæc de munere uenit.  
 Ipse Pater Clemens dono mihi quam dedit ultro  
 Et dixit donans, ditabis tu quoque colles  
 Fruge noua patrios, Belluniaq; arua beabis.  
 Ergo ego, ut in patriam redij, data semina seu  
 Non agris tamen hæc, aut hortis credita, uerum  
 Fictilibus tectum ornaram, phialisq; fenestras,  
 Scilicet hinc minimæ quid sperans Mesis, & ecce  
 Ingentem primum foliorum surgere siluam,  
 Innumeras passim uiolas florere per omne  
 Virgultum, & siliquis prægnantibus omnia plena.  
 Nec mora, iam matura seges, mox altera iuxta  
 Erumpebat, & altera floribus induebatur.  
 Vno eodem iunco, de ramis pendula eisdem.  
 Summa, ima, & media florebant tempore eodem,  
 Et matura dabant, legerem quæ semina; partu  
 Sic uetere abscedente nouus crescebat alumnus.

Iam locuples (non ulla dies sine fruge) repleui  
 Messæ hac quidquid erat patinariû, aulaq; capacis.  
 Tanto auctus mox seminio tota urbe uiritim  
 Dona dedi, non iam urceolis, pateris uel serenda  
 Apta agro, apta hortis, Cliuisq; & uallibus apta  
 Mox alias etiam frugem partitus in Vrbes  
 Fontanumq; Silim hac colui, fontemq; Timauum,  
 Et tot Iapidie campos, tot littora Iulij,  
 Carnorum colles, & Norica rura, & amœnas  
 Rhetorum ualles, & iugera culta Tridenti  
 Omnia Belluno Iuga circumfusa niuali

Quin docui & serere, & magnos augere in acervos  
Tradita quæ fuerant Tutela munera nostræ,  
Auctor & ignotum latitabo inglorius æuum?  
At lateam, at terræ sim filius, abditus umbris  
Dum modo Clemētis meriti celebrentur honores.

An tanti pudeat te principis? Ille catenas  
Iniectas collo Italiæ demum abstulit, ille  
Prouidus extinxit scelerati incendia Belli  
Ille modum, finemq; odijs ciuilibus æuo  
Imposuit nostro, & longo post tempore pacem  
Attulit ignotam sedis, qua deniq; læti  
Nunc fruimur, requiemq; illi debere fatemur  
Degentes placidumq; æuum, uitamq; serenam,  
Si poterunt mentes Italæ hanc perferre quietem,

De Smilace Hortensi Hermolaus Barbarus ex  
Dioscoride. CCCLXXIIII.

**S**milax Hortensiana : cuius fructum Lobia, nonnul-  
li Asparagum uocauere; folio bederaceo molliore  
duntaxat caule gracili, flexu clauicularum adiun-  
ctos impediēte frutices; adolescit in tantum ut ra-  
mi sufficiant operi topiario. Siliqua fenogræci ob-  
longiore torosioreq; inibi semina continentur re-  
nunculus similia, nec colore uno, sed ex parte sub-  
ruffentia. Paratur igni folliculus cibo cum semine  
tanquam Asparagus; urinamq; pellit, insomniosos  
facit.

Marcellus ex eodem Diosc. char. 135. cap. 132.

*Smilaca* Cepeam, Romani Hortensem *Smilacem* appellant, Hortensis *Smilax* est cuius semen *Lobia*, diminuta a *Siliquis* uoce *siliculas* Græci appellant, ab aliquibus hæc ipsa etiam *Asparagus* uocatur, Hederæ folia habet, molliora tantum, graciles caules, & in caulibus capreolos propinquis fruticibus se implicantes tanto undiq; incremento, ut Scenas etiã & tentoria inumbrent. *Siliquas* fert *Fenogræco* similes, longiores tamẽ, crassioresq; in quibus semina Renibus animalium similia, nec colore uno, uerum ex altera parte leniter ruffa, coquitur olerum modo ad cibum, *siliqua* cum semine *Asparagi* modo elixa, estq; illi natura, & uis urinam ciere, sed grauiã facit somnia.

De *Smilace leui*. Herm. ex Diosc. 757.

*Smilax Lia*, hoc est leuis folio hederaceo molliore, leuigatioreq; *Palmitibus* præter spinas, quibus carent, omni alio modo asperæ similibus, conuoluit se arboribus, quẽadmodũ et illa semẽ ut lupini habet nigrũ, et exigũ, super quod semper circũqua; flores exiliunt candidi copiosi, orbiculati; Topiario frutice per æstates, folijs per Autumnũ cadentibus, Huius semen cum *Dorycnio* ut tribus obolis utcunq; capiat, tur somnia multa et turbulenta facere existimatur.

Marcellus ex eodem Diosc. cap. 136.

*Smilaca* Læam. i. *Smilacem* sine aculeis Romani pariter Græcis *Smilacem* non aculeatam dicunt, *hederæ* similia habet folia, molliora tamē, tenuioraq; , & maiore leuore, *Vitículas* itidē *Asperæ* similes , sed *Aculeis* carentes, aduoluitur & hæc, ut illa, arboribus, fructum fert *Lupino* similem, nigrum parūq; supra quem numerosi colore candido per totam *smilacem* orbiculati flores exeunt. *Scenæ*, *Tabernaculæ*q; *Smilacæ* hac æstate fiunt. Autumnosolia amittit, eius semen cum *Dorycnio*, & utrunq; trium obolorum pondere potum multa & tumultuosa insomnia facere creditur.

*Smilax aspera* Diosc. *Hermolao* interprete. 756.

*Smilax Trachea* hoc est *aspera*, alij *Epapitia*, alij *Lycanthemon*, alij *Cynosbaton*, alij *Aniceton*, alij *Heliophyton*, alij *Anatolicon*, alij *Dyticon* , alij *Eliden* ; *Aegyptij* *Lyiathæ*, Romani *Merginā*, *Ethrusci* *Radiam* folio *Periclymini*, ramulis multis, exilibus, *Paliuri*, aut *Rubi* modo aculeatis, repentem per arbores ambiendo eas ab imis usq; ad sumas, semen in racemis *Labruscæ*, rubro colore cum ematuruerit, gusto leuiter mordaci, radice crassa prædura, locis palustribus & asperis nascitur ; huius semen & folium & ante, & post sumentibus contra uenenata omnia efficax est, traditur & succo acinorum insan-

tibus recens natis instillato, nulla in posterum uenena ijs esse nocitura.

Marcellus cap. 135.

*Smilaca Tracheam* sunt qui *Epatitin*, qui *Lycanthe-*  
*mon*, qui *Canis sentem*, qui *Anicetum*, qui *Aeliophy-*  
*ton*, qui *Anatolicon*, qui *Dyticon*, qui *Eliden* appel-  
 lant; *Aegyptij* *Lyathe*; *Thufci* *Rhadia*, *Romani*  
*Merginam* uocant, folia habet *Peryclimeno* similia,  
 habet & numerosas *Vitículas*, graciles, *Paliuri*,  
 aut *Canini* sentis modo spinosas, aduoluitur arbori  
 bus supra, infraq; se circumagens, fructum fert  
*Vuae*, racemiq; modo, qualis est, quæ *Græci* *Epiphyl-*  
*lida* uocant, cum maturuerit rubentem, leuiter in  
 gustu adstringentem. Radicē habet durā, crassamq;  
 nascitur palustribus, & asperis locis; folia eius, &  
 fructus contra letalia uenena prius et post pota an-  
 tidotum sunt. traditum præterea est, si tritum eo-  
 rum aliquid nuper genito infanti bibendum de-  
 tur, nullum illi postea nociturum uenenum.

*Plinius* utraq; speciem commiscere  
 uidetur. lib. 16. cap. 36.

Similis est *hederæ*, e *Cilicia* quidem primum prouecta,  
 sed in *Græcia* frequentior, quā uocant *Smilacē*; den-  
 sis geniculata caulibus, spinosa, fruticosa ramis, fo-  
 lio *hederaceo*, paruo non anguloso, a pediculo emit-  
 tente *pampinos*, flore candido olente *lilium*; fert ra-

cemos labruscæ modo, non hederæ, colore rubro, cō-  
 plexa acinis maioribus nucleos binos et Ternos, mi-  
 noribus singulos, nigros, duosq; , infausta omnibus  
 sacris, et coronis, quoniam sit lugubris. Virgine eius  
 nominis propter anorem Iuuenis Croci mutata in  
 hunc fruticem; id uulgus ignorans plerunq; festa  
 sua polluit hederam existimando, sicut in Poetis,  
 aut Libero Patre, aut Sileno, qui omnino nescit qui-  
 bus coronetur, Alia lib. 24. cap. 10. Quanquam idē  
 Auctor asperam Autophorū cognominasse uidetur  
 coronamq; ex ea factam impari foliorum numero  
 capitis doloribus mederi. Apud eundem eadem fili-  
 qua siluestris, & Dolichos. Galenus similes uires  
 habere leuem prædicat, quas aspera, idem Milacem  
 a Smilace distinguit, qui smilacem pro Taxo arbo-  
 re accipiat. Marcellus super Hortensi Milace, cum  
 fateatur, qualis hæc sit, & quibus regionibus inue-  
 niatur non audere se dicere, aptam eam operi To-  
 piario fatetur. Nobis enim inquit parum uerisimile  
 uidetur ad eam altitudinem, & frondium copiam  
 posse legumen aliquod augeri, ut scenas & taber-  
 nacula uestiens inumbret. Sedenim Smilaces tota  
 nunc Italia propagatæ maiora etiam ostendant in-  
 crementa q̃ Veteres Auctores tradiderint.

Smilax Arbor. Diosc. Her. 694.

Smilax, alij Thymalon, Romani Taxum, Arbor est fo-  
 lio, & magnitudine Abietis. In Italia, & Narbonē

si Prouincia, Italiæ latere, Baccas Italici Gallinacei  
 si edant, nigrescunt; Homines uero solutione alui  
 periclitantur. Narbonensis uis tanta, ut siqui sedeant  
 sub ea, somnumue capiant, ledantur; sæpe uero et  
 moriantur.

Plutarchus Symp. commentario. III.

Ἰσοροῦσι γὰρ ἔτι ἢ σκία σμίλακος ἀποκτείνει  
 τοὺς ἐγκαταδευθέντας ὅταν ὀργᾶ μάλιστα  
 πρὸς τὴν ἀνθισιν. Tradunt enim umbram  
 Smilacis interficere eos, qui quietem, aut somnum  
 in ea capiant, eo maxime tempore, quo germinat in  
 flores; causam etiam adiecit quippe ueluti sagittis  
 aliquibus uulnerari cerebrum halitu florum per  
 nares attracto; qui cum in hac arbore semper leta  
 lis sit, in noua florum productione, ob acriorem, ma  
 ioremq; eius copiam magis nocet. De hac plura le  
 gas apud Theophrastum, et Pliniū. est uero Taxus,  
 quæ uulgo nunc Naxus, ad arcus et Balistas, et Scor  
 piones fabricandos aptissima. letalis undecunq;  
 Arbor, unde Toxica, quasi Taxica dicta uolunt.

Ouidius Metamorph. IIII.

Et Crocon in paruos uersum cum Smilace flores.



ALBERTO PIO CARP. COMITI DI-  
VO IOANNI EVANGELISTAE  
SACRA FACIENTI.

PIERIVS VALERIANVS  
ADCANTAT.

**T**E uolucrum Regina Canam, Te sacra ferentem  
Fulmina, te firmo affICIENTEM lumine Solem  
Solem admirandum ; contra quem stare uolantes  
Non aliæ potuere olim, piscesue , feræ ue  
Non Hominum genusiatq; etiam quæ a lumine uitæ  
Progenitæ lucem tenuere ab origine mundi.

Te te igitur Præpes generosa, uolumina dicam  
Grandia gestantem, insignem diademate, fuluis  
Ornatam plumis, rostro aureo, & unguibus aureis.  
Nempe Palestinis præuisam Vatibus, alis  
Ingentem, & cœli ante alios spatia alta secantem,  
Non humili in campo, non inter lustra ferarum.  
Sed uel Caucasæa nidum pro rupe superbum,  
Culmine uel Tauri, uel summo in uertice Olympi,  
Aerios supra tractus, nubesq; madentis,  
Scilicet humana procul a statione parantem.

Tu uero, tu magne Pater ; de pectore cuius  
Euolat hæc Aquilæ facies, quæ præpete faustum  
Auspicium penna mortalibus afferat, unde  
Pacatos Diuorum animos, ipsumq; Tonantem  
Portendat posuisse minas, & debita nostris  
Supplicia erratis, æterna in secula salue



Aeternum felix. sed enim o sanctissime Diuum  
 Cetera quis digne memorauerit? inclyta facta  
 Virtutem eximiam, & superatos mille labores  
 Vinculaq; , exiliumq; , olei & feruentis ahenum.  
 Et quæ pertuleris magno pietatis amore,  
 Quo cæcam e tenebris, & olenti e Carcere gentem  
 In puram assereres lucem. Tu cura Deorum.  
 Tu genus antiquum, & soboles Clarissima Regum.  
 Tu fidus Rerum Domino comes, & comes alti  
 Consilij, arcanumq; Dei in penetrabile receptus  
 Omnia uestigas, sublimi ubi mente per omne  
 Is cælum, & Gremio recubas dilectus amato.  
 Qualia ueridico sapientiq; ore locutus  
 Venturasq; uices canis, infandumq; laborem  
 Aeternamq; diem manifesto numine plenus.  
 Hæc canerem, magnoq; libens hæc ore sonarem,  
 Sed dolor & patriæ euersæ lacrymabile fatum  
 Seuocat, & clades miseris deflere querelis  
 Cogit inauditas, quæq; ipse miserrima uidi  
 Incensas urbes, populos, Regesq; , Ducesq;  
 Finibus Extorres, & iniqua sorte subactos,  
 Ergo queri, extremisq; iubemur poscere rebus  
 Auxilium, placare Deos, arasq; tenere.  
 Audi igitur Venerande Senex. seu littora Pathmi  
 Antiquæ, Smyrnam ue colis, seu Lydia claudunt  
 Oppida; seu fati legem euasurus acerbam  
 Arbitrio iussuq; Dei concedis in altum  
 Elisium, extremumq; uiges mansurus in æuum;

Siue tuo stillant rores & mella sepulcro,  
 Te rogo, perpetua si Virginitatis honorem  
 Seruasti, tibi si pluuios in uina liquores  
 Transformauit amor tuus, & tuus ardor Iesus  
 Si tibi rerum opifex carissima pignora matrem  
 Credidit, idq; pij semper meminere Nepotes  
 Atque aras posuere, uirosq; & Tempia sacrarunt  
 Tum lucem institucere tuo de nomine, leti  
 Quā colimus, cui thura damus, cui uina quotannis.  
 O tandem Italia duros miserate labores  
 Aspice nos tantis bellorum casibus haustos  
 Sat ferro flammisq; datum. sat luxerit omnis  
 Euganea insanis longum obiectata procellis.  
 Sat Padus, atq; Athesis tumuerūt sāguine, Anaxusq;  
 Et Liris nec non fatalibus Addua ripis.  
 Totq; hinc indē bonis uiduata ciuibus Vrbes.  
 Hispanis tantum Italia de Gente Maniplis  
 Et Celtis licet, Heluetijsq; ferocibus, & iam  
 Vltima ad hęc fertur mouisse Britannia bellum.  
 Quando autem nobis potes implorare fauorem  
 O semper dilecte Deo diuine sacerdos  
 Pone modum exitijs. da certum deniq; finem  
 Cladibus. Albertumq; sūe tibi thura ferentem  
 Corde pio, de Gente pia, pro Pace piorum.  
 Cæsaris hęc sint uota sui. Exorator Iulum  
 Mulceat, atq; illi summo delapsus Olympo  
 Dum Veneti accedunt comites, dum Cæsar adheret  
 Pontifici, paribusq; animis in fœdera tendunt,

Da pater abiectis armis euincere tandem  
 Indomitos Bellorum animos, da Corda furentum  
 Lenire, & placidam pacata per oppida pacem  
 Olim expectatam pacem, tua munera pacem  
 Spargere, spicis ferrisq; Deam redimire coronis,  
 Atq; oleis umbrare uias, stipare penates.

Da demum, ut repleta bono contagia uitet  
 Gens humana pium uiuendi edocta tenorem  
 Erroresq; omnes, commentaq; uana repente  
 Soluat, & ad uerum uertant sese omnia sensum  
 Obtutu in solem firmo, & supera ardua cœlis  
 Vniq; sic unum Sapiencia Lumen adoret.

QVIBVS VERBIS LEO. X. PONT.  
 MAX. ELECTVS DEOS RO-  
 MAE TVTELARES PRE  
 CARE TVR.  
 PER EVNDEM PIERIVM.

D*u*li Tutelares Romæ. Tu ianitor aulæ  
 Aethereæ, Tu Paule comes, duolumina Mundi;  
 Quos primi colimus; quibus hos adolemus honores,  
 Vox ego ab exilio, a miseranda sorte supremis  
 Cladibus afflictus, superatis casibus, & tot  
 Armorum insidijs, patria nunc sede receptus;  
 Cogere mox lectus totum sub legibus orbem  
 Cœrde humili inuiso, & sanctissima limina adoro;  
 Ossa ubi uestra cubant, ueteri hoc ueneranda recessu:

Quæ ueneror ceras adolens, quæ thure uaporo  
Sacra precesq; ferens. Vestro, o, si numine iussus  
Tantum oneris gestare, grauisq; subire labores.  
Concipere Imperij curam, cui subdita mundi  
Machina totius Cœli de uertice ad imas  
Terrarum latebras. si nil iam tale petenti,  
Nec tanta quicquam pro spe mihi uota ferenti  
Hanc sellâ, hæc trabeâ, et magnû hoc Diadema para  
O faciles, placidiq; meos audite uocatus (stis  
Qui regnum hoc uestro peperistis sanguine nobis  
Arasq;, & firmam Tyberis pro flumine sedem  
Fixistis, legesq; pias, pia iura dedistis  
Ambo pij, Ambo boni, summis uirtutibus ambo  
Egregij; quorum auspicijs & numine certo  
Aeternum maneat Capitoli immobile saxum  
Aspiciate incensum miseris clamoribus, omnem  
Confedisse orbem luctu, tot lumina Regum,  
Tot cecidisse Ducum; quorû nunc corpora uersat  
Addua, & Eridamus, limosâq; unda Padusæ  
Adriacisq; effert proiectam piscibus escam.  
Non anno hoc tantus rupit se nubibus imber;  
Prosilijt quantus cesorum sanguis in auras.  
Quo nunc arua magis pluuio q̃ rore putrescunt.  
Brixia quid nuper non lamentabile uidit  
Vrbs opulenta, malis totiens exercita fatis.  
Quid memorem casus alios, & acerba meorum  
Funera ut extulerim, neque adhuc obducta cicatrix  
Vulneris illius, quod in alto pectore adactum.

Accepi miser aspiciens tam immane Rauenne  
 Exitium, stragem horribilem, cedesq; nefandas.  
 Hic, me ubi pro pace Italiae obiectare cohortes,  
 Quas pater in magnos conflatat Iulius hostes  
 Vis iussit. Clade ex illa tantoq; cruore  
 Cum uictor fugeret Gallus, ductoribus illic  
 Amissis, pallante acie, Et trepidantibus alis  
 Acri ego, praesentiq; animo captiuus agebar  
 Quandoquidem auxilio uestrum mthi numen adesse  
 Et uidi & sensi, medium discedere coelum  
 Protinus aspexi, & liquido uos aethere lapsos  
 Ingenti nimbo rutilisq; in nubibus ambo  
 Ensibus exertis hostes terrere minaces  
 Cum Tonitru; inq; fugā insultantia uertere signa.  
 Tunc nempe, quum nemo ullum sperare fauorem  
 Auderet, fractisq; animis quum protinus omnes  
 Languerent iugulo exposito, instantemq; securim  
 Exciperent. tantis concussa tremoribus omnis  
 Italia, & nondum pauitantia corda residunt.  
 Italia infelix, cuius de Cardine certant  
 Impliciti bello Reges, qua pontus & Aeges  
 Tyrrenusq; & Atlas, Tule, extremoq; Bootæ  
 Subiectum mare circundant longo agmine terras  
 Quin etiā Ottomanus classē, innumeratq; phalāges  
 Armata in Ausonios, quaqua expatiata Propontis  
 Se se aperit, quaq; arcto occluditur Helleponto  
 Qua sinus Ambraciæ, qua proxima panditur aulon  
 Faucibus, atque inhiat Italis auidissima rebus.

Parte alia Sultanus atrox, Mauriq; feroces  
Bella cient, acie instructa, lectisq; manipulis  
Illicet in cedem toto discurretur orbe.  
Dum nos interea assidue intestina mouemus  
Arma, feræ ardescunt mentes, odia aspera cunctis  
Sustentata malis ( adeo est mens leua) fouemus.  
Sic heu, sic ruere in peius, retroq; referri  
Omne bonum, omne pium . siquidē genus oē malorū  
Pullulat hinc. bello nanq; aucta licentia, bello  
Omne nefas, scelerumq; omnes laxantur habenæ.  
Religio hinc uiolata perit, ritusq; sacrorum  
Despecti, & Superum reuerentia nulla. uidemus  
Quo uetū est morū, & tristi omnia corde fatemur.

At uos euerso tandem succurrite sæclo  
Numina magna, quibus rerum concessa potestas.  
Nam tu non temere quondam de puppe uocatus  
Ad sellam, ad fascēs, adq; alta palatia Romæ  
Ante alios Domini coluisti carus amorem  
Nec tibi nequicquam tam clara in uoce tremendum  
Quantus erat sese Diui Genus obtulit; inde  
Ipse sua quum te suscepit Phosphorus aula  
Raptum animum mira dulcedine mouit amandi  
Quando igitur sæuis tot tempestatibus acta,  
Insanis tot uorticibus, tantisq; procellis  
Vestra agitata Ratis uelis it credita nostris,  
Vos geminæ primum Stellæ, uos lumina firma  
Este duces; gratumq; in cornibus antennarum  
Lumen, adorandasq; faces accendite, uentos

Immane;

Immanes cohibete, altos componite fluctus ;  
 Et nube abreptum dispulsa ostendite Solem ;  
 Atque feras & mōstra procul, scyllāq; Carybdiq;  
 Et male uitatam Sirenem pellite ; Vt undis  
 Pacatis, placidiq; aura spirante Fauonij ,  
 In portum optatum lati, incolumesq; recepti  
 Leta Canamus; & oblatos cumulemus odores.  
 Tu uero Bone Rex hominum, Diuumq; potestas;  
 Imperio cuius fatalia pensa trahuntur ;  
 Humanam idcirco effigiem, & mortale subisti  
 Pondus, ut indociles rerum sine fine perosus  
 Cladibus, atque adeo crudeli sorte subactos ;  
 Occiderint quum tot Gentes, tot Regna, tot Vrbes  
 iam desolatæ, iamq; ab radice recisæ ;  
 Stet tamen una omnes grauiori perdere fato ?  
 Non ita ; nanq; ut opem miseris mortalibus omnem  
 Afferres, uincla, opprobrium, plagasq; cruentas  
 Perpeffus, nostriq; ingenti incensus amore  
 De manibus, pedibusq; & aperto pectore fuso  
 Sanguine, clausisti quæ iam nos fata manebant.  
 Da populos igitur tanto se soluere luctu ;  
 Quos hodie mihi tu Imperio concedis habendos ;  
 Quod tibi non animo & sincero Corde litarint,  
 Non magis ullo unquam dolituros tempore; obortas  
 En lacrymas, & certa alti monumenta doloris.  
 Audi inquam orantes ueniam ; si audire uocantis  
 Est opus, exemplumq; tuum ; precor omnia uerte  
 In melius; templum hoc, nos, & tua sacra reuifens



Da tandem hoc nostris aboleri dedecus annis;  
Da premere elatos animos, frenare proteruos,  
Indomitos tractare manu; da tollere atrocem  
Sæuitiam, quidquidq; bonis conatibus obstat.  
Da demum euicta belli impietate per omnem  
Terrarumq; orbem, & mare leges fœderis æquas  
Dicere, amicitiamq; æterna in sæcula firmam  
Et totam unanimi Europam componere uoto;  
Atq; adeo in solido titubantia regna Locare.  
Proinde decus, nomenq; tuum proferre colendum  
Transq; Scythas, gelidũ & Tanaim, Nilũq; tepetẽs;  
Daq; piam in primis mentem; qua præditus ausim  
Eluere infectumq; scelus, labesq; nefandas;  
Quæ mortale genus passim per crimina mille  
Mille modis tetra tactum contagio uenenant.  
Et tamen amplecti dulcis ante omnia Musas,  
Virtutesq; , artesq; bonas, moresq; benignos  
Erigere; & ueræ quicquid probitatis in ulla  
Orbis parte latet, uigeat, sese efferrat; unde  
Mortales, quos iusta iuuant, queis pura Voluntas,  
Qualemq; mei euentum, exemplumq; secuti  
Tecũ habitent, tua sacra colant, tua iussa faceffant.





PIERII VALERIANI SERMO  
CVI TITVLVS EST SIMIA.  
AD LEONEM .X.  
PONT. MAX.

**N**emo unquam tanto studio ue, fide ue labore  
Proficere, officijs uel sedulus omnibus, ut non  
Interpres malus occurrat, qui singula prae  
Inuertat, Veluti quædam modo Fabula Vates  
Subsanat Pater Alme, tuas & uellicat aures.  
Nam quotiens tibi quicquã, animum quod leniat ægrũ  
Porrigitur, curis & blandimenta paramus,  
Ecce, aiunt, uere nunc Simia uana Leonem  
Exagitat. uiden' ut turba importuna Poetæ  
Quamprimum nostro illuxit Leo Maximus orbi  
Hunc misere affligunt quocunq; in limine; nunc in  
Porticibus, nunc in lecto, & penetrabilibus imis,  
In Specula, in luco Citriorum, altoq; recessu;  
Siue is res duras, & magna negotia uersat,  
Et quæ omnes nunc inuadunt incendia terras  
Siue cibum capit, aut superante labore quietem,  
Fortior ut rebus se mox accingat agendis,  
Instant hi tamen; inq; meras auertere nugas  
Tantum Hominem. tantis uexatum pectora curis  
Pergunt; ulla unquam ne sit spirare potestas,  
Denique sic petulans generoso insensa Leoni  
Simia; quæ natibus, caudæq; & clunibus huius  
(Tantum animi est paruis) adfixa procacibus ausis

Hoc tam magnum animal uexatq̃, agit atq̃, neq̃ ullā  
Esse moram patitur, Musca importunior. apta  
Illa feros uitare ungues, & dentis acumen,  
Lubrica dum fudit saltu, leuibusq̃; lacertis,  
Deq̃; suo affectat sibi tot ludibria Rege  
Ergo odere Tui sic nos Pater optime. sed tu  
Quid facias? Vis esse Leo, patiare Leonis  
Iura, neque hæc temere confingi nomina credas;  
Quæ Deus, aut sapiens Natura animantibus ipsis  
Indidit, & tacitum admonuit latitare uigorem.  
Scilicet est curæ nobis, quæ pectore in imo  
Consilia assidue uoluas, ut ponere tandem  
Cladibus Europæ finemq̃; modumq̃; ruentis  
Possis, inq̃; Scythas strictum conuertere ferrum.  
Immo hæc, atque alia, atq̃; etiam his maiora Poetæ  
Concipiunt, neq̃; enim frustra Deus ingruit illis.  
Sed ne forte adeo, assimulet quod Simia Vatem  
Ridiculum esse putes; natura hæc cōpare constant.  
Nonne uides, rebus non bruta ut mente gerendis  
Simia se, & nostris adcommodat artibus, utq̃;  
Humanos ritusq̃; modosq̃; imitatur, & ori  
Deniq̃; ut est nostro similis, digitisq̃;, uolâq̃;  
Nempe etiam Humanos pro re, pro tempore mores  
Qua de cunq̃; uelis uitæ ratione, Poeta  
Exprimit, atq̃; omnem dictis accommodat artem  
Fit Proteus, fit Vertumnus. Nunc fingit Iulum  
Acrē animi, indomitumq̃; malis fera bella mouētem,  
Seu Venetos, seu Felsineos domitare pararet,

Siue Pado dare iura suo, seu uertere bellum  
 Trans alpes, italoq; solo donare quietem.  
 Nunc te cum patribus dudum sanctoq; Senatu  
 Pacandis mundi rebus diuersa petentem  
 More Numæ, Indigetis post aspera bella Quirini  
 Consulere in medium, quo possint fœdere tandem  
 Iungi Gallica castra, Caledoniæq; phalanges.  
 Vnde animos ponat Cæsar; Veneti unde quiescant  
 Vnde modus prædis, & tantis cedibus, unde  
 Spes Italæ, Regemue suum, aut sua iura tueri  
 Barbaricasq; olim collo abrupisse catenas.  
 Deniû horum est Vates, ut ludicra Simia Mimmus.  
 Hæc eadem, si uera canunt, uenerabile quondam  
 Signum habitum in tēplis, Niliq; per oppida sanctū.  
 Nam docilis calamos ductare, & uoluere chartas  
 Rite admissa sacris, delubri in parte locata  
 Damnauit populos uotis, precibusq; benigne  
 Fauit, & Aegyptum omnem in religione, pari cū  
 Iside, cumq; Horo, uel Osiride detinuisse  
 Fertur, & oblati ditasse altaria donis;  
 Seu Caniceps manibus cœlo sublimibus, ortum  
 Laudaret Lunæ, posita seu sede sederet,  
 Siue caua latices cauda instillaret, & horas  
 Funderet, & pisces auersa fronte caueret.  
 Sic olim Vates, qua totus panditur orbis  
 Ambitus, a populis, a Gentibus omnibus uno  
 Sancti habiti, dictiq; sono. Hinc oracula, leges,  
 Hinc modus, atque tenor uiuendi mentibus hæsit

Siue error, siue improbitas mortalia corda  
In sordem, in fraudem uano illectaret amore  
At postquam e terris Ius, fasq; , piúmq; recessit.  
Subrepere doli, uisq; omnia uertit, & ille  
Clarius est, qui plura potest, timuere Poetæ  
Liberius taxare malos. Qui, proh pudor, aureis  
Carminibus turpes mores laudare coacti  
Nil sincero animo, ingenua nil mente locuti  
Temporibus se subiecere, ut Polypus omnes  
Attrahit a scopulis animo trepidante colores.  
Suntq; ita Simiolas imitati, ut ludere nunquam  
Desierint, risusq; hinc, & iocus esse Tyrannis,  
Qui sanctos Vates, uitæ morumq; bonorum  
Auctores, tandem sic elusere proterui,  
Vt tanquam Satyri terga hispida fune reuincti  
Pro foribus, pro uestibulis, altisq; fenestris  
Ostentarentur populo in risum, inq; cachinnos.  
At, patriæ quæis cura suprema diu obtigit omnis,  
Non ita inhumani Medices, qui in sorte secunda  
Virtutum omne genus sic erexere benignis  
Auxilijs, opibusq; , ut quicquid ubique nitoris  
Cecropij, Latijq; foret Florentia totum  
Ad sese traheret, doctasq; referret Athenas.  
Inuidit Fortuna bonis, ac ne foret ullus,  
Qui ingenia auderet, sanctasq; fouere Camœnas  
Attritis grauitè rebus uos expulit urbe  
Nec tamen eualuit nitens peruincere tantum  
Vt non uestra domus, doctisq; probisq; pateret

Semper, opemq; libens miseris afferret amicis.  
 Nunc uero quum tu Fortunam euiceris omnem  
 Mortalem supra sortem; Qui flectere habenas  
 Terrarum cœlum usq; potes, precor illa uoluntas  
 Quæ cupienti olim fuerat sit certa potenti.  
 Nam sine te, ut Sphynxis repetatur Fabula nostræ  
 Aonidum chorus est tanquam sine lumine Solis  
 Luna; sub imperio cuius uaga Simia uiuit.  
 Nam caua si fuerit, si nullo candicet igne,  
 Simia languescit pariter, clangensq; per omnes  
 Duodecies horas urinam sanguinis edit.  
 Inde suo fit Sole potens, lucemq; remittit  
 Qua Sol parte ferit tantum, et sine Apolline Vates  
 Obscuri uitam in tenebris sine nomine ducunt.  
 Sol Leo. Vt Aegypti sapientia monstrat, ab alto  
 Ille micans, terris felicia cuncta ministrat,  
 Vnde hominum genus, alituum, pecudūq; uigescunt,  
 Et pisces. tanta est uirtus, uis tanta Leonis.  
 Quid memorem Laticum lætissima munera? Nilum  
 Vndantem, & late spaciōsa per arua refusum  
 Fertilibus Glebis cerealia dona ferentem.  
 Aegyptum hisce bonis Leo munerat. Vnda Leonis  
 Ore fluit, fontesq; tubiq; ex ore Leonis.  
 At rores, pluuiæq; olim, & liquor omnis olympo  
 Deciduus signum Doctrinæ effingitur, illa  
 Nulla erit absq; opibus. Veteres hinc sculpe cribrū  
 Commenti, & fruges prius ostentare paratas  
 Quam tu unquā Musas, et honesta negotia tractes.

Quando igitur Leo Magnanimus tanto omine terris  
Affulges, plenoq; exundat copia cornu  
Nunc age Cercolypes, & sacros Cercapithecus,  
Quos liber, Albiolusq; , & Sepia monstrat alēdos,  
Legitimis admitte sacris . si uiuere Musæ  
Te nascente, patris Laurentij munere quondam  
Ceperunt, casusq; tuos, tua damna per omne  
Exilium tulerunt si tecum. O deniq; Fatis  
In melius uersis, rediuiuo lumine, quæ sunt  
Tecum orta, tecum uigeant, felicia tecum  
Otia, & optatum teneant Pater optime portum.

EIVSDEM PIERII VALERIANI  
LACRIMAE  
IN CELSI MELINI  
FVNERE

Celse tuas alij laudes, & nomina dicent,  
Eximiumq; decus coeptis ingentibus auctum.  
Seu quo tu studio Graia, Latiaq; Mineruæ  
Florueris, fandiq; potens tanta indole summum  
Quæsieris Virtute locum, depromere curent.  
Seu genus egregium, stirpemq; utriusq; Parentis  
Cibeam in matre, & Melinam in patre, et adeptos  
Per tot Auos, Atauosq; antiquæ gentis honores  
Maluerint celebrare, & dostis pandere chartis.  
Siue tuis potius meritis insistere, quantum  
Ingenio, atq; pijs prestares moribus, ipsos

Qua coleres pietate Deos, qua mente parentes.  
 Quam concors fraternus amor, quæ cura clientum  
 Qualis amicorum cultus, spes quanta Quiritum  
 Vnus eras. Vnus quotiens in te ora trahebas,  
 In te oculos. ita Roma tuis applauserat orsis.  
 Seu Rerum excuteres causas, ortusq; latentes  
 Auctumq; interitumq; uices & mobilis æui,  
 Seu terram, tractusq; maris dimensus, harenæ  
 Exigeres etiam numerum. & sola concita cœli  
 Astra, polosq; suis mota, aut stabilita doceres  
 Momentisq;, modisq;, & certis legibus ire.

Siue autem celerem erigeres ultra ignea mentem  
 Sidera, & usque altam cœli omnipotentis in aulam  
 Auderes inferre gradum, & mortalibus omnia.  
 Explorare oculis summorum arcana Deorum.  
 Siue inde ad Patriæ curas, & commoda uersus  
 Grande patrocinium primus pro laude Quiritum  
 Susciperes, & qua mulcebas uoce Leonem  
 Pontificem, ingenio & præstantem mente Leonem  
 Te Populus, te rostra etiam, sanctusq; Senatus  
 Curam, animosq; uirum generoso corde gerentem  
 Sic florentem annis, & pubescente iuuenta  
 Orantem audirent causas, tonitrusq; cientem  
 Fulguraq;. Hinc trepidas orsus defendere culpas  
 Hinc & mox claras magnis de rebus ad Vrbes;  
 Quos tibi iam Decimus Leo mēte, agitabat honores  
 Missus, Regum animos orandi ardore moueres.  
 Verum ego, qui te unus noram magis omnibus unum



Et quantum de te, si uitam fata dedissent,  
Speraret Roma, et Latium, et terra omnis, & ora;  
Quam mare, quamq; Alpes cingūt, secat Apēninus.  
Iacturam insignem Italiæ, & fata impia questus,  
Tanti & tam cari casu perculsus amici  
Tali anima, atq; oculo, & iucundo lumine cassus  
Assiduo in mœrore Deos te Celse reposcam.  
Nam quo hæc uota abiere? & quo spes illa bonorū  
Tantum rapidas cito lapsa effluxit in undas?  
Si tu altis in Gurgitibus tumidi obrutus amnis  
Tam Iuuenis, tanta clarus uirtute, repente  
Omnia turbasti. & gelidis in fluctibus illum  
Illum ardorem animi, & scintillantia mentis  
Lumina fidereæ extinxti. Et nunc frigida lingua  
Quē populū accēdat? quæ pectora mulceat? aut quas  
Iam gentes trahat in leges, ac fœdera pacis?  
Omnia nunc periere. tulit secum omnia Torrens,  
Immanis Torrens, & detestabilis unda.

Hos tu autem patri reditus, hæc Gaudia matri  
Celse refers? qui te donis & honoribus auctum  
Expectant, tot opes Siculis in saltibus, illa  
Munera Pontificis pleno subscripta libello  
Lecturi. At pro te nunc illi ante ora Deorum  
Vota simul faciunt, adolentq; altaria flammis.  
Ah, ne tu pluuio offensus cœlo alseris usquam  
Ah, ne succiderit Sonipes per lubrica raptus  
Per nemora, ignotasq; uias, neu poplite forte  
Læso, aut luxato talo sub tecta feraris,



Aut labor insolitus teneros exhauferit artus  
 Languoremq; ferat. Nec tantum mente dolorem  
 Concipiunt, aut tanta subit Casura ruina  
 In caput, & totos subito euersura penates.  
 Nondum etenim attulerat funestus Nuntius illum  
 Vix lapidē ad quartū procul hinc ab mœnibus urbis  
 Quadrupede in medias reuoluto gurgitis undas  
 Collapsū, frustra q; Deos, hominesq; uocare  
 Saxa inter, limumq; tenaces inter harenas,  
 Arboreas inter radices, ueste grauatum  
 Et nandi ignarum, Socijs palantibus atram  
 Per noctem, uentis, undisq; sonantibus, ulli  
 Neue exaudiri possit, neu cernier, imo  
 Affixum fundo, crudeli occumbere fato.  
 Nec dum se norunt miseros Fraterq; Parentesq;  
 In luctum, æternamq; lucem, inuisamq; senectam  
 Seruatos, fati asperitate, & fidere leuo.  
 Heu mentes hominum ignaras, heu uota fugaci  
 Cuncta pede, & primos uix ostentantia uultus,  
 Cum subito auertunt cursum, & dilapsa per auras  
 Non reditura uolant. heu semper tristitia nunquam  
 Fessō damna gradu properantia, nec satis una  
 Exsaturata lue, nisi quicquid pyxide tota  
 Clauditur effundant, semel ut data Copia campi.  
 Nam uix alterius satis una abducta cicatrix  
 Vulneris, ex obitu dilecti Hieronis acerbo,  
 Ecce autem ut grauius transfigit pectora telum  
 Atq; malū omne malis uelut unda superuenit undæ.

Quo genus, & magnis nomen Virtutibus auctum?  
Gratiâq; , & species, locuplesq; opulentia rerum?  
Si miseri, ah, tali uiduati prole Parentes  
Quos iam annos aliquot spes est frustrata Nepotû,  
Vt nauis sine remigio, sine munere ueli  
In medio quondam pelago iactata, procellis  
Omnibus obiecta, & procul omni ab littore, cunctos  
Ventorum flatus, scopulosq; , & saxa timebunt.  
Quid tu autem infelix Frater Petreie, duobus,  
Quorû istar dextræ, istar læuæ erat alter et alter,  
Fratribus, heu mors atra, breui tibi tēpore adēptis;  
Quid facies? quanto fletu tua damna dolebis?  
Nam ueluti truncus decisis undiq; ramis  
De tribus unus eris, tanto & spoliatus honore  
Despectus cunctis tibi forte uidebere; & ampla  
Quæ Pater æquabat cœlo pallatia, solus  
Ne uacuas ædis totq; alta cubilia cernas,  
Interrupta iacere fines, pendereq; in æuum.  
Quid uero; si forte Leo, quod iam auguror, anno hoc  
Mandet Agonales promisso munere ludos  
Romæ instaurari Genio, ueteresq; referri  
Olim armis celebres, nunc religionē, triumphos.  
Quando horum te cura manet. Quid more parentiæ  
Magnifico insignis sumptu præstare parabis?  
Lata ubi per mediam longo processerit Urbem  
Ordine pompa. alacres pueriq; , & læta Iuuentus  
Sublimes in equis, præciosæ in tegmine uestis  
Ornati Gemmis, auroq; , ostroq; superbi

Dextram oleis onerati, & cincti tempora Lauro  
 Agmine quiq; suo. Legionum exercitus omnis  
 Intermixtus iter carpet, tum pægmata in altis  
 Curribus, & uariæ species simulacra potentum  
 Vnâ ibunt Regum, Lituiq;, Tubæq; canoræ,  
 Atq; Lyræ, atque omnis Musarum arguta supellex  
 Lætâ canent, miraq; omnes dulcedine mentes  
 Mulcebunt; tota risusq;, & plausus in urbe,  
 Hic Tu auro trabeatus, Equo exsultante sub auro  
 Aureoq; in morem cinctus diademate frontem,  
 Agmen agens, atrosq; equites, Lic্তoribus atris  
 Stipatus, iuuenis tanto decoratus honore  
 Primores inter, nil læta fronte, iocosos  
 Conuertes ludos in amari munera luctus.  
 Et plagas renouabis, & illo turbidus ore  
 Subijciens oculis tanti argumenta doloris  
 Læticiam populi misera in lamenta retrudes.  
 Vsq; adeo lætis miscent Dij tristia rebus.  
 Et merito tanto deiectus fratre supremum  
 Ingemis, atque illum miser, atq; hunc usq; requiris;  
 Et superos, & fata uocas crudelia; Nec te  
 Fidus amicorum cætus, caræ ue cohortes  
 Musarum ue chorus, quarum tu dulcis alumnus,  
 Quæ solæ in miseris adhibent solatia rebus,  
 Vel minimū mulcere queunt. Quis uerba, quis artē  
 Tanta in Clade parem solando exquirere possit?  
 Nec tu hunc e Cælo, Saturni ab sede, querentem  
 Nocte dieq; tuo te nomine Celse uocantem

Audis. At misero in luctu, & mœroribus altis  
Esse finis, surdasq; obdis tot uocibus aures  
Celsum acclamantum, & tua funera deplorantum.  
Hic igitur ; quo Roma tibi uolasq; rosasq;  
Exigui monumentum æui, uitæq; ruentis  
Congerit, & manibus busto dat Lilia plenis  
Non flores ego, nonserta, aut ullos tibi odores  
Inspergam, aut alijs cumulabo altaria donis ;  
Quæ tibi multa ferunt iuuenesq;, senesq;, Nurusq;  
Et matres, quæ te in primis fleuere, pudicæ.  
Non etenim ista meus poscit sibi munera Luctus ,  
Cui de morte tua, & tam sæuo funere, mœsto,  
Quod tua Melinæq; Domus benefacta merentur,  
Semper erit Sol obscurus , Nox turbida semper.  
Te propter, fratremq; tuum, curamq; parentum  
Viuo ego, sed uitam inuisam, te Amice perempto.  
Nam memini, infelix animam quo tempore agebã,  
Vt uestra seruatus ope, auxilioq; reuixi.  
Ipse aderas, fraterq; tuus, tuaq; optima Mater,  
Grandæuusq; Senex Marius; morbumq; leuabant  
Illi opera, uos officijs & amores precesq;  
Commenti, duras potuistis frangere leges  
Fatorum: & caro uitam implorare sodali.  
At me non potuisse tuæ comitem esse ruinæ,  
Vt gelida iam in morte tuis Complexibus hærens  
Exciperem fugientem animã, tibi ue æqua referre.  
Sic ne rare Puer nunquam rediturus abisti?  
Nosq; ita nescio quo fugiendi ardore, tuarum

Ignaros rerum, de te nil tale timentes,  
 Inq; salutatos, fato impellente, relinquis?  
 O dolor, Indignumq; nefas, O Sidera iniqua.  
 Tam subito ex oculis nostris ereptus, acerbo  
 Oppressus casu, spumanti in Gurgitis æstu  
 Vitam exhalasti, & nostræ tecum omnia uitæ  
 Gaudia, spesq; omnes moriens bone Celse tulisti.  
 Idcirco ad tumultū, et male grata hæc marmora circū,  
 Hicubi celsa tibi frater fastigia tollet,  
 Aut ubi ripa tuo de casu nomen habebit.  
 A luce exoriente ad serum Vesper, amara  
 Clade animum afflictus, tristi mœrore peresus  
 Perpetuo in desiderio, dum uita manebit,  
 Impexum auulsus crinem, suspiria, planctus,  
 Et lacrymas, & certa feram monumenta doloris.

PETRO MELINO SERVATO  
 AD .D. ANNAM.

Pierij Valeriani eiusdem Carmen Cenis  
 CORITIANIS decantatum.

**S**Vnt superi, est Pietas, & Cœlo Numen ab alto  
 Respicit humanos Casus, miserosq; labores  
 Pro meritisq; Dei, precibusq; in nostra feruntur  
 Vota boni, Gaudentq; coli, Gaudentq; rogari.  
 Et Gaudent Culti mox promeruisse rogantes.  
 Anna Viget. Quid enim Quorundam insania contra

Obstrepant; atq; Deum conetur numina pessum  
Vertisse, atque suos Superis auertere honores  
Esse Annam, esse Deos hodie manifesta pateſcunt  
Exempla, esse locum precibus, nec inania ad aures  
Carmina deferri, quæ Vatum lingua piorum  
Sæpe canit, meritisq; Deam tot laudibus effert,  
Annua Coritius repetit dum sacra Sacerdos,  
Exhilaratq; Diem; tristi quem fidere mœstum  
Sirius instituit, Quem Fors inimica parabat  
Ante alios atrum, & lugubrem reddere, adempto  
Romæ oculo, Italiæ totius Flore Melino.  
Quæ iuuenem præstantē animis, et pectore magnū,  
Ingenioq; & dulcisoni modulamine plectri  
Egregium, sors dira orci deuoluere ad umbras  
Credidit, ah tetræ confossum uulnere pestis  
Surripere ex oculis quāprimum, et mergere iniquo  
Funere, Dij melius uoluere, nec Anna suorum  
Immemor est Vatum, nec uirgo Puerpera, nec qui  
Ambarum exceptus Gremio puer æthere ab alto  
Demisit sese nostræ ad Commertia sortis.

Audijt Anna preces Vatum, neq; Nympha precantem  
Contempsit matrem, neq; Dilectæ ille parenti  
Abnuitt. Ille Diem tam cæcis Optimus umbris  
Attulit. Ille luem affectis decedere membris  
Iussit, & in fauces Herebiq; Orciq; relabi.  
Ipsa etiam Dea magna poli de uertice, anili  
Visa gradum studio properare, & sedula rores  
Collectos supera Cœli regione, subinde

Fundere,


Fundere, & afflicto requietem inducere Cordi;  
 Atq; ita, quod cæco latitabat Corpore uirus  
 Indomitum mollire, & aquis, & gramine lecto  
 Membra fouere, manuq; furentem elidere morbum  
 Et tantum extemplo iuueni exturbare dolorem.

Vatibus atq; suis seruatum reddere Vatem

Qui si forte atras iret nunc mersus in undas  
 Non Chorus hic lectus iuuenumq; senumq; referret  
 Ante aras nunc Anna tuas sollennia sacra  
 Nec Capitولينos celebraret Cantibus hortos  
 Hortos Anna tibi sacros, doctisq; Poetis.  
 Sed bonus ipse genas persusus flumine largo  
 Coritius lacrymas in sacras spargeret aras,  
 Inq; ignes, fumoq; diem obscuraret ademptum.  
 Romulidæ Celsi renouarent uulnera fratris,  
 Seq; iterum offerret nobis Hieronis acerbum  
 Funus, & in lacrymas triplicatis quæstibus omnes  
 Disfluerent, mæstis clamarent uocibus omnes.  
 Inuidiamq; Deum quererentur, & omnia luctu  
 Complerent; quæ nunc lato plena omnia risu  
 Lætitiâq; iocisq; sonant, & cantibus Eux  
 Ingeminant. Eux superauit fata Melinus.  
 Fronde coronati, Vates, sacriq; Ministri.  
 Quos magno secum numero hæc ad sacra Coegit  
 Hippolytus Musarum amor & spes unica Vatum.  
 Hippolytus; Caro qui sospite letus amico  
 Te canit Anna, Tuum numen, Numenq; tuorum  
 Concelebrat; donisq; omnes uocat usque Poetas.



Seruato ut referant calathos & dona Melino.  
 Ergo omnes , tali succensi Principe , Vates  
 In mensam læti libant, & uoce saluant  
 Aeterna numenq; tuum, numenq; tuorum  
 Seruatoq; ferunt calathos , & dona Melino,  
 Damnati memores uoto. Tu Diua Poetas  
 Coritiumq; Senem , & summa uirtute nitentem  
 Hippolytum, qua nunc seruasti mente Melinum  
 Amplexare. Senex meret hoc meruere Poetæ,  
 Hippolyti meret hoc pietas, & seruida Virtus.



### *Gabriel Iolitus Lectoribus. S:*

Cum Heroica hæc Pierij imprimi iussissem, allata sunt  
 ad me duo etiam Poemata eius. Sermo quippe De  
 studiorum conditione, & Martyrium. D. Ioa hæ  
 Rotati, quem Bellunenses Tutelarem habent; Quæ  
 quidem opuscula Pierius Iuuenis admodum edide-  
 rat, mox diligentius recognouerat, putauit ea non  
 abicienda, atque ita ut recognita erant, alijs adiun-  
 gi iussi. Valete, & boni consulite.



PIERII VALERIANI SERMO DE  
STVDIOR CONDICIONE AD  
NARDINVM CAELINAEVM

**E**Xigis edam aliquid monitu Nardine frequenti ;  
Scilicet arboreum ut quæram ad suspēdia truncū ;  
Incusasq; moram, causasq; adnectis. iniquum  
Esse suum æternis tenebris damnare laborem  
Insanumq; putas hominem qui uixerit, olim  
Ponere nolle suum Viuorum nomen in albo  
Quando etiam qui Gloriolam sunt temnere uisi  
Et scripto damnare libro, inscripsere legendum  
Ii tamen in titulis nomen. Dulcedo beatæ  
Laudis ita oblectat, uitæ est ita certa cupido.  
Contra ego, nec scribas moneo, nec scribere Cogas  
Edere ne dum etiam laudem . Sententia cur hæc  
Stet mihi iam dicam. Scriptorum intentio semper  
Præcipua ut placeant lectoribus . Vt simul omnes  
Exemplis que iuuent, aut cecropio sale captent ,  
Delectentq; locis. Verum inuenisse, quod omnes,  
Vel quota pars laudent, opus & labor omnis in isto  
Articulo est. Alijs alia ut diuersa petuntur  
Fercula, quis stomachum cunctorum possit opime  
Pascere ? nam nihil est, omnes ni pascant opime,  
Nec mica in medio sese intercludat hiatu,  
Vsq; adeo iugulat uel littera sola Poetam.  
Hic Asianus, & iste Laconicus. Atticus ille est.

Hic probat ingenium ; uersu quod surgit hanello  
Quod tonitrum cantu superat ; quod nobile bellum,  
Fortunam Priami, Formidatum ue Tonanti  
Coniugium canit . ille solo quæ serpere cernit  
Verba stilo tenui. Troia est quo ductus Vlysses.  
Sunt, quos oblectant Elegi, mollesq; Philetæ  
Deliciæ, capiat sunt quos Vndena Phalæci  
Syllaba, quos Saphus numeri, quos molliter odæ  
Suauiloqua alliciant. Sunt quos nocitura Lycambæ  
Verba iuuent, graciles Socci, tumidi ue Cothurni.  
Sed neque in his species eadem placet. Hic capitur ui ;  
Hic cultu, hic grauitate, hic acumine, hic idole, acerbū  
Hic amat, hic dulce, hic sanctum ; confecta labore  
Hic uigili. Hic subito torrens quæ Copia fudit.  
Quod secus est, odere. Prioribus id placet annis  
Quo semel imbutus, solo se oblectat amando.  
Cuius causa mali sola est inscitia princeps  
Quæ nil esse putat, nisi quod facit ipsa, decorum.  
Sermones ait hic Vates Venusine securi  
Cedi posse tuos, crassos accusat & odit.  
Est cui sit Docti libertas dura Catulli.  
Virgilio ingenium qui demat, propter Homerum .  
Qui tibi molliciem uitio dent Terse Tibulle  
Te quoq; grandiloquū, ac elegū supraire Propertii .  
Inuideant potius, q̄ damnent optime Vates.  
Status hunc lassat nimium ampullosus, at illum  
Repere humi fluidum damnant, qui tristitia plorat  
Exilia, & formas mutatas cantat ; & ipso

In Cicerone, placet si Dijs, Nasuta caterua  
 Inueniunt tumidum, confractum, molle, redundans.  
 Nec Titus euadit morsus, cui Pollio inhæret  
 Dentibus, & Patrio uitium ex sermone reprendit.

Nempe Polygnoti hic puros ut amare colores  
 Zeusidos hic umbras pergit ; ratione sed ipsa  
 Protogenes, facili quod singula Pamphilus arte  
 Explicat, in precio est, melius phantasma Prudens  
 Concipit Antiphilus . Quin gratia mira Thæoni  
 Immo hæc Parrhasio, immo omnis debet Apelli.  
 Plus homini, q̃ Dijs addit Polycletus honoris  
 Nec Phidias homines absoluit, habere figuram  
 Per simulem, pulchri Demetrius immemor, ardet.

Sic sua cuiq̃; humeris appensa est Mantica. Nullus  
 Indemnatus abit Veterum. Tirunculus ergo  
 Qui tenerum prima spargit Lanugine mentum  
 Sit licet Euphranor specie admirandus in omni,  
 Speret in his studij turbis excudere, quod sit  
 Immorsum ; si nominibus non parcit Auorum  
 Turba procax rictu ; quos Cælo prisca sacrarunt  
 Secula, quos cælo positos nunc postera adorant.

Quin etiam tam praua ulli sententia menti,  
 Non alia ut ratione, alijs non carmina causis  
 Despectet, nisi quod tecum uersetur, & arcta  
 Iunctus amicitia plures conuixerit annos  
 Parq̃; in amore, tuum decus, ut sibi dedecus horret.  
 Quod si eadem ignoto diuulges nomine, amabit  
 Singula ; & eliciet, quam nec respexeris, artem.

Vt tamen a triuijs quicquam modulere remotum  
Quæ Sosijs Aldi mereant æs grande Manutij  
Sis age Pontanus, sis Actius, ulla putabis  
Carmina posse legi nullum admissura uerutum?  
Quæ meditatus eras, ea si uis credere chartis  
Ipsi agitant primam calamusq; , & Sepia litem.  
Marmoribus gaudes atiquis. Vsus at adsum  
Ipse Magister ait. Ratio hunc accusat abusum ,  
Parendamq; sibi. uario clamore fauentum  
Alterutris, dubio pendet sub iudice causa .  
Et tamen interea, ut priscos imitere Sabinos  
Non liquet, ut capias usum, confusus illo  
Est nihil. ipsa tibi Ciceronis tempora legem  
Vix posuere ullam, si tempora nostra sequare ,  
Doctorum quando sit mente probabilis usus  
Nil tibi turbidius, nil est incertius, usum  
Quem dicas. Licet eo is a finibus orbem  
Ad Tarteſiaco iuga torrida Sole pererres  
Est operæ precium tota tellure peritos  
Offendisse duos ; quorum mens Consona laudet ,  
Atque affirmet idem . Quod si uis pergere iuris  
Esse tui ; reliquis sputi reus omnibus esto.  
Sic quosdam Natura homines animauit, ut esse  
Iudicio inferior nullus uelit. esse Supremus  
Quisq; putet. sic quemq; sui fiducia perdit.  
Quid tamen hi carpunt? Is te adspirasse notarit  
Huic, at non illi Vocali ; siue gemellis  
Litterulis quicquam scripsisse. at simplice debet

More suo scribi; uel siquid uilius istis  
 Est Apinis gerrisq;. Tamen si sensa, figuras,  
 Virtutes, numeros, aut artem carminis ullam  
 Percontere, lapis, caudex, quid dixeris, hæret;  
 Insistitq; suis, tanquam Canis, osibus infra  
 Rodendis mensam, quæ deiecere superne  
 Conuiuæ dapibus regalibus adcumbentes.  
 Scribere difficile est igitur sine crimine, sed tu  
 Socratico deinceps studio recitare patenti  
 Ore paras, calamis, & chartis parcere. demum  
 Hic magis horrebis, si quo dicrimine lingua,  
 Videris, in præceptis titubet ruitura sub uno  
 Accentu; uel si. C. non expreserit absque  
 Barbarie. LaTium nisi Græcus dixeris, atque  
 HospiTium, Natura uelut pronuntiat infans.  
 Quidnam igitur facies? pulchre, nã scribere certũ est;  
 Nec reticere queunt Vates, quos Cantor Apollo  
 Non patitur uersare lutum, sed ad aurea cœli  
 Limina sublimes Iouis omniparentis in aula  
 Sistit, & ætherei monstrat Consortia cœtus  
 Ambrosiamq; libens nectarq; propinnat, & illi  
 Magna canunt, afflante Deo, mortalia ponunt  
 Nubila; quæq; Deum in penetralibus abdita, cernũt.  
 Atque, ubi iam ad sese rediere, insomnia mente  
 Attonita reputant, & quæ inspexere, reposcunt.  
 Et plerunq; suas non percepere Camœnas;  
 Vsq; adeo humanis præstant cœlestia rebus.  
 Dum tantis igitur curis distenta fatiscit

Mens coelum accipiens, mysteria tanta reuoluens,  
Scilicet unius ne operam, studiumq; sequetur  
Litterulae, quam quisque suo dispungere Tiro  
Aut linere arbitrio potis est. ea cura Poetis  
Indigna, Vt foetum famulis mandare lauandum  
Nixa solet, sic quæ Vates peperere, decorum  
Dummodo legitimis conceptum mensibus edant,  
Felici Iunone, patre applaudente, ministris  
Grammaticis curare sinunt, quod restat agendum.  
Herculeum hi sternant Iunonis ad atria lectum,  
Populeamq; serant genialia munera uirgam.  
**P**ræterea ueluti digitus digitum abluit, æque  
Nemo sibi satis est solus. Censore perito  
Est opus. inueniam quo iudice, quo monitore  
Tuta per Aonios librem uestigia saltus.  
Macte animis, liquido auspicio uale, omine dextro  
Perge; tamen prudens hæc de Censoribus audi.  
Sunt, quibus ingenium agrestis Natura negauit,  
Indociles primum, quales querceta Lycei  
Ediderant olim sed quos labor improbus ullo  
Attriuit studio. Crassam uelare Mineruam  
Sic adituntur. Satis est mihi scripta priorum  
Voluere; quid nugas illis superaddere tentem?  
Subsanantq; omnes, nostraq; ætate decorum  
Esse stilum (idq; utinam sanis ostendere norint  
Indicijs) renuunt, ac infelicibus ouis  
Nasci omnes. dum scire nihil per aperta fatentur  
Verba, alios carpunt tacite, affectantq; probari

Iudicio. Sed Iudicio quæ excellere possit,  
 Nî multos artem scribendi exercuit annos,  
 Gurgite nî exundet uiuo, non nata sub ipsis  
 Verba labris, ima sedenim ab radice feracis  
 Pectoris effundat, rebus fecundus opimis.  
 Nî Metri quodcunq; genus, quodcunq; soluti  
 Sermonis uariarit opus; quid respuat illud  
 Quidue admittat et hoc. qđ Nestora, qđ Menelaum  
 Quidue Ithacū addeceat. demū post multa rotūdas  
 Exempla, ut Doctos sola experientia reddat  
 Nouit, & est Iudex aliorum fidus, & æquus.

Qui nullis igitur caluere uigoribus unquam  
 Sideris ætherei studijs censere malignis  
 Cuncta solent; ueluti si Cerdo reprimat Apellis  
 Symmetriam. Contra pleriq; ut naris habentur  
 Emunctæ, sibi scire uolunt. ostendere rectum  
 Vel dedignantur, uel prodere sacra uerentur.  
 Et uitium hac ratione fouent. Arcana alienis  
 Discipulis dare non licet hæc, & Corrigere illos  
 Monstrare antitheta, & facientia uerba Coloris  
 Ast operam nobis iugem det. & ocius omnes  
 Præterisse nouos faciam, pressisse uetustos.

○ leuis ambitio fūco suffulta maligno  
 Ergo miser media clamat si naufragus unda  
 Obrutus, affer opem, tabulam, uel porrige contum  
 Non licet adiutare, & opem, & conferre salutem  
 Quod non classe tua uehitur. Ruit alter in ipsas  
 Fracturus Sirtis, poscitq; uiam. pede fausto



*Impius exclames, perge. Impendere periculum  
Naufragij aspiciens hortaberis. heus, bene, recte.  
Sic lapsos in aquam submergeret altius ille,  
Qui populo ficum promiserat exitialem;  
Vnde homines soliti sese suspendere, si quis  
Vincula uellet adhuc perituronectere collo.  
Humanum Timon adeo genus oderat usque.*

*Sed tamen effecit stolidi dementia uulgi*  
*Censores ita adulantum sibi sumere partis .*  
*Hic etenim ut senis pedibus contexere cœpit*  
*Versiculum, numeros tantum, non sensa secutus*  
*Egregium se fert uatem. Ceu somnia Cyrrhæ*  
*Viderit in summo, & uiuum hauserit Hippocrenen*  
*Potus aquis pluuijs fora cuncta perambulat , omnes*  
*Arripit, & uestem prensat, manicasq; , & inertes*  
*Te uersus audire iubet; properes licet ire*  
*Ad foricas, malua, heleboró ue urgente, petitq;*  
*Insit ut ingenium, quantum insit acumen, ut acri*  
*Fulminet ore. tamen si castigare quid audes*  
*Durum , incompositum, rude, difficile, ambitiosum*  
*Inuidus, indoctusq; illi, aut male sanus abibis.*

*Parte alia hic ueniet Musarum, & Apollinis exfors*  
*ΒΡΕΛΛΕΛΕΛΕΞ tantum stridens, ceu rana paludis*  
*Incola, qui temnat reliquos, & uellicet acto*  
*Dente furens, qui grande sibi nomenq; decusq;*  
*Finxerit, ut quenquam primorum exegerit , unus*  
*Qui sapere ipse sibi solus uideatur Athenis.*  
*Magna loquens digitis insurgat, & intima cordis*

Gaudia concipiens, numerosa uolumina iactet  
 Sola legi sua digna ratus. Quid scripserit alter  
 Impatiens audire; sibi qui iudicet omnis  
 Adstare auriculas. Ecquid furiosa libido  
 Nos agitat? properata uni si meta Quadrigæ  
 Persistemus adhuc plagis urgere Veredos?  
 Pone animum Venete. Prasinus iam lora superbus  
 Circum agit. Ipse licet Russatum ponē sequentem  
 Respicias; Apium, Pinusq; & Pomum, Oleasterq;  
 Est Prasini. Iam frange rotas, frange apsidas, omnis  
 Omnis (ait Prasinus) Victoria nostra futura est.  
 Verū hos ferre tamē poteris. Quis ferre potest hūc  
 Qui famam abstrusa historia, uerboq; uetusto  
 Venatur, dicens. hoc non intelliget ullus.  
 Grammatici hic rodent unguēs. Auctoribus ipsis  
 Quicquid inest uitij arripiens, se nomen adeptum  
 Grande putat, si obscura canat, si uerba remota  
 Consilio sine Personæ rerumq; decore  
 Depromat, Næui non exaudita magistris,  
 Quæ Numa, quæ Euander nimium affectata putassēt.

Vidi equidem unius confectum Nominis ergo  
 Grande Poema, uelut chij qui marmoris unam  
 Inuenit crustam, ne scilicet illa periret,  
 Mercatus tosumq; putrem, lateremq; lutosum  
 Immodicis amplas extruxit sumptibus ædes;  
 Ut foret in medio Frustum id spectabile Cœno.  
 Huccine peruigiles curæ, assiduiq; labores  
 Contendunt, ut postquā olei consumpseris urnam.

Dum multa ostentas, nihil addidicisse probandum  
Deprendare, Viris & suggillare peritis  
Vir sine doctrina doctus, sine robore fortis,  
Húmida uti possent humore carentia dici.

Et aemum dicare Poeta, Poeseos experts.

Proh pudor. e tenebris squalenti è Carcere dudum  
Nonnullorum opera Carmenta crepta per urbes  
Hesperias leto gestari ceperat ore  
Compta sinus, purgata cutem, cui rara cicatrix  
Rarus erat uibex faciè, iam oblita Sicambros  
Immanem & Teiam, & clephis implacabile pectus  
Secura placidam carpebat pace quietem.  
Gratia magna tibi facunde Sabellice, cuius  
Eloquium cultos hac tempestate Quirites  
Suscitat, & uerum latio splendore nitorem.  
Ipsa quidem Carmenta tuis abscedere tectis  
Nesciat, ipsa tuis ultro requiescat in ulnis.  
Ecce autem proprios indicere bella Nepotes  
Aegra uidet, sæuumq; nefas, ciuilia sentit  
Arma intromissis Furijs miscerier ( altrix  
Africa monstrorum causa & caput) ergo decentes  
Volsa comas, perplosa latus, lacerata papillas  
It lacrymans, peplumq; Deæ miseranda Mineruæ  
Bacchatum Gemmis ostroq; auroq; superbum  
Nuncupat. Vt mallet nunquam reduuua supernas  
Inuississe auras, ne scilicet ista uideret.  
Præstaret siquidem tenebris latuisse sub Imis,  
Quam sic indecorem deinceps traducere uitam.

Huc quaeso Nardine oculos, huc dirige mentem,  
 Quot mala conspicias nunc edita Carmina, Ritus  
 Quot populus tollant, quot sint Ludibria uatum  
 Quandoquidē malesana hominum uecordia multos  
 Praecipitat, qui se uenerantur, dum male ructant  
 Portenta ingenij derformia, dumq; Beatos  
 Se sine riuali Captant, mirantur, amantq; .  
 Inuentis ita quisq; suis, ceu Simia natis  
 Ridiculis plaudit, uultus mirata uenustos .  
 Adde quod Is palmam affectat . qui plura in acruos  
 Vtcunq; structos cumulo congesserit amplo.  
 Quid furis o Corydon? quod te uixisse nepotes  
 Admoneat, Centena sat & uerbosius a quo  
 Carmina praestarent morso trutinata labello.  
 Si, quod, ut Antimachum superes, deperdere gestis,  
 In torno, & lima malis perpendere tempus.  
 At non prisca tulit phanaticus esset ut error  
 Vatibus hic aetas. Nam scriptus non prius extra  
 Ibat in Acta liber, quàm terq; quaterq; Lituris  
 Iudice Aristarcho foret oblitus, atque ita cultis  
 Erepta ingenijs damnosa audacia. Demum  
 Aeterna tu lerunt uictura poemata luce.  
 Inde Deum es toties incudi reddere natos  
 Iussus Apolloni, primas incendere Aquinàs  
 Persuasus Satyras . & tu Pater optime Vatum  
 In uersus Centena decem Maro Carmina cogis  
 Cautus, & a recta nunquam seccdis amusi.  
 En rerum Natura parens, nil edere magnum

Spektandumq; solet, longo nisi tempore adtultum  
Ipsa etiam maiora suos animalia partus  
Iussa diu gestare. decem Bos Luca per annos  
Parturit, ingentem prolem paritura, nitensq;  
Dētis ebur, decora ampla uirū, decora ampla Deorū  
Legibus his stabant Veteres plebs sancta Poeta;  
At modo scribendi nulla est data regula; passim  
Versificatores Nyssæ bacchamur ad aras  
Accipit audaces tenuis Pæonicus æstus  
Ignigenamq; canit Bacchum Iunonis in iram  
Mœstaq; iucundis Querimonia pangitur hymnis  
Associat citharæ mollis sibi Tibia cantum  
Scribitur & nullis Comœdia legibus. omnia  
Omnibus admiscuntur, & omnia corrumpuntur.  
Non aliter quàm si Alcynoi læti hospitis hortos  
Hortos perpetui Autumnus, Verisq; perennis  
Siue uelis flores, seu mitia & acria poma  
Rustica barbarico populetur Turba furore.  
Matura, immatura simul flores, folia, herbas  
Confundunt, nullo rapiunt discrimine cuncta.  
Immissis & in ora effrena feruntur habenis  
Donec ab incuruo demum excutiantur Afello.  
Quando omnis igitur fœda contage papyros  
Polluit hæc pestis Scriptorum, ut nulla relictæ  
Sit uia, qua sincera premas uestigia, nec sit  
Vnde queas ronchos, & declinare cachinnos  
Quisquis eris, populo si te commiseris, auram  
Illius aspernere, procul fugiasq; monemus

Et, si Pierio dignum quid cufferis ore ;  
 Seu Contarenus tecum Leonardus alumnum  
 Moribus ingenioq; probum quem fingis ad unguē  
 Seu Trypho, seu tecum ludat Maro, Lampridius <sup>re</sup>  
 Sit satis id raris lectoribus, & tribus ad plus  
 Credere, & indicio quos præcipuos tibi amicos  
 Noueris, & nulla suffultos pectora uulpe  
 Thomei quales gemini, ac Aurelius Augur  
 Abdita qui ueræ Sophiæ monumenta recludunt.  
 Sat mihi Faustinus, satis est Egnatius, & qui  
 A uera nomen bonitate Bononius optat.  
 Iudex quisq; bonus, censor grauis, arbiter æquus.



IO. BAP. ROBOREVS  
AD  
STVDIOSOS

*Ecce uerecundo studiosa Poemate Pubes*

*(Ne pereat turpi lucida Vena luto)*

*Comm<sup>ra</sup>emore pio cœlestia numina uersu :*

*Afferat ut meritum nox Vigilata decus*

*Diuini ut sanctis monitis docuere Prophetæ :*

*Diuino quorum nectare uerba madent .*

*Hoc fecere probi Veteres, hoc optimus Orpheus,*

*Ascreusq; Senex, Mæonidesq; pater.*

*Et modo Pierij pietas sincera modesti :*

*Qui bona sidereæ semina mentis habet.*

*Hoc facite O sancti Vates; sic secula Carmen*

*Vincat, & æternum Fama perennis eat.*





AD VERVM CHRISTIANAE REI  
 PVB. SVBSIDIVM  
 IVLIVM .II. PONT. MAX.  
 IO. FRAN. ROBOREVS TAVRIN.  
 EPIS. AC MOLIS ADRIANI  
 PRAEF. HV MILITER ET C.



**P**LVRIMA esse Beatiss. Pa-  
 ter propter quæ oēs, non modo  
 tui, & præsentēs, uerum etiam  
 alieni, & posteri tibi sunt Gra-  
 tulaturi, nemo inficiatur. Tot  
 siquidem & tanta sunt ea, quæ  
 per te splendorem, gloriam, & immortale nomen  
 affecuta sunt. Nam ut amplissimas ædificiorū, ac Vr-  
 biū instauraciones, reparacionesq; taceā, quibus nō  
 Roma tantū sibi residi, seq; Romā agnoscere demū  
 uisa est, sed etiā Italiæ reliquū antiquā illā operum  
 magnificentiā sibi restitutā esse plurimū gloriatur;  
 Utq; Res domi forisq; magnas tāta nominis tui cla-  
 ritate gestas, pro legitimo sacroq; christianæ, Reip.  
 statu asserendo, amplificādo, cōponēdoq; sedulo præ-  
 termittā, quæ singula magnū sibi Volumen exposce-  
 rent, illud Vnū præcipua admiratione dignū, quod  
 quāprimum per indictū abste uniuersale Conciliū,  
 mores hominum ad rectam uiuendi normā dirigere  
 designasti, in se omnes respicere, suaq; dicta, cōsilia,  
 factaq; perpendere, seq; ad amussim spontes uā ex-  
 plorare ceperunt. Sed, ut ista dissimulem, Ecce tibi

Poeticen tot annis, immo tot ætatibus inuerecundā,  
impudentem, inhonestam, in Lupanari turpiter pro  
stantē ad matronalē uerecundiā, Grauitatem, hone  
statemq; respicere iam occepisse; quam in tāta Poe  
tarum Excellentium Copia, qui superioribus annis  
claruere, uix unus, aut alter de meritoria illa forni  
ce uindicare, & honestati suæ reddere conati sunt.  
Ea nunc demum sponte prodit omni abluta turpitu  
dine, omni posthabita nequitia, omni deteresa obscæ  
nitatis nota. Virgineis, castisq; cœtibus immiscetur.  
Nil nisi sanctum, nisi decorum, nisi honestum, ac inge  
nuum meditatur. Idq; tum aliorum quorundam stu  
dio, Tum etiā Pierij alumni mei opera fieri cœptū;  
quem cum ego ad hæc Martyrum pia Gesta descri  
benda propensum uiderem hortari & urgere nun  
quā destiti, quoad aliquid effecisset. Sumpto Is igi  
tur intio a patriæ urbis suæ <sup>hæc</sup> protectore, atrocissimū  
D. Ioathæ martyriū carmine dēcantauit; quod opu  
sculum mihi nuncupatum. S. tuæ redonare uisum  
est. Vt ex hoc qualicunq; auspicio cætera quoq; stu  
dia moresq; sub tuo nomine in pristinam dignitatē  
facillime redigi possē non sine gaudio coniectares,  
& Poeticen, quā antehac propter nequitia petulan  
tiamq; nemo uir pie, sancteq; institutus aspicere di  
gnabatur, nunc emendatiori morum & habituum  
regula compositam ab omnibus amari debere cense  
res. Qui diu, feliciterq; ualeas Ex Arce tua. III.  
no. Maias. M D X I I.

AD IOANNEM FRANCISCVM ROBOREVM  
TAVRINI PRESVLEM ET  
MOLIS ADRIANI PRAEFECTVM  
PIERIVS VALERIANVS BOLZANIVS  
BELLVNEN.



VIR, Quale Genus superis de-  
mittitur auris,  
Et probus, & sapiens, O magni  
e semine Læli  
Progenies. O Roborea de stirpe  
propago

Viuida, in immensum firmis radicibus aucta  
Quis Vatum te digna canat? qui plurima quamvis  
Pondera sustineas, & magna negotia cures,  
Seu ditem summi, Jutaris Principis arcem  
Seu popolis das iura tuis, Taurinaq; Præsul  
Oppida componisq; & honestis moribus ornas,  
Non tamen interea uatum pia numina Musas  
Non carmen, quo digna geris, Francisce remittis  
Perge itaq; ut tibi mos, illas et pēdere, ut æquū est  
Et magni facere, & semper bene uelle Poetis  
Præsertim qui sacra canunt, qui Numen olympi  
Agnoscent, meritumq; decus cœlestibus augent.  
Vidi ego, & aduerti digna te sapius ira  
Commouisse animum, qui tot præclara uideres  
Ingenia, & studiis ditata, & diuite uena

Sordibus obuolui fœdis, miranda potentis  
Temnere facta Dei; & nullum non fornice dignū  
Ordiri Carmen, Castum temerare sacellum.  
Musarum immundis pedibus, uerbisq; profanis.  
Leuius infandum. Quod si cognoscere uellent  
Mortales, habeant doctrinæ quidquid, ab alto  
Mentibus infusum, & summi commercia cœli  
Fatidicis donō Diuum concessa Poetis  
Non adeo Musæ prurirent turpiter, ipse  
Non Helicon phrygiæ celebraret prisca Cateruæ  
Orgia. Consensu Vatum quin protinus uno  
Omnibus electis, qui templa horrenda profanant  
Sobria in antiquum redeat Cortina nitorem.

Quare ego iamdudum has curas, & inutile mollis  
Id genus ingenij auersans, quod turpia tentat  
Plectra, Mimalloniosq; imitantis Cymbala ritus  
Vno eodemq; luto quamuis detenus inhæsi  
Ad te conuersus humanæ Virginis, atq;  
Vera Dei Soboles, uerus Deus, unica Vatum  
Spesq; & præsidium, & decus immortale piorum,  
Ignea si cœlo mihi lingua affulxerit; astro  
Quæ mentem exagitet sancto, impellatq; uolentem,  
Aggrediar celebrare Viros, qui fortibus ausis  
Tartareas Vicere acies, pietatis amictu,  
Et fidei clypeo, & diuini cuspide amoris.  
Atque illum in primis ponam, qui seua rubentis  
Præliâ Tormenti patiens discerptus in arcu  
Membra Rotæ, diris armata Volumina cultris

Pertulit, Atq; animi constans Illustrata tandem  
Signaferens Victor supero Consedit Olympo.

I A M Pia Religio totum diffusa per orbem  
Creuerat, inq; dies radijs cœlestibus aucta  
Hesperium littus, littus lustrabat Eoum.  
Sed quoniam imperijs Christi religatus in antro  
Tartareo iniectas immania uincla Catenas  
Rex Stygis est iussus tolerare. ita uinctus ahenis  
Terga, manusq; pedesq; æterna in secula nodis,  
Non tamen impuros animos, & pectora dira  
Sollicitare piger, Tantum si possit honorem  
Humani Generis cæcis damnare Tenebris,  
Hinc furias stimulare suas, urgere Tyrannos  
Et regnum præbere, & opes, blandaq; superbos  
Allicere arte animos, interturbare Beatam  
Mille modis sobolem: ~~unq~~ hos, nunc protinus illos  
Excipere, & puro perspergere sanguine terram.

Herculeus stygia hinc agitatus Cæsar Erinny  
Sæuit, & instanti Dirarum concitus œstro  
Imperat e quauis sanctos Dicine Ministros  
Expelli, iuratq; Deos, & nobile Sceptrum,  
Quod manibus gestat, diri monumenta Neronis;  
Id ueluti nunquam diffundet in Aera trunco s,  
Nec recidiuus erit cortex, folium ue, recisum  
Postquam monte fuit nemoroso, atq; ære dolatum  
Nazareos ita supplicijs, & funere cunctos  
Perdere inhumanis; non cessaturus ab atra  
Cede, nisi penitus Christi deleuerit omne

Nomen, & ad fœdi traduxerit orgia ritus  
Vrbs Barcea fuit, multos celebrata per annos  
Quam sibi adoptauit Princeps Ptolemeus ab ipso  
Namine dilectæ imposto testatus amorem.  
Hic insignis Eques Ioathas, quo iustior uno  
Nullus erat, nullusq; modi seruantior æqui  
Diues auis, Diues Fortunis, Diues Amicis  
Impatiens errare animos monumenta docebat  
Cultus uera pij & cœli uenerabile Numen  
Erudiens mentes, & amantia pectora ueri  
Notitiam, cœlo meritos reddebat honores.  
Diditur interea Barcea per oppida murmur,  
Cæsaris imperiis, ingenti classe, tremendum  
Aduentare Virum. Christi qui extinguere nomen  
Iuravit, primasq; ea fata manere Cyrenas,  
Pētapolimq; oēm, & Terrarū quidquid in orbe est.  
Tum se se adglomerant iusti, per templa, per ædes  
Sacra canunt, hilariq; expectant funera mente.  
Obfirmantq; animos læti, hortanturq; uicissim  
Se se in bella alacres. Iam decertare uideres,  
Vsq; adeo in pulchro certamine uiuida uirtus,  
Qui primus circum incurrat, palmamq; superbus  
Occupet ante alios. Felici fidere natum  
Illum omnes celebrant; olim qui plura subibit  
Tormenta, exemplum reliquis insigne daturus  
Immanem spernet rabiem, mortisq; timorem.  
Tuq; adeo in primis Ioatha, iam numine plenus  
Appropere diem gaudes; quam poscere uotis

Aſiduis olim aſſueras. tum lumina & ambas  
 Suſtollens cum uoce manus, ſic ſponte precaris.  
 Chriſte animi aſſertor, ueræ uitæ arbiter. o ſi,  
 Si nunc ſe nobis ille impius offerat horror  
 Armorum. o ſi me non exaudita priori  
 Tempore tormenta inuadant, ut teſtis amoris  
 Mortem obeam ueri; pro te non arma, neq; ignem  
 Auſugiam. da corda pater, da fortia cunctis  
 Peſtora; firma animos; ſcæua ne in cede labantes  
 Deficiant. mihi firmus amor. mihi firma uoluntas.  
 Iamq; latus curuum Drepani prætoria puppis  
 Legerat, ogygiamq; noto ſpirante tenebat.  
 Huc ſimul aduectus Dadius, propellere claſſem  
 Imperat ad littus. ſpecus hinc immane Calypſus  
 Intrat, & a ſeptem depoſcit Fontibus undas.  
 Fiſtilibusq; nouis totidem diſpergit in auras,  
 Suſpiciens ſub nocte polum, genioſq; malignos  
 Aduocat in muten populum (tam credula, rerum  
 Mens erat indocili) ſed. n. neq; noxia ſeptem  
 Carmina conticuit, terno repetita recurſu.  
 Irruit huc Hecate, & nimbo cooperta nigranti  
 Stridet aui ſimilis, quæ teſti in culmine mentes  
 Murmure nocturnas horrendo territat. adſum  
 Perge Dadi, expulſi Iouis inſtaurare caducum  
 Imperium; tibi nuſquam abero, dum cedibus orbem  
 Expurges. mox digna manent te præmia geſtis  
 Rebus, in auſonia princeps ditaberis aula.  
 Reſponſo lætus Dadius dedit oſcula truncis



Arboreis. Cedroq; & Thia, altaq; Cupresso.  
Inde iter accelerat. Berenicia dorsa, philœnos  
Nauisfragamq; cauet. Syrtim, leuq; per altum  
Remige conuertit proras, Cretamq; secundis  
Ziatibus optabant, Gortyniaq; arua uidebant.  
Cum subito arctois Boreas delapsus ab antris  
Incubuit uelo impellens aduersa. Magister  
Nauem inhibet, Cretamq; fugit, uentosq; secutus  
Sponte, Paretoniam optatis Aquilonibus oram  
Appulit. Hic uelum legit, portumq; subiuit.

Heu quantas dabit ille neces; quot millia diris  
Funeribus maetabit, inauditisq; necabit  
Tormentis. Exemplâ manent uos dura Piorum  
Illustres animi per tela, per arma, per ignes  
Sede potituri supera durare Beati.

Ergo sub aduentum Dadij ~~lustrata~~ <sup>lustrata</sup> Caterua  
Flamen, Bacchantumq; chori, Sa<sup>u</sup>ijq; furentes  
Ferre sacra. & centum properant maetare iuuecos  
Lanigeras centum pecudes, centum ordine capros.  
Aere nitens Hammon caput intra nubila tollit  
Cornibus horrendum. stat terga humerosq; sonanti  
Smyntheus insignis pharetra, Cyllenius alis;  
Iura quibus pelagi, Syrtisq; ignara uetustas  
Obtulerat, montesq; Deum sacrarat honore.  
Pro foribus Sphynxes, Crocodilus, & aureus urnæ  
In medio Caniceps; caudæ qui a cuspide lymphis  
Heliadas fusis guttatim dirimat horas.  
Sed neq; & hortorum fructus, neq; sordida rerum

Nomina non suspensa tholo uanissima uotis  
 Pectora captabant, cultu suspecta uerendo.  
 Pantheus adstabat discincta ueste sacerdos,  
 Purpureo caput atque humeros uelatus amictu,  
 Fictilibus falsa e pateris in cornua fruge,  
 Inq; sacras uittas terno faciebat aceruo.  
 Terq; Iouem, ut Cœli Dominum, ter numina Ponti,  
 Tartarei q; lacus regem clamore uocabat.  
 Sacrificis & thura focis, & Vellera frontis,  
 Vina q; fundebat. Genibus pars læta per herbam  
 Depositis procumbebant, aras q; tenebant.  
 Tympana pars uario ferebant stridula cantu.

Excitus hoc Heros strepitu, & clangore tubarum  
 Concursumq; hominum. ueritus ne credula uulgi  
 Simplicitas, mortis ue timor, uitæq; uoluptas  
 Deliciosa aliquos a uero auerteret, ultro  
 Pro pecude ut Pastorem rapta per saxa Leonem  
 Aspera persequitur, dulcis uitæ immemor, unam  
 Ne male perdat ouem. medias erumpit in aras  
 Incurfantem abigens turbam, uulgiq; tumultum.  
 Protinus inclamat sublimis ab aggere, Quæ uos  
 Indociles malesana Homines dementia perdit?  
 Non pudet Humanis operari turba profana  
 Principibus? cur has Diuum mortalibus Aras  
 Extruitis? Vanosq; Deos, enormia saxi  
 Corpora cur miseri colitis? nec noscitis astus  
 Dirarum, infernosq; dolos, ludibria uestra.  
 Cur Idola Virum, cur ligna carentia sensu

Brutaq; adoratis? cur orgia debita cœlo  
Gens ingrata negas surdisq; altaribus inferi?  
Quin age nosce Deum tandem, ac æterna uereri  
Numina disce. Polos qui, signa, & sidera, & altum  
Æthera, & aerios tractus formauit in orbem  
Et circumfuso suspendit in æquore Terram;  
Cuius sæpe tibi uitam & cœlestia fando  
Facta recensuimus, ueroq; probauimus ore.  
Nanq; Hominum mortale genus miseratus ab alto  
Vertice descendit cœli, corpusq; subiuit  
Humanum; nos ut primi quo culpa parentis  
Traxerat, exitio eriperet. miranda professus  
Facta, per undisonum uestigia sicca profundum  
Fixit, & omne genus morbos nutu abstulit uno  
Et triduum extinctos uitali reddidit auræ.  
Idem nostra Salus cruciari corpus acerbis  
Vulneribus uoluit, cruciataq; te peremptus  
Mox stygios spoliare lacus, Acherontaq; Sancto  
Agmine Deducto patrum rediuius in auras  
Emicuit superas, atq; ardua lumina Cœli  
Inuisit, clarumq; bonis patefecit olympum.  
Hunc igitur uenerare Deum pulchrumq; bonumq;  
Et ueram Cognosce uiam, cognosce precamur;  
Et summi quæ cura boni te ad sidera ducat.  
Ista manu fabricata hominum simulacra furentum  
Disijce. sic fatus pedibus prorumpit in aras  
Signaq; Harenosæ concussa superstitionis  
Auellit. sternuq; solo. Phœbiq; Colossum

Magnum opus (has dederat. Diuina potentia uires)  
 Aequat humo, immēsum strepuere immania mēbra.  
 Obstupuere omnes; neq; enim sine numine tantum  
 Esse putant robur. facinus dammare, profanum  
 Esse uirum, & perimi actutum Lanata iubebat  
 Turba altum in clamans. Lapidēs ignobile uulguſ  
 Corripit; aſt animo manet imperterritus Heros;  
 Vt rupēs medio in pelago; quam plurima ponti  
 Incurſat rabies, fluctus immota furentis  
 Temnit, & e propria nunquam ſtatione mouetur.  
 Paſtophori perſtant rabidi. hunc occidite ferro  
 Ocyus, an Diuos ſic permittemus inultos?  
 At Contra loathas. mentis ludibria ueſtræ  
 Aſpiciſſe. an Chriſtum ſic permittemus inultum?  
 Talibus aſſultant dictis præcordia motu  
 Ambiguo. præclara uiri Sapientia tanti  
 Pandus habet, probas animo perſpecta recurſat.  
 Nec genus obſcurū & populi ingens Gratia, ſāctos  
 Auſcultant monitus bona pars, uerumq; ſatentur.  
 Extemplo id Dadio deſert phanatica turba;  
 Littore uix primo primas ingreſſus harenas  
 Attigerat, iam ardens animis iam prima litare  
 Sacra auidus pelagi portuſq; potentibus Aris.  
 Ergo ſatellitibus trepidos præcedere faſces  
 Imperat, & quicunq; Deis ſacra ferre negarent  
 Aſtriſctos ductare, manuſq; pedesq; reuictos,  
 Partem in aquas alto e ſcopulo demittier, udo  
 Tergore conſutos, quo Gallus, Simia, ſerpens

Supplicij comites accedant, ducier unco  
Partem, ac attractum per harenas findere sulcum,  
Verberibusq; alios cedi, dirisq; flagellis.

Exponi & colubris sitientibus, atque ferarum  
Voribus. Includi siculo miserabile Tauro  
Fumus, humi uiuos condi, puteisq; profundis  
Infodi, & aspergi direpta pelle subacto  
Ora sale, ac omnes membris uiuentibus artus.

Hipponax, Sabrates, Borion, Tabracasq; faceffunt  
Iussa citi, insontesq; uiros, & fonte renatam  
Progeniem aggressi rapiuntq;, trahuntq;, necantq;  
Ecce autem Ioathas medium se mittit in agmen  
Vectus equo, phaleras argento, auroq; superbus  
Bacchata insignis clamyde, & spectabilis ostro,  
Quos sibi iungebat populorum fretus amore  
Exemplo socijs animum, uerbisq; ministrat.  
Ite agite intrepidi, coeli quibus orbita summi  
Iam iam ad aperta patet. sub sidera tollite uultus  
Tollite, & insignem lati sperate triumphum  
Magnanimi procures. quos Diuum Regia poscit  
Quandoquidem ex obitu felices nascimur, atq;  
Pondere mortali posito, immortalia deinceps  
Corpora suscipimus, mentemq;, oculosq; tenebris  
Expulsis clara illustramus luce, Dei qua  
Spectamus faciem, maiestatemq; Beati.  
Ergo agite, & quo tantus amor uos conuocat, ite,  
Ite sacram ad patriam, atque alta palatia Coeli.  
Vos ego iamq; sequar; nam me iam accersit Iesus.

Ille quidem e cœlo manifesta luce refulget.  
 Cœlestes en cerno Choros applaudere pennis  
 Puniceis, rutilas uosq; Expectare per auras  
 Quis datur exedras, numerumq; implere Deorum

His illi arrecti dictis cruciatibus omnes

Indomitos firmant animos, & corpora nudant  
 Supplicijs, tenebrasq; uolunt pro luce pacisci.  
 Editur interea strages immensa piorum  
 Marmaridum turbæ uesanis morsibus instant,  
 Prædæ insultantes, ueluti quum magna Luporum  
 Vis, male suada fames imis quos expulit antris  
 Si numerum inuadant pecudum, pastore quietem  
 Securam carpente, omnes nullo ordine turbant  
 Faucibus hanc, illamq; premunt, lacerasq; relinquunt  
 Atq; hanc, atq; aliam affectant. & dentibus omnes  
 Eiugulant, abeuntq; feræ, quas singula in armis  
 Suspensæ comitantur, oues, spectacula harenis  
 Non alia exhibuit Lictorum hæc turba furentum  
 Dum feriunt, mactantq; pios, dum uerbere sæui  
 Insultant. dum alij æs candens, ferrumq; caminis  
 Expediunt, humerisq; adpellunt. dumq; secures  
 Explicat immanis percussor, & exporrectam  
 Cervicem obtruncat, & discerpenda Crocutis  
 Viscera dispergit, rabidisq; propinnat Hyenis.

#### L. SECVNDVS.

Iamq; Cadaueribus Ptolemeia littora cefis  
 Squallebant cooperta, tremorq; per oppida passim  
 Ibat, & omne solum qua se diffundit in æquor

1  
Maiores, inaccessisq; uadis, & inhospita Syrtis  
Quaq; solū sterile et montes Catabathmos opacat,  
Quaq; Mari similis fluctus consurgit harena,  
Nec Ioathan quisquā attigerat, dum hortator in oīs  
Consursus hominum fertur, pugnancia firmans  
Agmina præsidio. Neq; enim petulantia turbæ  
Ausa erat Herois faciem fœdare uerendam.  
Tantus in ore decor fulget, tātum instar in illo est.  
Quem tamen & fremitu incusant, & uoce lacessunt.  
Sic, ubi in Aegypti Phœnix aduenerit oras  
Intinctis auro, & regali murice pennis  
Hunc circum uolucres aliæ Miluusq; Aquilæq;  
Prædæ inhiant, tanto sed enim fulgore repulsæ,  
Vix oculos audent firmos attollere, palmis  
Labentem infausto tantum clangore sequuntur  
Atq; alias populantur aues, & uiscera mandunt.  
Verum alij tanta Ciues in cede morum  
Consternati. Vt iam populorū cuncta, cadentum  
Impleri nemora & ualles, & littora ponti  
Conspexere, ducem ad Dadium accessere frementes.  
Cautus Aristippus primo, diuesq; Caphaurus,  
Eurypylusq; senex, Procerumq; miserrimus ordo  
Quos mala adhuc animi improbitas, et opinio uulgi  
Auersos legi insolitæ, cæcosq; tenebat.  
Qui simul ante truces animos, uultumq; superbum  
Admissi steterunt. Vir facundissimus ora  
Soluī Aristippus; quo non uersutior alter.  
Temporis atq; loci captarit commoda Rhetor.



Optima res effecta Dadi, o fortissime Ductor  
 Maxima gloria parta Deis, tibi maxima fama.  
 Per te nostra iterum recalent altaria, per te  
 Expurgata lues, Diuumq; iniuria nostrum  
 Defectorum obitu, meritaq; in morte cadentum.  
 Sic pereant quicumq; Deos, & iussa retractant  
 Caesaris Herculei. Sed enim o mitissime princeps  
 Iam matres, miseræq; nurus, pueriq;, patresq;  
 Tantam exsecrantur cedemq;, & atrocia facta.  
 Ergo suppliciter tristi cum corde precantur  
 Hac Romana tenus graue sit scelus ulta potestas.  
 Quod si omnem Erroris studeas extinguere causam,  
 Vir tibi adest, quo non Libycis nunc maior in oris  
 Pentapoliq; uiget; cuius ferme omnia dicto,  
 Consilio, & nutu cedunt. licet omnia uertas,  
 Omniaq; exscindas, demum nihil egeris unquam,  
 Si super unus erit. fidens nam signifer adstat  
 Hortatu populis, Islandoq; affamine cunctos  
 Seducit; nec abest oranti uisq; fidesq;  
 Parce igitur populo indocili, proq; omnibus unam  
 Obiectes animam. licet hinc sperare triumphum,  
 Et summum affectare decus. fiducia gentis  
 Nazareæ demum omnis in hoc se sustinet uno;  
 Quo cedente, cadent omnes. nec plura locutus  
 Callidus Orator, Dadium inflammauit in unum  
 Tum demum Ioathan. Celeres iubet ire Latrones  
 Adduciq; Virum placido sermone, nec ullo  
 Armorum strepitu. Borion mandata face sit.

Quem pius ad se Heros properantē ut uidit, amico  
Sic prior affatur uultu. Quem quæritis? acer  
Composito uultu Borion, te quærimus, inquit  
Præstantem uirtute Virum; quem nosse Tribunus  
Noster auct Dadius, miroq; affectat amore.  
Ad sese ut uenias orat, uenisse libenter  
Non te pœniteat, Regem & coluisse potentem.  
Olli (sensit enim Lictor quid posceret) orsus  
Sic Ioathas. noui cur ipsum me accersat, & adsum  
Sponte, libenti animo; Veniam quocunq; Tyrannus  
Iusserit, atq; Dei summum testabor amorem.  
Vos comites, quos uera fides, quos ætheris ardor  
Viuitat, firmate animos, augete uigorem,  
Suppliciterq; orate Deum, det libera fando  
Ora, det indomitum pectus, det temnere ferrum,  
Verberaq; & flammæ, & fata miserrima mortis  
Humanæ, longe melior quem Vita sequatur.  
Sic fatus ultro sœribus sese extulit altis  
Multa procul miserata cohors comitantur euntem  
Aethera qui uotis onerant; nec temperat ullus  
A lacrymis, flendi par est concordia, passim  
Hinc, atq; hinc gemitu erumpunt suspiria largo.  
Ventum erat ad postes, rabidiq; ante ora Tyranni;  
Hic Dadius, postquam Herois uenientis honestam  
Et faciem, & latos humeros, lumenq; decorum  
Effigiemq; Deo similem Conspexit, ab alto  
Sic fatur folio, nec uultum abscondit, & iram.  
Tu ne igitur, Tu ne ille, Deum quem euertere cultum

Et

Et Veterum prohibere molas, libaminaq; Aris  
 Defertur, Christumq; sequi, ac incognita uulgi  
 Somnia? mortalemq; hominem immortalibus ipsis  
 Quiq; polum, cœlumq; tenent præferre, parentum  
 Nostrorum, Ausonijq; secus consulta Senatus.

Nescius hem q̄tum faceres scelus improbe; quod ni  
 Dudum ego Cauissem prudens, cedemq; uetasssem,  
 Tu quoque ceruicem mutilus, uel raptus ab unco  
 Digna pependisses uiolati præmia cultus.

Sed mihi nota tui generis præstantia, qualem  
 Laudibus hic effert populus, te scilicet unum  
 Dissuasere gregi miserorum adscribere, ut inde  
 Admonitus cæcum errorem, culpamq; iuuentæ  
 Deceptæ infamem nostra de lege piores.

Suscipit hic Heros, audenti & corde profatur.

Ille ego sum, neq; me sancta de gente negabo;  
 Cui studium est Pietas, qui uerum indicare cultum  
 Mendaces damnare Deos, & nobile Cœli  
 Numen adorari admoneo. mortalibus idem  
 Marmoribusq; , Virisq; Deum qui præfero uiuum,  
 Aeternumq; , triplex cui forma, est Numine in uno  
 Qui uoluenda Poli fabrefecit sidera, & orbem  
 Constituit, legemq; dedit, qua inferna per æuum  
 Seruarent elementa uices uariabilis Anni.

Hoc Patrum monumenta docent. consulta piorum  
 Adsensere; quibus tantum parere iubemur.

Tum Dadius tacito cruciatus corda furore

Vix cohibet sese, uix ferro parcat acuto,

Inq; hominem demens, ac præceps irruat ense  
Districto, ni turba ægrum adblandita furorem  
Leniret, fandoq; prius tentare moneret,  
An queat ad priscos hominem compellere cultus.  
Ergo ait hæc, presso potuit qua uoce furore.  
Non pudor ergo tui, aut potius timor ullus, & horror?  
Qui tot supplicia & cedes, tot acerba tuorum  
Funera perspexti? exululant plangoribus urbes  
Fœmineis, & summa petunt clamoribus astra  
Nec gemitus, tantusq; tuas it stridor ad aures.  
Qui nil proficeres. sed enim temerarius ipsis  
Sontibus auctorem te nullo horrore dedisti.  
Quæ regio, sedes ue Deis non subdita nostris?  
Cur igitur, magnæ cui nota potentia Romæ  
Et quibus auspicijs tenui de sede Quirinus  
In Solium rerum Dominus conscenderit altum  
Audeat horrendos uerbis incessere cultus?  
Quin age, posthabito iam Christi nomine, magnis  
Sacra Deis; Cereri, Martiq; , Ioui; litato.  
Quæ si nostra uelis mandata capefcere, Romæ  
Magnus eris titulis, seu uitem ferre Tribuni  
Siue ebur, & sellam, seu Dictatoris honorem  
Siue triumphales currus inscendere Consul  
Malueris. stat certa fides; sic Cæsar, & omnes  
Arbitrio hæc nostro designauere Quirites.  
Hæc te dona manent. tantum obliuiscere Christum  
Quod nisi te Pietas, & Regum iussa mouebunt,  
Te cautum est grauiora pati. Nam errata potentia

Quo magis explorata, magis sunt publica, ut addant  
 Terrorem populis, poena maiore piantur.  
 Ab tibi non fuerit Iuuenis tam dira cupido  
 Ut spreto Diuum cultu, spretisq; potentum  
 Imperijs Regnum, uideas populata tuorum  
 Tecta miser, raptas & opes, incendiaq; ipsi  
 Aedibus illata, & cruciatus atrociter artus  
 Demum obeas mortē indecorem, & sis fabula uulgi  
 Tuq; genusq; tuum Lybicus data praeda Leenis

Talibus at demum auditis iustissimus Heros  
 Sic Dadium increpitans mansueta uoce locutus  
 Ne uero, ne me ad tales impellere cultus  
 Credideris; quod si credis, spem pascis inanem.  
 Mortali ne manu facta immortale tenebunt  
 Ius simulacra? Poli si sidera numina dicas  
 Nomina ridemus, sed numen inesse fatemur  
 Sideribus coeloq; omni, atq; errantia nullum  
 Astra malum nobis raptos diffilare per orbes.  
 Nullum opus est caeleste malum. Vos improba uulgi  
 Congeries ultro subuertitis omnia, in ipsos  
 Calicolas culpam uitij depellitis omnem.  
 Ne tamen ignores, tantas quæ causa cateruas  
 Intulerit cælo. & diuum sacrarit honore  
 Expediam; tantum patulis hæc auribus hauri.  
 Qui uarios animantum ortus, rerumq; nouatus  
 Inspectere, neq; uno produci omnia cælo  
 Tempore non uno simul omnia, plura putarunt  
 Numina, tumq; locis genios posuere ministros

Temporibusq; Deos certis statuere, quod uno  
Omnia principio generari, atq; omnia ab una  
Enasci causa non cognouere, secutus  
Hinc Error, uaniq; rudis sententia Vulgi.

Hinc Rhea Telluris facta est, Neptunus aquarum  
Hinc Dominus, liquidi Iuno Aëris, ætheris alti  
Iuppiter. hinc Mythram Persæ coluere bicornem  
Hinc Martem, Veneremq; polo commenta uetustas  
Atq; alios alij numero adscripsere Deorum,  
Mortales homines, arte, ingenio ue potentes.

Ipsæ tamen Deus unus erat, Deus unus habetur  
Vnus erit; cuius concedunt singula nutu,  
Qui uariare uices, laxare, inhibereq; habenas  
Fatorum, cœliq; potest. miranda, nec ulli  
Intellecta uiro, neq; enim intellecta ministris  
Interdum superis operatur, & ipsa tremescit  
Naturâ insolitis agitari legibus orbem  
(Si quando placitum est) nec idonea noscere tanti  
Arcanum Domini; At norunt quos spiritus afflat  
Almus, & ignaram mentem abstergere sub undis.  
An seros refram occasus, Solisq; regressum  
A Tartæsiacis ad littora Gangis, & inde  
Rursus in oceanum sensim rediisse Britannum?  
Quærebant Veteres causam, Cœlumq; figuris  
Omnibus emensi, nullam inuenere periti.  
Ezeciæ hoc pia uota petunt, pia uota secundum  
Inuenere Deum; Assyrios quum sterneret armis,  
Aequaretq; Idola solo, ludibria gentis.

Persarum hoc monumenta docent, si credere nobis  
 Difficile, affectusq; animo inueteratus inhæsit.  
 Defectum an potius memorem, indignumq; laborẽ:  
 Cynthia quum fratri opposita, & iam lumine plena  
 Visa repente suum Solem pratexere ab ortu.  
 Incipiens, iterumq; retro reuoluta sub ortum  
 Decedente die radijs affulsit Eois.  
 Quisquis Erat rerum prudens, & doctior, orbem  
 Aut metuit solui, aut Naturæ numen acerbi  
 Ferre aliquid. Sublatus erat tunc noster Iesus,  
 Auctoremq; suum flebant Supera ardua cœli.  
 Tēpla labant, simulacra ruunt, tot signa sub omni  
 Apparent cœlo, pietas testatur. & omnis  
 Consona confirmat recte intellecta uetustas.  
 Veram hanc esse Dei sobolem, Corpusq; subisse.  
 Venturum, suprema diem quum uoluerit ætas  
 Nos iterum Exuuijs sumptis excire sepulchris.  
 Singula ut exploret, quæ dictaq; factaq; recte,  
 Aut minus inuita fuerint. his digna daturus  
 Præmia pro meritis, nulla inde ætate, nec æuo  
 Amittenda. Noui hæc siquidem stat regula mundi.  
 At Dadijs plura impatiens audire, loquendi  
 Edicit finem, & Contra hæc stolidissimus addit.  
 Quid mihi de superis incognita somnia? cœlum  
 Numina habent, habeāt. Quæ sint ea numina porro  
 Quiue Dei, Exquirant alij. Dictata parentum  
 Nuda sequi satis est, nec cœlum inscendere, terræ  
 Ignarum, Captare polos, & Sidera mente



Attonita, ignorare oculis obiecta sub ipsis.  
Stulticia est nimium sapere, immortalia quenquam  
Mortalem sperare. altos fecere polos Dij  
Ipsi habeant, terras, atq; inferiora Elementa  
Subicere homini. fas hic sperare Tiaram,  
Atq; Triumphales bijuges, ditiesq; Coronas  
Qui magis est locuples, maiori elatus honore,  
Terrenus Deus est, felici sorte beatus.  
Qualis erat Cæsar, qualisq; Augustus, & ipse  
Herculeus qualis totum nunc territat orbem.  
Nam quæ religio est, lætum fraudare, futuræ  
Post cineres, uana Genium formidine poenæ.  
Morte obita qui sensus erit? Quæ certa uoluptas?  
Sensus inest uiuis, effuso sanguine in auras  
Nulla anima est, nullusq; uigor, & nulla superstes  
Vis humana. abolet putris Cinis omnia, & aufert.  
Vix duo sunt nostri memores. Vix marmor in annū  
Prorogat insculptum nomen. quæ gaudia prudens  
Quiq; uoluptatem arripuit, bene deniq; uixit.  
Sed quid ego hæc tanquam populis incognita nugor?  
Hactenus occiderint fatui; dementia letum  
Queis peperit, pernixq; animus queis causa malorū  
Tu superesse uelis. ætas dignissima uita  
Est tua. Cur omnem patriam subuertere tecum  
Improbis affectes? in te omnes ora reflectunt  
In te oculos. miserere horum. miserere cadentis  
Et desolatæ patriæ, teq; eripe morti.  
Sin hæres magis incepto; Quid plura moramur?

Pauca loquar, quod tu minime fors rere futurum,  
 Ne tibi cum molli faxy rem pectore agendum  
 Esse putes, quod uoce domes, quod uimine lento  
 Quolibet impellas. Romana potentia uires  
 Quas habeat sæuo demum experiere flagello.  
 Hæc dixisse sat est. Tunc tunc audentior Heros  
 Firmat corda minis, longeque animosior inquit.  
 Hanc ego pugnam in eo. nil me tua dicta, neque arma  
 Feruida, sæuaque terruerint, iræ uel minæ uel  
 Est hic est animus uitæ contemptor inanis,  
 Quem melior dein uita sibi per funus adoptat.  
 Ipsi omnes, quos tu Crudeli cede cruentus  
 Insequeris, mactasque, tibi debere fatentur.  
 Nullum in morte malum nobis, te te illa manebunt.  
 Tristia, quum scelerum meritas expendere poenās  
 Tempus erit. Nam tu, nam dirus Cæsar et omnis  
 Quæ colit hunc Tellus infanda uidebitis olim.  
 Sic Ioathas animi fidens, et numine plenus  
 Fatus erat, solio Dadius furibundus ab alto  
 Magna fremens clamat. dentes elidite saxis  
 Sacrilego, et linguam mentitam abscindite, corpus  
 Cedite nudatum. spūto conspergite frontem.  
 Audacem. Mora nulla feris. iam quattuor ore  
 Expulerant dentes, dicto ocyus, inde Lupi ceu  
 Se prædæ accingunt, preciosaque uellera scindunt.  
 Aggressi. Clamydem hic auro rapit intertextam  
 Ille grauem gemmis zonam; aurum tortile collo  
 Ille adimit, spoliataque manus gestamine equestri.

Hij seuos soluunt fasces, Virgasq; trementis;  
Expediunt, ceduntq; uirum, fœdantq; decoram  
Effigiem tabo fluitanti a pectore, ab armis.

Ac ueluti annosam quum deprendere iacentem

Agricolæ quercum; Quam uenti insana procella  
Strauerit, accurrunt omnes, letiq; secures

Prosubigunt; frondes, ramos, truncumq; recidunt

Lignandi studio. cœlum tonat ictibus omne,

Tale flagellandi studiumq;, furorq;, fragorq;.

Quos inter strepitus plagarum & cedis acerbae

Immoto Dadium spectabat lumine, ita illum

Intrepide affatus loathas. O nescie rerum

Indomitos ecquid laceras tot cedibus artus?

Parce Dadi scelerare manus. Veniamq; profani

Erroris deposce pius, deposce precamur;

Et sanctis ablutus aquis absiste Tyrannos

Pro Diuis uenerari homines, stygiamq; Cateruam.

Talibus exarsit Dadij uiolentia dictis

Ergo pauca refert. Tibi quæ certissima sunt

Haud dubitanda feram, prudens tu dicta memento.

Vade age, & in tenebris quid sit tibi luce fatendū

Videris. Insanam hanc mentem expurgare iubemus.

Cras alio torquere modo, si obsistere pergas.

Nec tibi nobilitas, nec opes, nec splendida factis

Vita, nec ipse decor formæ, aut facundia linguæ

Profuerint; quin suffixo rapiaris ab unco

Aut alijs cesus uirgis, saxisque petitus

A populo, exhibeas spectacula scœda Cyrenis.

Infami & pereas obitu, & sine honore sepulchri  
 Discerptus iaciare Lupis, uel Piscibus esca.

Territus hic nullo Ioathas horrore minarum.

Quid mihi de tumulo iactas? si enormia nobis  
 Marmora Pyramidum statuas, auius' ue feris' ue  
 Proijcias, tantundem habeo. Iactura sepulchri  
 Nulla pijs. uolenda dies quum aduenerit orbi  
 Membra rogis cōsumpta, ferarum, & pisciū ab aluo  
 Excubit Deus ipse. Deus qui temperat orbem  
 Qui semel hæc fecit, poteritq;, uoletq; figura  
 Per simili instaurare hominem, & melioribus orsis.

Talia dicentem fessis a cede ministris

Ia loca cæca trahi mandat, firmisq; reuinctum  
 Compeditibus, manicisq;, dari custodibus atræ  
 Noctis, & absq; cibo longa anxietate domari  
 Dum genus exquirat pœnæ: Quod nulla p̃iorum  
 Secula sint Commenta. licet miserabile funus  
 Taurus Agrigentis fuerit. nex horrida quamuis  
 Culleus, aut Candens ardenti exprompta Camino  
 Lamina. Num raptanda feris det uiscera Tauris  
 Per nemora, & cautes. Magis an Crudele quaternis  
 Distractum differre hominem in diuersa quadrigis,  
 Disscet an lenta corpus cruciabile serra;  
 An geticum inuentum præcordia uiua subacto  
 Robore transfigat. iungat num mortua uiuis  
 Corpora, componens os ori, ulnisq; lacertos  
 Pectora pectoribus; longa, & tetrum inter odorem  
 Morte necet, misero amplexu accubituq; nefando

Horum nulla placent duro & grauiora requirit .  
Dumq; ita cum Socijs consultat, & omnia pensat.  
Tormenta, & uaria est diuerso in corde uoluntas  
Tunc demum sola hæc pleno sententia sedit  
Alueolo, struxisse rotam, quæ surgat in altum  
Aethera, & externet mentes, seuissima uisu,  
Quum districta secet crudeli membra rotatu .  
Id genus exitij, & diri monumenta doloris  
Suggestit menti Furiarum pessima, in antro  
Qualia tartareo exerceri uiderat, actis  
Dum radijs sociæ pendentem ixiona torquent  
Discerpuntq; diu, non defectura Tyranni  
Viscera, supplicij horrendū, & lacrymabile, in oris  
Non prius inspectum superis . exempla secutus  
Dira, rudimentumq; ferox Maxentius inde  
Vfus, ut indomitos laceraret Virginis artus  
Niliacæ, quamuis retro res uersa ministros,  
Auctoresq; mali, scelerumq; afflixit, & igne  
Turbinis, & ferro multi periere rotato.  
Ergo rotā immanē hanc, studijs atque arte Megeræ  
Aedificant. operi accigunt, sonat icta bipennis  
Mille manus ferrumq; & cedua robora tractant  
Molliturq; sequax flammis lentoq; uapore  
Materies incurua trabes. Utq; axis, & omnis  
Curuatura, iugum medium, radijq; peracti;  
Vulnificis arcus ingentis desuper aptant  
Dentibus armatos, & acuta cuspide ferri  
Immotos, firmosq;, rotæ ut luctamen adesset.

Concita quæ simul aduersum ut raperetur in orbē,  
 Altior in Cælum qua curuatura superne  
 Erigitur, cultros deprnderet incurfantis,  
 Mobilis ut firmo christallo incur sat olympus;  
 Atque ita subuectum innumero discerperet ense  
 Corpus, & abscissas partes dispergeret ictus.  
 Quæ simul ut perfecta, poloq; altissima uisu  
 Extulit horrificam speciem, reuoluta repente  
 Stridet, & impulsu late insonat aura fragoso.  
 Hinc atque hinc pontes erecti, & pulpita surgunt  
 Altior ut Lictor centroq; iugoq; lacertos  
 Admoueat, uoluatq; ferum spectabilis orbem.

L. TERTIVS.

Quæ faber assidua properat dum plurimus arte,  
 Nox erat, & somno uiuentia cuncta iacebant,  
 Alituum genus, & pecudum, & Neptunia cete  
 Mortalesq; homines. at non sopor altus habebat.  
 Tum Ioatham, noctem insomnem q̄ longa peregit  
 Auxilium, uiresq; petens, ut pectore firmo  
 Arma, necem tenнат, tormenta, irasq; , minasq;  
 Victor, & Aeteriam constanti pectore palmam  
 Attingat, firmetq; alios, ne dira pauescant  
 Supplicia exemplo. precibus quum motus Iesus  
 Feruentis, stabilisq; animi, de sidere Tauri;  
 Cornua qui iam iam terræ ostentabat, & armos  
 Labitur ante diem, claraq; in luce tenebras  
 Carceris excussit, nulli manifestior unquam  
 Redditus, adfistit stellato lucida Peplo

Virgo, Dei mater natum comitata, sequuntur  
Spirituum, Diuumq; chorus, cui proximus ardet  
Igneus aspectu Seraphin, qui illuminat orbem,  
Quæq; sitæ in medio Virtutes omnia purgant  
Perfectiq; bono, pulchroq; , & Luce ministri.  
Præ manibus quorū effertur ueneranda supellex,  
Qualē habuit Dominus speciem, quū tristis in hortis  
Venturam inspexit, pœnam, instantemq; dolorem,  
Sanguineusq; agro defluxit corpore sudor.

Vincula, subuersamq; Crucem fert Petrus, eandem  
Frater habet. Stephanus radiantē in fronte coronā  
Chrysolitho insignem, & cœlum prospectat apertū  
Aemulus huic Paulus stringebat feruidus Ensem  
Inde alij quos uerus amor, quos inclyta uirtus  
Effecitq; Deo similes, atque intulit astris.

Tali igitur procerum Christus comitante Senatu  
Spectandum exhibuit sese, alma & luce resulsit  
Sede sedens, rutilans fuluæ instar asspidos, ignem  
Ore nouum disflans, & odori nectat̃is auram.

Obstupuit tanto Ioathas fulgore, tremensq;  
Horruit, Omnipotens dulci sic uoce profari  
Visus, & horrorem placido hoc sermone leuare.

En ego, ne timeas, Amor, & tua sola Voluptas  
Christus adoratus uenio, & tibi sedulus adsum,  
Vtq; animū firmem promptum, mortisq; timorem  
Excutiam. mihi notus Amor, tua nota uoluntas.  
Tolle oculos; circum quæ calligabat, abiuit  
Iam iam erepta tibi nubes, hæc uulnera cerne



Cerne manusq; pedesq; meos, & pectus apertum  
 Et Sentes cerebro infixos, & cætera nostræ  
 Instrumenta necis, Sociorum uulnera cerne  
 Quæ tibi cunq; ferunt manibus. sic itur in astra  
 Sic ego pro uobis; pro me sic Petrus & omnis  
 Electorum ordo, sic tu quoque lætus adesto  
 Non te ullæ mortis facies, non te ira Tyranni  
 Terreat; utq; magis furibundus sæuiet, hi tu  
 Promptior in pugnam contra, atq; audentior ito.  
**T**estibus his opus est, quo noctri cognita partus  
 Quem natura negat, quæ mens mortalis abhorret,  
 Quem capit humani uix coniectura uigoris.  
 Testibus his inquam mysteria nota per orbem  
 Mansura, stabiliq; fide iam æterna perennent  
 Ergo tuam ut sortem inspicias, arcana fatebor  
 Quædam, uenturoq; olim solabor honore.  
 Adueniet tibi læta dies, quum littore ab isto  
 Successu Venetas mēliorē ueheris ad oras  
 Atq; ubi fluctifonis antiquam lancinat undis  
 Bellunum uelox, & præcipitatus Anaxus  
 (Sic memorans urbem, & uallem ostentabat amœnā  
 Subijciens oculis montes, glebamq; feracem)  
 Hæ propriæ tibi erunt sedes, hæc mœnia uotis  
 Damnabis, semperq; tuis uenerabere, felix  
 Assertorq; pio populo, qui plurima ad Aras  
 Thura, precesq; ferent, & adorea liba sacrabunt  
 In quæ abeam, pastusq; sacrosim uictima cœtu.  
 Grande tibi hic statuent uario de marmore templū

Indicentq; diem, placidaq; in pace quietem  
Perpetuam peragent, bellig; famisq; malignæ  
Expertes, tutiq; tuo sub numine uiuent.  
Accedent comites, qui tecum iura ministrent  
Martinus Clamyde insignis, Lucanus abolla.  
Ille eques, hic præsul sanctissima pectora uterq;  
Quas animas alta concepi mente, remittam  
Tunc, quum tempus erit, præuisaq; uenerit ætas,  
Quin etiam mihi amate, magis quo singula tanti  
Præmia tormenti agnoscas, en debita terris  
Dona tuis (Spinam hæc dicens auulsit acanthi  
Altius in frontem mediam quæ insedit, & almo  
Sanguine perfusa est) populis hæc signa subinde  
Præstabit manifesta, fidem hæc tutabitur omnem  
Quum manibus spectanda sacris tota urbe feretur  
De summa lacrymas emittet cuspide obortas  
Mille oculi has cernent paulatim increfcere, sensim  
Defluere ad medium, & truncò euascere in imo.  
Tuq; adeo dilecte animum, roburq; resume,  
Neu Dadij terrere minis, casusq; per omnes  
Fortior euades. superatis denique fatis  
Lacte, mero exundās tibi mellea mensa paratur  
Discubitu superum admissio. Te te ipse lauabo  
Ipse propinnabo, locuples opulentia rerum  
His manibus deprompta sacra statuetur in ara.  
Victor ibi uitæ loto uesceris, odoro.  
Flore Coronatus, uiuo pro fonte, sub alta  
Arbore discumbes, quam mollis uitis obrumbat

Palmitibusq; ferax, letaq; propagine uiuax  
 Hic satur ambrosia, madidusq; hic nectare somnum  
 Et requiem uigil excipies, qua dulcior, atque  
 Blandior in terris nulla est nec amœnior ulla  
 Iamq; uale. hæc dicens mentem inspirauit, & inde  
 Fragranti spargens lutulentum carcerem odore  
 In cœlum sublimis abit. comitantur euntem  
 Igneus ordo, animi felices, uera uoluptas  
 Verus amor, pacata quies, mercesq; laborum.

Ast Heros magno uitæ inflammatus amore  
 Gestit, auetq; diem ponto properare morantem  
 Corporis ut soluat uinclum, nubesq; fatiscat  
 Qua rudis obduxit mortalem sarcina molem  
 Ut possit splendore frui, cœloq; potiri.  
 Vsq; adeo Diuinus amor, pulcherrimus, ingens,  
 Lucidus affectis animis illabitur, inde  
 Quos magis allapsu succendit, ualidius, instat  
 Ut perament. Ioathæ pertentat pectora languor,  
 Sed languor qui febre caret, qui corpora firmat,  
 Qui ualidas affert uires, roburq; ministrat  
 Cur tantum oceano cessent prodire Lacones  
 Incusat, rimasq; omnes uestigat apertas  
 Iamq; uenenabat Senior sua tela sub unda  
 Hesperia Chyron breuibus comes additus umbris  
 Et pullis inuecta rotis patefecerat ortum  
 Non iam Aurora nitens, non ut mos aurea pallam  
 Sed nimbum succincta, putes sentire tremendi  
 Euentum sceleris, diro & pallescere casu.

Mos erat, atiqua in Libya, pulcherrima rerum  
Nunc Europa colit. quotiens de funere fontis  
Ipse Magistratus radioq; & sede superbus  
Supplicij genera edicit, peragendaq; mandat,  
Seu quæcunque agitat magni consulta Senatus  
Ponderis, & dubijs petitur sententia rebus,  
Tum celsa in turri, aut uicini in culmine montis  
Cimbala sub lucem pulsantur ahenea magno  
Cum strepitu, quantū dant sæua tonitrua murmur.  
Hoc igitur de more cauum iam claua metallum  
Ferreæ utrinque quatit, contorto impulsa rudente  
Quæ simul horrēdum ut tonuit, catabathmos et oīs  
Silua procul, montesq; caui, Vallesq; reductæ  
Assonuere; Sinus, syrtes, litusq; resultant.

Sensit ut hoc Heros artus exhorruit omnes  
Principio, tremuitq; Caro sibi conscia tanti  
Supplicij. ast animi constans dum plurima uersat  
Denum ait, agnosco oblativam signa triumphī  
Hæc tuba, & hi litui, hæc suauissima cornua sunt.  
Soluar, uti cupio. Da cœli æterna potestas  
Quæ penes arbitriū est rerum; da uincere pœnas.  
Da stabilem tormenta pati, & quæcunq; laborem  
Vt Stephano, Petroq; tuo, Pauloq; fuisti  
Assidue felix, mihi sic assertor adesto.  
Da reliquos mea signa sequi durareq; in omnes  
Casus. utq; fremit, teq; insectatur, & urget  
Limitibusq; suis pellit, si pellere possit,  
In meliora dein conuersum fata, libenter

Romanum

Romanum demum imperium tua numina noscat  
 Nec sit in orbe locus, qui se mox iactet honorem  
 Et cultum tibi maiores offerre . proinde  
 Quem populum mihi commēdas propriūq; dicasti  
 Qui sit cumq; , tui a supera iam sede fauoris  
 Sentiat afflatum, tranquilla & pace fruatur .

Sic Ioathas , magnum interea per strata uiarum .  
 Cogitur ante forum uulgus, quos rumor ab ipsis  
 Finibus excierat, seu certa negotia, in urbem  
 Littoream, quæ exposta mari uada turbida Syrtis  
 Et breuiâ hinc prospectat, inaccessosq; refluxus  
 Inde latus longo distendit tramite in ortum,  
 Aestiuas ad aquas, & focundi ostia Nili .

Conuenere igitur diuersa coetus ab ora  
 Non Maris, & Vastæ non defuit incola harenæ  
 Vndiq; collecti magno per rostra tumultu  
 Perq; uias, neque enim Ioathæ leue nomen in omni  
 Pentapoli, Libyaq; : ampla. Iamq; æra tremendum  
 Ter dederant signum, ter facti conscia corda  
 Terruerant, horam & tangebant Linea quintam  
 Componit sella Dadius se. Licetor, & omnes  
 Carnifices astant. Demum sanctissimus Heros  
 Ducitur e tenebris, annexo brachia ferro  
 Strident, ære pedes resonant, utrinq; Phalanges  
 Districto horrentes ferro, atq; hastilibus altis .  
 Ille ubi primum oculis arma horrida circumspexit  
 Suspiciens cœlum. felicibus annue ceptis  
 Omnipotens, inquit, nunquam frustrate uocantis .

Si memorans pugnis, longisq; impellitur hastis  
 Subuehiturq; humeris, Dadij; ante ora superbi  
 Sistitur. Ille ferox elato pectore, uorsis  
 Torua tuens oculis, rabidæ canis instar ab ira  
 Feruidus, ecce rotas inquit, fixasq; bipennes  
 Supplicij genus ignotum, penamq; tremendam.  
 Tuq; adeo, nec multa loquar, fando ue morabor  
 Aut nostris da thura deis, aut protinus illas  
 Scande, manusq; pedesq; immani affixus in arcu  
 Vnde diu rapida uertigine sectus atrocem  
 Mortem obeas, demensq; tuo sis uictima Christo.  
 Suscipit hic Heros. En immaniſſime Sulla  
 Ut libet hos artus lacera, suspende, trucida;  
 Et meus est hæc passus amor. Stat deniq; Christum  
 Velle sequi. Christus mihi numen, uita, salusq; est.  
 His Dadius magis in rabidam percanduit iram  
 Lumina nam ignescunt, totoq; exeminet ore  
 Sæuitia inclemensq; animus, nec plura moratus  
 Imperat auferri ex oculis, cesumq; flagellis  
 Apſidibus figi, decreta & lege rotari  
 Barbarus ergo iubet Borion properare trahaces  
 Liſtores, ubi sæua rotæ stat machina celsæ.  
 Atq; ubi tam immanem Ioathas ante ora parari  
 Aduertit faciem poenæ imperterritus inquit  
 Ne me effuse cruor, neu me terrete minaces  
 Mucrones, radij; . meos pater ipse uocatus  
 Audiſt, & lætum iubet hos inſcendere currus  
 Vnde triumphali eueherer sub ſidera pompa.

Heroem interea direpta syndone nudant  
 Affiguntq; manus clauis, miserabile uisu;  
 Inde pedes, & utrumq; latus, ne scilicet ingens  
 Pondus in aduersum rueret, dum uertitur axis.  
 Ergo ubi confixum super Apfida Corpus inhæsit,  
 Præualidis adhibent tortores quattuor armis:  
 Quos Borton urguet frendens, uirgisq; laceffit.  
 Voluitur in gyrum letalis machina, clamor  
 It cælo, fremitusq; uirum, clangorq; Tubarum.  
 Tollitur ecce sacrum posito uelamine corpus  
 Qualis ab Eoo quum surgit lucifer ortu  
 Luce serenifica fulgens, in se omnium amorem  
 Ora, oculosq; trahit. Medijsq; ut uerticis enses  
 Impulsu occurfauit agens in uiscera ferrum  
 Mille locis tepidum, discussus in æthera sanguis  
 Profilijt, tum frustra uagas disiecta per auras  
 Spectaclum horrendum dictu, & lacrymabile uisu  
 Exhibuere. rigor gelidus per membra cucurrit.  
 Auertere oculos omnes, spectareq; tantum  
 Nullæ acies potuere nefas. Non sustinet hostis  
 Qui modo crudele optabat distringere ferrum,  
 Quiq; feras satiare manus in sanguine, iam iam  
 Supplicij moti forma, & feritate tremendi  
 Dum carnis grando, dum sanguinis imber inundat.  
 Dant gemitum mæsti, & stupidi, pallentiaq; inges  
 Occupat ora rigor. Nil consternatus in acri  
 Tormento Ioathas, confidentissimus altum  
 His cœlum alloquitur uerbis. Cape prima cruoris



Libamenta pater, uiuo hoc me flumine ab omni  
 Labe, & ab incestu mortali perlue, ut inde  
 Hostia pura tuas. feriar mactandus ad aras.  
 Interea rapido molimine uertitur ingens  
 Curuatura ad humum deuexo uertice, & Heros  
 Prona fronte pedes tollit, quasi nocte sub ima  
 Conditus, occasum parili discrimine, & ortum  
 Spectet. At immanis Borion sale uulnera & artus;  
 Viscera quo magis atq; magis truculentus adurat  
 Perfricat. Inde getas ulnis succedere mandat  
 Conuoluiq; iterum radios, corpusq; rotari  
 Iussa getæ peragunt, humeris, dorsoq; subactis  
 Exorientem iterum Ioatham ostendere, cruentis  
 Conspersum maculis, niuea cute cætera pulchrum  
 Qualis sidonio est Elephanta murice tinctus  
 Quæ Parthi affigunt decus haud ignobile baltheis,  
 Frena uel exornant uolucrum regalia equorum  
 Quæ thalamo suspensa Ducum ornamenta niteſcāt.  
 Ecce iterum dimota loco subit arma & uentus  
 Bellator fidei, atque alijs proſcinditur artus  
 Vulneribus, cultris magis ima petentibus. ossa  
 Iamq; crepant confracta. cruor iam largius omni  
 Parte fluit, strident axes, cursum arma morantur  
 Desuper affixa, & firmis hærentia clauis.  
 Viscera sic sensim abſcindunt, pœnasq; morando  
 Exaugent. Tanto Ioathas tum membra dolore  
 Discerpt, & cedi patiens, mansuetior agno  
 Quem pastor ferro attondet, uel mactat. aruspex

Suspiciens cœlum, ut potuit, sic fatur & orat  
 Parce Pater Dadio, parce & tortoribus, ut sunt  
 Ignari quid agant miseri, nostrumq; laborem  
 Pende libens olim pro cæco errore tuorum  
 Quos malefirma fides ulla unquã in crimina trudet  
 Meq; simul fortiq; animo, certoq; fauore  
 Iam iam confectum obfirma, tormenta, rotatus  
 Et dolor ipse iuuant. Supplex dum talia fatur  
 Corruit, & præceps terræ raptatus adhæsit.

Tertia iamq; parant iterare uolumina summis  
 Viribus adnixa, cultrosq; & tela retractant  
 Altius ut dorso insideant, grauiusq; recidant  
 Nulla mora in Bortone, quater perfringere uitem  
 Nodosam sensere humeri seruilia dorsa.  
 Protinus ergo cita uertigine corpus ab imo  
 Surrexere. Oriens Ioathas iam sanguinis expers  
 Deficientem animam, resolutaq; uincula neruorum,  
 Et gelido sensit corde exspirare uigorem.  
 Ergo ita iam exili proclamat uoce. peractum est,  
 Iamq; ades alme Pater; tibi quæ se dedicat uni  
 Hanc animam excipias. uix hæc absoluerat, atque  
 Auditus cœlo tonitrus, fulgorq; per auras  
 Lucidus, & candens manifesta luce cucurrit  
 Et Ioathæ supra caput astitit; edita olympo  
 Vox audita p̄ys, non intellecta profanis.  
 En uenias Dilecte meus, Decus addite cœlo.  
 Dumq; ea facta simul Ioathan citus orbis in hamos  
 Egerat obstantes, moribundaq; membra secabat.

Spiritus æthereas felix uolitabat ad arces.  
Agmine stipatus Geniorum læta canentum  
Sed Corpus sine corpore erat ; non Brachia trunco  
Non femora, aut suræ, non dorsi spina coheret ;  
Omnia dispartita locis. Hic nequid inausum  
Sæuitiæ, uelut acer erat, scelerisq; relinquat  
Intactum , Borion Suggestu clamat ab alto.  
Huc animos Galilæi, oculosq; intendite ; uestrum  
Ductorem spectare graues de crimine pœnas  
Perfoluisse. manus has, atque has illius ulnas  
Accipite, hosq; pedes , gyro simul omnia raptans  
Spargit in astantum facies, atq; ora cruore  
Tinguit adorando. Ceruicem feruidus inde  
Præfigit conto, & super hæc sæuissimus addit .  
Abscissū hoc humeris caput hoc sine uiscere corpus  
Ite agite affixum truncis, insigne Tropheum  
Erigite . hanc memorem natis ostendite palmam  
Nos hæc, atque alia in reliquos exempla rebelles  
Edemus ; quos non Romana potentia terret.



PIERII VALERIANI  
 VRBIS PATRIAE  
 GENETHLIACON

**N**on quia ad ingratas cantarim sæpius aures ;  
 Neq; diu rerum Domini sub acerba retentum  
 Seruitia, in longos nulla mercede labores  
 Impulerint, nostro precium e sudore ferentes.  
 Et modo ( tanta lues irrepsit) siquid iniquæ  
 Sorti aberat Vatum. Musarum, & Apollinis hostis  
 A Morinis usque extremis in regna uocetur  
 Itala, Nequa bonis superet spes artibus olim.  
 Idcirco Hostily factum memorabile Flauī  
 Dissimulem, cæcōue premi sub carcere in umbris  
 Perpetiar Iuuenem egregium, præstantibus ausis  
 Insignem; patriæ primus qui moenia nostræ  
 Signauit, nomenq; dedit, quod nulla abolebit  
 Posteritas, si rite manent sua præmia fortes.  
 Vnde autē primum ingrediar? quid deinde secūdū  
 Expediam, quis erit postremi carminis ordo?  
 An memorem quotiens Carnorum e uallibus imis  
 Noricijs ue iugis, Rhetorum aut montibus imbres  
 Bellorum ingruerint, tempestasq; atra cateijs  
 Teutonicis, tonitruq; armata, & sulfure, campis  
 Perniciem meditata; nouam quo uerteret urbem  
 Cum strage irrueret, muroq; inuecta recenti  
 Diluuiο fossas, & nondum iacta repleret

Fundamenta lue foeda, illuueq; nefanda  
Tantum odij poterat uirtus aliena parare.  
Vt tu impendentis cernens discrimina damni  
Nil Contatus ad hæc iuuenum fortissime contra  
Teq; , tuosq; omnes pro libertate tuorum  
Pro patria , natis , uxoribus , igne Penatum  
Duxeris haud dubiam in mortem, molesq; ruentis  
Firmaris Pilo, longisq; hastilibus, undas  
Alpinas iuncto legionum umbone, sub ipsos  
Reppuleris , fontes, uallem tutatus amœnam  
Quantus eras, meminisse iuuat, cum bella cieres ;  
Oppositis ad difficilis certamina Martis  
Corporibus, caderentq; hostes, caderentq; tuorum  
Agmina, tu uallo nunquam, aut statione repulsus  
Obstares implens hostili sanguine fossas .  
Et quotiens motus alicuius præscius Alpes  
Prærepto ante loco tacitus superaris, & hostes  
Incautos , ipsis in castris tota tenentes  
Perq; niues, & aquas, & inaccessus conualles  
Aggressus stragem horribilem sub nocte silenti  
Edideris ; modo luce palam deieceris arces ,  
Arces in tumulis altas, cœloq; propinquas  
Perruptis uastis saxorum molibus imo  
Aequaris, prædamq; omnem, & captiua Brigantum  
Corpora militibus socijs donaris habenda .  
Sic uestem, et gemmas ; tuaq; agmina prodigus auro  
Barbarico ditaris. erunt hæc nota per æuum  
Haud ulli reticenda, & ut hostibus inde tremendus

Cæsariem uallis circumsurgentibus aptam  
 Offerres, tremereq; tuis de Laudibus omnes  
 Quid quod Eques totiens audaci Corde periculum  
 A patria, Castrisq; procul cum cede repulsum  
 Sustuleris, pacemq; tuis, atque otia terris  
 Incolumen dederis. Tu bello fortis, & acri  
 Præsentiq; animo, factisq; ingentibus auctus  
 Italiæ fines tutaris, & oppida Condidi  
 Tu campis titulos, Fluuiis tu nomina nostro  
 Imponis. Tu monstra domas. Tu Norica mactas  
 Prodigia, immanem funestis dentibus Aprum  
 Qui latos uastabat agros, qui Corpora leto  
 Mille uirum dederat. nostris qui uallibus unus  
 Horror erat, quos non manifesta in morte minaces  
 Teutonici, Cauçiq; feri, inuictiq; Sicambri  
 Terrebant, captâ uè semel statione mouebant,  
 Hos Fera fulmineis turbabat uiribus, arma  
 Se super iniiciens, ferro impenetrabile Tergus  
 Opponens, densa cuneo, ferrâ uè phalanges  
 Peruadebat, & uni omnis locus usq; patebat.  
 Omnis ager, nemus omne, iuga oïa. Robur in armis  
 Tale: & tanta feris inerat uiolentia fannis  
 Hic tamen unius letali concidit ictu  
 Hostilij. & uires maioris fulminis olim  
 Expertus non ore tonat, non dente Coruscat,  
 Non flatu inflammat Segetes, non dura ualentum  
 Membra canûq; uirûq; & equorû uulnere adactis  
 Discerpit, spargit uè ferox. Sed uasta rubenti

Terga uolutat humi pilo confossus amaro  
 Exanimusq; iacet uno penetrabilis ictu  
 Te Flauī Comites leto clamore salutant,  
 In cælumq; ferunt, Laudesq; , & Carmina dicunt,  
 Hostilyq; secant truncis & marmore nomen.  
 Quos autem tibi dat titulos Sertorius armis  
 Inclutus, insignis pietate, bonæ unus amator  
 Indolis. Ille tuis precium uirtutibus addens  
 Te clypeis ornat, & hasta, & torquibus aureis,  
 Mox alio Dux magnanimus te munere dignum  
 Iam Genti, laribusq; suis adscripserat. Idem  
 Te donarat equo, te Laurentalibus aris  
 Laudarat, ualidisq; uiris æquarat honore.  
 Et nunc flauiolum de te cognomine campum  
 Dicit, datq; tuo nomen de nomine Anaxo.  
 At legio Volscorum omnis, Latia omnis, ut unum  
 Pestifera ultorem cladis conspexerat, unum  
 Esse uirum uoluit, qui de uirtute recentem  
 Urbem appellaret. Sic VIR, sic VNVS in omen  
 Cessit, & unanimi dixerunt Voce VIR VNVM  
 Posteritas quam mox Bellunum dixit amœnam.  
 At nos ingrati Ciues tua busta sub alta  
 Condita humo putere diu, cæcâq; sinamus  
 Nocte premi, sine laude rogi, sine honore sepulchri  
 Teq; parentem urbis, te nostri sanguinis altum  
 Auctorem, tantis benegeſtis rebus, abire  
 Indecorem patiamur? & haud dubitanda proſeſſi  
 Demum illaudatum, ignotumq; iacere ſeramus?



Non ita, sed quoniam tua tandem cognita Virtus  
 Tempore post longo potuit superare proteruam  
 Fortune inuidiam; esq; tuæ iam redditus urbi,  
 Non eris in cæcis latebris, humiliue recessu;  
 Verum humeris Procerum mediam tolleris in urbē,  
 Conspicuoq; loco celsus statuere, columnis  
 Quattuor erectus, structo de marmore cippo;  
 Feliciq; urbem saluere in secula dices  
 Omne; cumq; tua Bellunum laude uigebit.  
 Non humilis, siue hanc ueteri cognomine gentes,  
 Siue nouo appellare uolent, tibi semper honores  
 Lætâ cohors iuuenum, & florenti ætate Puellæ  
 Institutæ, circa tumulum tibi munera ponent;  
 Nempe ubi se uiciam scelerati frigoris acrem  
 Februus incipiet flatu emollire Fauonij;  
 Orgiaq; letiq; Chori pro numine Bacchi  
 Antiquo de more aderunt; neque Tibia cantum  
 Festa suum inuideat, neque uir, neq; fœmina uultū  
 Vlla suum ostentat; sed uelent ora cauatis  
 Corticibus, sumatq; uirilem fœmina uestem,  
 Et Vir fœminea incedat per compita palla  
 Plebsq; omnis saliat unctos insana per utres.  
 Hij lætas ducent choreas; neq; classica, & arma  
 Cessabunt, hastæq; tuo certamine in ædes  
 Adliscæ, admissio de quadrupedante, uetusto  
 Ritu; ubi nulla, ioco Sessoris, ephippia; nullum  
 Sustinetet plantas uinclum, sed sola sub armos  
 Genua iuuent. Honos iste tuus, tibi lecta iuuentus

Infidens in equis soluet sic iusta quotannis  
Ad tumulum, & monumenta tuo de nomine dicta.  
Hoc autem insigni, laxabunt pectora ludo.  
Præstantes uirtute Viri. Nanq; ordine ducto,  
Augustæ quacunque domus sese angulus, ample  
Obtulerit plateæ, pilasq; obiecerit. Illi  
Hastam insertabunt, & equo rapiente ferentur  
In murum, piceasq; trabes in frusta fragoso  
Cũ sonitu imminuent. Fauor hinc, plaususq; Theatri  
Non aberit, pannusq; albus, quem Victor adoptet,  
Ast alij excussi dorso, nixuq; repulsi  
Inq; sinum immundum reuoluti Cuncta sedentum  
Pectora concutiant risu; & clamoribus altis  
Tota Theatra sonent; donec fortissimus unus  
Pluribus effractis ualido luctamine contis  
Insignem moueat palmam, & tua pægmata circum  
Quæ surgent ramis ornata Virentibus; atq;  
Effuso large uinoq; & lacte natabunt,  
Lætus equos agitet, tibi figat præmia lætus.



PIERIL VALERIANI BOLZANII  
BELLVNENSIS

ODARVM LIBER

Ad Leonem. X. De Naui Esculapij in insula Tyberina paulo ante exerta, q̄ ipse Card. olim,  
a Nauicula, Pont. Max. efficeretur.

**I**LLA ergo nuper reddita lumini.  
Longa Esculapij Nauis, in insula  
Quam uorticofus turbulenta  
Mordet aqua Tyberinus amnis.  
Quæ fato in alta delituit diu  
Oppressa harena, & sentibus obsita  
Nulli aduenarum per tot annos  
Nota, neque indigenis Quiritum.  
Visa illa quondam Sarronico e sinu  
Appulsa; Romæ quàm ueheret sacrum  
Anguem laboranti salutem,  
Gaudiaq; , & requiem daturum.  
Quæ firma nostra in ripa ubi constitit  
Plaudente Roma, & Remige per foros  
Lasciuiente, atram repente  
Illa luem, illa famem hinc fugauit.  
Mox quanta ponto porgier in latus  
Proramq; puppimq; est solita, hic diu  
Mansura, consensu Deorum  
In lapidem obriguit sacratum

Dum Roma summam rerum habuit potens,  
Dumque Imperator iura dabat probus  
Aequata cunctis, in uerendo  
Cultu habita, & celebrata Nauis.

Postquam furore & Ciuium, & hostium  
In longa adaucto secula, funditus  
Euersa Roma est, Et Triremis  
Obruta in his latuit ruinis.

Effossa at imo non temere est solo  
Nunc demum, & undis eminet ardua  
Spondens salutem rebus æui  
Pestiferis operosiore.

Præsentem nam qui numine Pontifex  
Electus, ima in Tartara dat scelus  
Bellorum, & accersitam olympo  
Huc placidam iubet ire pacem.

Hanc illa quondam Nauicula in iugis  
Suspensa Romæ fatidico omne  
Rectore Iano olim affuturam  
Pollicita est miseris quietem.

Quæ uel per omnis æquoris impetus  
Iactata, nunquam uicta laboribus  
Emersit, en felix subit nunc  
Hostia tuta tenetq; portum.

Nec uiperini terga uoluminis  
Nugasq; , uerum sed Medicum tibi  
Exponit aduectum, petitamq;  
Vrbibus, & populis salutem

Qui signa passim tollere uulnerum  
 Et fronti inustas appropere notas  
 Quæ decolorauere pulchram  
 Italiæ faciem uenustæ,  
 Iam criminosis Principibus modus,  
 Tamq; obstinatis seditionibus  
 Ponenda finis, Mens Leonis  
 Sanguineum prohibere bellum.  
 Seu Gallia omnis, siue Britannia  
 Tota, inquietus seu strepit Adria  
 Fluctus ue Iberus, seu superbit  
 Sarmatiæ imperiosus æstus.  
 Exurge Virtus inclyta, & o pij  
 Proдите mores, uos Leo, uos fauor,  
 Quem mente tota olim petistis  
 Euocat, & precium laboris  
 In circo honesti ponit, ut omnium  
 Mens excitetur; nemoq; inaniter  
 Sudabit hic, utcumque fessus  
 Iamq; animet sua quemque Virtus  
 At litterarum o præsidium, o Virum  
 Decus bonorum, si tibi maxima  
 Rerum potestas, siq; habenas  
 Suppositi moderaris orbis.  
 Si mille iam sunt nomina, milleq;  
 Artes iuuandi, Viue Pater diu.  
 Hoc nos precari ex corde quimus;  
 Tu facere, & superare uota.

D. PETRI VINCVLA.

Barbiton iam iam properate castæ  
Virgines, lecti pueri, & ministri,  
Sacra qui puris manibus ferentes  
Thura adoletis.

Impetus Petrum est canere obligatum  
Vinculis, & mox hodie catenis  
Liberum lapsis, nihil arbitrantem  
Tale parari.

Perq; custodes medios euntem  
Prævio cœli Genio, qui amictus  
Igne candentes humeros micabat  
Lumine multo.

Donec in tutos graderetur agros  
Seq; non falso laqueis solutum  
Cerneret, præsens sibi conscius iam  
Numen adesse.

Mane uulgatur facinus per urbem  
Carcerum nullis patefacta claustra  
Clauibus, ductu superiorum Iona  
Euadere natum.

Hæsit Herodes stupefactus, omnes  
Perditi hæserunt Solymi, scelus qui  
Ne faterentur rigido obstruebant  
Pectora saxo.

At tu inoffensus socios reuifis  
Et Deo laudes cavitis potenti;  
Nulla qui mitis refugit piorum

Vota precantum.

Ergo si lucem niueo hanc lapillo  
Rite signamus tibi gratulati,  
Ad tui nostros referas uocatus  
Numinis aures.

Mensis Augusti siquidem Calendis  
Te pater Cœli celebramus adsis  
Temperaq; auras, oneraq; læta  
Fruge canistros.

AD LEONEM. X. de Portento pueri  
ab alterius umbilico  
pendentis.

Naturam, & orbis ordinem immutabilem

Nil frustra, & incassum facere apertum satis,  
Perfecta quæ sunt opera miramur nihil,  
Nulliq; eorundem usus est incognitus;  
Sed quæ uidentur incohata inaniter  
Potenta sunt, & abditas rerum uices  
Vt exerañt sunt usui mortalibus.

Nunc monstra Romæ cernimus, quæ Celtiber  
Nutriuit, orta in Gallico tamen solo.

Pueri puellum ex umbilico scilicet

Pendentem, adactō capite per communia

Viscera, neque huius tangere est usquam caput.

Humeri, & lacerti exilitate inutiles

Adeo usque sunt breues, & instar pollicis

Exosiss; effœtiq; flacci, & languidi

Crura ustulata, poplitesq; caumate



Iam siderati, iamq; ad usum habiles minus.  
Non hæc fuerunt irritò euentu LEO  
Ostenta uisa, sed tuum certe decus  
Cælo extulere, nanq; Concilium alterum  
In Gallijs ortum, alitum ab Hispano uiro  
Sine capite esse, sine manu, & firmo gradu  
Debere Laterano inseri, & inolescere  
Ostaua nuper Sessio palam tulit  
Hoc est Leonem inducere, hoc est Herculem  
Referre, monstra qui subegit omnia.

DIANA Venatorem ignauiter fa-  
cientem ornatu spoliat, con-  
sortioq; abdicat.

Venator ille, quem uidetis, Naides;

Cui nomen a re ipsa inditum,

Illum uerèdo candido uestum; nigris

Sago, & cucullo nobilem.

Olim superbum, & magna semper omnia

De cane loquentem, & de feris;

Sagacis ut se gloriosus efferat

Venationis principem.

Seu per Sabina plurimam canem Iuga

Seu Latia in arua traxerit

Seu rara tendat retia alti, & frigidi

Valle in reducta Tyburis.

Seu per Faliscos illa, & Hethruscos agros

Siluasq; Veientum horridas

Educat, atque argentei cornu sono

Camposq; , montesq; impleat  
 Seu currat omnem planiciem eques , seu terat  
 Labriosum iter pedes ,  
 Iam comparatum nuper amisit decus  
 Inustus ære ignauia ;  
 Vicinior quippe qui Ceruum modo  
 Præteruolantem uiderit ,  
 Nec ausus obuiam impotens mentis canem  
 Qualem adeo amauit soluere ;  
 Atque hoc Leone , proh nefas , mundi Duce  
 Coram intuente fecerit .  
 Cui quicquid istis Vallibus latet , libens  
 Prædam ferinæ obieceram .  
 Cui terra , & omnes obsequi gaudent Poli  
 Tanta illius sublimitas ,  
 At me meorum dispudet , Demum & Deis  
 Nil undecunque commundum est ;  
 Quin ut sit alijs ille Venatoribus  
 Terrori , & exemplo uelim  
 Ne qua hic timori detur , aut socordia ,  
 Aut turpi inertia locus .  
 Ite ite celeres , abdicatæ desidem  
 Siluisq; & agris pellite .  
 Quin ipsamet Diana iam manu mea  
 Aragonio , & Cornelio ,  
 Et Sanseuerinate , & Hippolyto meo ;  
 Quorum hic magistrum se autumat ,  
 Huc aduocatis arbitris , nequissimo .

Insigne uenatorium.

Et cornu ab humeris, & recuruam de manu

Virgam adimo, tollo Copulam.

Exuo cucullum, cingula, & calcaria

Resoluo, peramq; . age tibi

Feris, equisq; & canibus interdicimus

Mula hinc uehare inglorius.

Caueq; posthac otiosus aggredi

Ceruosq;, aprosq;, & histrices;

Formidolosos ne insequi quidem greges

Lepusculum, aut Cuniculum

Disinctus immo, nil uirile ut appetis

Pete Syxtij Pontis Lupas.

#### D. PETRICATHE DRA

At surge tandem, surge age . nam satis

Superq; Natis Antiochi datum.

Hinc Christianum extare nomen,

Sancte senex Galilæe Simon.

Quid hic moraris? quid teris otia

Te iam Seleuci Regia non capit

Non Laodiceæ feraces

Aut Asiæ, Syriæue Campi

Maiora iam te tam celebrem uocant

Momenta rerum, te Capitolium

Arcesq; septem, te uniuersus

Orbis ad imperium requirunt

Cui nosse Cœli numina corpori

Inserta nostro est ante alios datum;

Arcana qui Diuum expedita  
 Voce, palam, intrepide reuelas.  
 Qui nulli amando cedis; & impiger  
 Deuota morti pectora libera  
 Offerre, tortorem cruentum  
 Pro Domino impavidus subire.  
 Ergo hic docebis quæ uia, qui tenor  
 Vitæ supremos euehat ad Deos,  
 Mortale nil cognosse, amare  
 Quæ superi docuere tantum.

Insanientem sic sapientiam  
 Demolieris, & scelera, & dolos:  
 Morumq; , uirtutisq; ueræ  
 Perpetuam hic statues Cathedram  
 Nos hanc Sabæis undiq; odoribus  
 Fusam quotannis deuenerabimur  
 Ad templa Vaticana. Romæ  
 Quæ pietas tibi dedicauit.

At tu, tuis pro supplicibus, Deum  
 Cui semper astas assiduus comes  
 Pacem, salubremq; Acrem ora  
 Auspicijs ineuntis Anni.

Ne uerberentur grandine Vineæ  
 Ne mentiatur fundus inaniter  
 Cultus, nec arua, agrosue iniqua  
 Sidera torruerint faueto.

IN IMPROBVM QVEN  
 dam Imprecatio.

**M A L O** recedit fidere hinc Vanesius  
 Mundi odium ob insolentiam.  
 Quo nemo uiuit impudentior, neque  
 Quisquam hac molestior die,  
 Qui non minori litteratos, & probos  
 Insequitur odio, qua potest,  
 Quan uel Seuerus, uel inamabilis Nero  
 Sunt infecuti olim pios.  
 Quare si honesta uota, si iustæ preces  
 Vsquam audiuntur o Dei  
 Aut de Veredo corruat, sed limitem  
 Vix dum progressus alterum;  
 Ut capite colliso, utq; fracto gutture  
 Flet cum medulla spiritum;  
 Aut hoc uel illo suffocetur flumine,  
 Nec felle rupto emerferit;  
 Ne nomen illud monstri abominabilis  
 Vsquam audiatur amplius . . .  
 Vel si, o Deorum quisquis es iustissimus  
 Hunc destinasti perdere,  
 Sed foediore, quàm precamur exitu;  
 Quo nullum atrocius putet.  
 Ad oram, ad urbem, nationem ue applicet,  
 Vbi locus detur Probis.  
**A D P H I.** Beroaldum Iuniorem, ut Am-  
 ciciam ineat cum Io. Fran. Roboreo,  
 Pontificio Arcis Aeliæ  
 Præfecto.

**AT PRODI** e caueis Philippe prodi.

Formica latebrosior fugaci,

Formica macilentior pusilla,

Formica improbiorg; auariorq; ,

Qui nempe unus ab omnibus uocatus

Quidquid Roma habeat boni, probiq;

Id totum tibi uis, & aucuparis.

**Sed** nil haftenus esse te affecutum

Prorsus credideris; nisi Hadriani

Quid in Mole sit optimum requiras.

Nummos Iulij, & aurea illa uasa,

Atque argentea, mittimus, faceffant;

Argento tamen aureisq; mensis,

Quas Mentor poliisset inuidendis,

Quod ducas preciosius. Quid? inquis.

**Poscit** te pater Elegantiarum,

Et risus pater, & pater Leporum

Antistes meus, optimus sacerdos,

Princeps optimus optime eruditus.

Et hunc negligis, & fugis miselle,

**Sed** nil proficies; fuge huc, & illuc.

Tanquam sepia falle & hunc, & illum,

In cryptis lateas Sebastianis,

Aut in fornicibus sub urbe cæcis,

In casses tamen incides paratas.

**Quaqua**, & undique namq;, & hic, & illic

Instat Pierius, pedumq; signa

Seruat cuncta, oculatus; atque odorem

32  
Sectatur canis optimus, trahet te;  
Traxit qui similes tui, Camillum,  
Et Phœdrum, & Petrosanctium, & Capellam;  
Quin Bembum, & Sadoletum: age ergo prodi.  
Ne, quem dicimus, & fatemur omnes  
Tam falsum, lepidumq; & elegantem,  
Tanquam debitor execratus, alto  
Portæ in limine pendeas, lituris  
Vncialibus omnibus legendus  
Pro insulso, illepido, atque inelegante.

RESPONSVM Ex Phi. Beroaldi Iunioris  
editis Poematibus.

Ad Ioannem Franciscum Roborem  
Taurini Præsulem.

Non quod diuitiis large opulentus es;  
Patrum & progenies nobilium inclyta.  
Non quod Pontificum tot  
Nunc Franciscæ Vigēs genus,  
Non quod lege regas tot Ligures, Pado  
Nascenti imperites, quod tibi Iulius  
Thesauros Ligur, atque  
Arcem credidit Aeliam,  
Non quod magnificis quotidie hos, & hos  
Canis accipias, quodq; putes tua  
Tam communia amicis,  
Vt des in medium omnia,  
Idcirco uenerer te, aut minimum colam,  
Nam communia cum Pluribus hæc scio,



Sed quod tu probus, & quod  
 Veræ gloriæ amas decus,  
 Sed quod Pierium suscipias tibi  
 Tam fidum comitem, doctum, & amabilem,  
 Quo pergas socio altum  
 Cyrrhæ ascendere Verticem,  
 Quo uix inuenias, siqua bonis fides,  
 Quæquam candidiorem, aut magis integrum  
 Nostro de grege, amantem  
 Doctos, inuidiæ inscium,  
 Felix ergo tuis, atque Patrum bonis,  
 Felix Pierio, & Pieridum choro,  
 Felix denique, quod scis,  
 Quod uis uiuere, quod potes.

AD NERINEM.

In nunc pende graues tuæ  
 Pœnas perfidiæ siquid habes probi;  
 Nam præconia quæ tibi  
 Finxi, sunt Venetæ facta Lncretilis  
 Deinceps ut merita es, notis  
 Frontem conspicias urier his tuam.  
 O, nec Candida, nec proba  
 Nerine, stygia ripa odiosior  
 Nil tecum fuerit mihi  
 Nerine instabilis, fœda, leuis, procax.  
 Quid si pœniteat doli?  
 Quid si te uiolam melq; uocem meum?  
 Quid si depositum duos

Obsignem hos oculos ; his nisi plus te amem.  
Tunc mi candida , mi Proba  
Nerine , mi oculis carior o meis .  
Tum tecum omnia sint mihi  
Nerine stabilis pulchra , grauis , pudens .

AMORI NVNTIVM Remittit.

Dure Amor tandem ualeas , ualemus  
Nos quoque , & firmis animum manipulis  
Sepsimus , ne nos ualeant Phalanges  
Ledere amorum .

Non ocellorum uolucres sagittæ ,  
Quæ per incautos tacitæ meatus  
Sæpe inhærebant , media in uenenum  
Corda trahentes

Non Coruscæ ue impetuosa lingue  
Fulgura , aut longe uehemens procella ,  
Quæ prius mentem afficiens tonabat  
Fulminis instar .

Tela sint posthac penitus retusa ,  
Irrita in uentos abiit procella ;  
Auribus frustra strepitum ciebunt  
Fulgura surdis .

Vicinus fraudem , insidias , dolosq;  
Vicinus , lætum statuam tropheum ,  
Omne quod seruet monumenta liber-  
tatis in æuum .

AD PETR. Melinum dissuadentem Ian-  
thin ulterius uersibus celebrari .

QVID me flebilibus Petre uetas modis

Seuæ duriciem frangere Ianthidos ;

Quæ uersus, numerosq;

Omnes Pieridum oderit .

At quantum potuit nominis assequi

O terra , o Mare , quis nam dedit , aut daret ,

Ni chartis operosis

Aeternet meus hanc labor .

Quæ Vatum fuerat tota medullitus

Iam nunc neminem amat, iamq; inopes potens

Aspernatur amicos ,

Et dudum esse alia Occipit .

Ad surdas igitur ne modular mones

Aures, ne hanc numeris, ne opstrepero sonc

Obtundam, siquidem omne

Demum est hoc studium irritum .

Absistant, animo qui fragili cadunt,

Qui nunquam proprijs uiribus emicant .

At me quo ~~magis~~ terre

Incendis magis ac magis .

Cantabo mihi nunc ; Nam genitam canunt

Cum Musis lepidam lætitiā, & iocos ,

Curarumq; leuamen ,

Atque obliuia Tristium .

Sit mutata uices illa , sit impia,

Sit , quod iam fieri posse putem, Deum

Contemptrix, & iniqua

Cantus mente frāt meos ,

At Musæ mi aderunt, at miserebitur  
 Phœbus; suppliciter quem ueneror pius  
 Qui uires animumq;  
 Det Vati facilis suo  
 Phœbe o, quo e superis clarius est nihil  
 Et quo nil melius, nil magis utile  
 Humano generi, atque  
 Dijs ipsis dare Iuppiter  
 Testatus. puerum sustulit ut suæ  
 De Matris gremio fulgidulum comas,  
 Et fronte igniuoma, ore  
 Et uultu roseo inclytum;  
 Si te unum colimus, si tibi quidquid est  
 Nobis ingenij dedimus, & meæ  
 Semper principium abs te,  
 Abs te finis erit Lyrae,  
 Totum oro insinues te mihi, & incites  
 Vires, atque animum; Nil ueritus tuo  
 Fretus numine ut illam  
 Vliscar miseris modis.  
 O si me aspicias Phœbe decus Deum  
 Quanta illa inuidia pectore ab intimo,  
 Extremo tenus ungui,  
 Rumpetur miserabilis.

#### GALLIAMBICVM.

Nimis o nimis morata mea dulcis animula  
 Iuga per uagaris alta locaq; horrida nemorum  
 Vbi tristium ferarum commertia rigida

Quod ames, probes ue amœnũ Placidum ue nihil habēt;  
 Vbi Vultures, lupiq; , aut Vlulæ nemoriuagæ  
 Stridoribus malignis tibi lugubre, maleq;  
 Minitentur, & tremorem mea uita tibi ferant,  
 Quam me quietiorem facile esse cupierim  
 Tibi si omnia auspicato fieri precor, & bene  
 Succedere id quod optas prece sollicito Deos.  
 Sed age ista saxa, tamq; inamœna fuge loca  
 Et amabilem tuorum sedem repetere ama  
 Vbi Cypris & uoluptas, iocus, & lepidus Amor  
 Hilarant, beantq; amāntes, ubi laticia uiget  
 Abit ægritudo, & omnis fit mœsticia procul.  
 Sapienter ergo pergas bene consulere tibi.

H A D R I A N O Pont. Max. designato.

Cum fluctuaret Cymba, quæ magnos Deos,  
 Romæ Penates quæ uehit  
 Leone adempto, prouidum, uigilem, parem  
 Optabat infelix ducem,  
 Dum tota is ora quæritur Ligustica  
 Totoq; Tyrrheno mari  
 Per Adriatici omne littus, per Padi  
 Ripas, Lemani per iuga.  
 Per Celtiberos, Gaditanos, Gallici  
 Vastos per Oceani sinus,  
 Quaq; æstuosum Sarmatas lambit Salum  
 Qua circuit Britannias  
 Repente nobis hunc dedit uecors furor  
 Regione Rheni ab ultima,

Nil tale Patribus facere se putantibus ,  
Nihil minus uolentibus  
Quam quem eligeant, nil minus poscentibus,  
Quam quem uocabant , o mare ,  
O terra , uotis Hadrianus omnium  
Fit Potifex , sed omnibus  
Quis credat ? inuitis . Deum uis hæc Deum  
Deum abditum hoc arbitrium est .  
Ut , qui natantis dispuunt regnum trabis,  
Parcere discant Viperæ .  
Ut inuicem qui se oderant Patres , ducem  
Inuisum haberent omnibus .  
Malarum ut esset seuus ultor mentium ,  
Acri ipse mente in singulos  
At dira quando Principum impotentia  
Discet uereri , quas ferunt  
Leges , ut olim sit locus aliquis probis  
Castis , honestis moribus ;  
Sit aliquis , o Mortalibus demum pudor  
Mens aliqua sit , pectus aliquod  
Ut eluantur scelera , foedæ ut seculi  
Tollantur infecti notæ ,  
Ne cuncta uis , fraus , & superbia , & furor  
Incessat , euertat , ruat .  
FRIDERICO Fulgoso Eugubij  
Pontifice Graui morbo laborante  
Ad D. Hieronymum hymnus .  
Quis te non celebret grande decus poli

Linguarum & Columen docte Hieronymes;  
 Et quot tu meritis inclytus ad Deos  
 Euectus niteas pater.

Si tantum efficias uiribus ingenij  
 Nil mortale loquens, nilq; humile appetens  
 Si fulget probitas, & pietas tua  
 Cœlo ardentior aureo.

Ergo magne Senex te procul o procul  
 Secretum populo e cœlitibus canam  
 Insignem monitis, eloquio grauem,  
 Vitæ exemplar amabile

Tu iusti, & solidi propositi tenax  
 Spreto Romulæ delicijs togæ  
 Risus, illecebras, molliciem, & locos  
 Auerfariis, & abijcis.

Qua uallis nemorum in parte reductior  
 Totum te tibi habes, o, ter, & amplius  
 Felix, o docilis pauperiem, & famem  
 Dura incommoda perpeti.

Qui te compositis rite uolet modis  
 Efferre, is meritum deterat & decus;  
 Nostra accepta tamen sit pietas, libens  
 Quæ quantum poterit dabit.

Verum o supplicibus te rogo uocibus  
 Fulgosum aspicias pontificem, tua  
 Per uestigia iter qui terit arduum  
 Ad doctrinæ apicem optimæ  
 Non ille ætherei nominis inscius



Non ignarus Idumeæ, & Atticæ  
Linguae, non, quæ hominē quenquam deceant, rudis,  
Nec quid publica res uelit.

Hunc tu Diue tibi per similem, obsecro  
Commenda ore potens Cœlicolum patri,  
Vt Virtute sua, moribus ut suis  
Hic nos instituat diu

THO. DIDYMI Miliarij In Soricem  
qui libellos Pierij, pro Sacerdotum  
barbis, corroserat.

Nec te progenuit de grege compari  
Effossis Calabrum Mus pater horreis  
Securus recubans, denteq; peruoio.

Audax omne aperire iter,  
Admouit tibi nec, fœtibus inclyta  
Tercentum genitrix hubera, fallere  
Edocta insidias perceleri fuga.

Atque unguis uigilis Cati  
Longus te tumultis sed graue olentibus  
Produxit situs, aut imbris humida  
Tellus continuū extulit omine  
Infausto rabiose Mus.

Vnde istæc tibi, fare, irreuerentia  
Vnde istæc tibi? qui tam miseris modis  
Libros tam nitidos improbe roderes  
Barbas Pierij mei.

An non te puduit pessime gentium  
Et crimen Soricum perdere frustulis

Chartas

Chartas, millibus attenta hominum magis  
Aure aptas relegi, ac teri.

Nunquam gramineis tempora flosculis  
Cinges, si titulis quærere talibus  
Immortale putas nomen, Achaica  
Dignum, atque Ausonia Chely  
Vatum carminibus plectri potentium  
Intactus, tenebris perpetuis miser  
Conderis potius, ni laquei, aut cruces  
Vultur'ue excipiant prius.

Quod si spes alijs uiuere Fastibus,  
Si Germanicus, aut si Capitolij  
Seruator, Patriæ si pater, aureis  
Olim nominibus, cani,  
Oecolampadij scripta teras mali  
Impurumq; Melanchithona pete ocyus  
Quid stas curre, neca, sterne, rue, attere,  
Lutherrum rape vinctum

Monstrumq; hoc genus omne, impetuosius  
Caluos Aeditumos, urbis & insulas  
Ausum scindere. Tu mox cape Lauream,  
Currus, & niueos equos.

AD EVNDEM Tho. Didymum

Miliarium Pierij responsum.

IMMO illi bona Dij prurima Musculo  
Large contribuant, pingua Casei  
Pernarumq; Nucunq; horrea, Suminis  
Nunquam Exhaustam opulentiam,

Et quidquid libitum abrodere, nec seræ  
Clauesq; , obstiterint, fulmine Iuppiter  
Omnes discutiat decipulas , Catos  
Perdens omne genus , malos .

Vt nullo expositas ille dapes metu  
Possit læto animo carpere, perfrui :  
Ac si marmoreis, æræq; fulgidis  
Templis Niliacæ Isidos

Cultus cum Crocodilo, & Boue lugubri  
Et cum Cercopitheco , & cane , dulcibus  
Instructis dapibus Linigero a choro  
Nutriretur uti Deus.

Qui dum Thespiadum perfodit horrea  
Libros, inter iens, inter Apollinis  
Instrumentum, adytis inuidiosius  
Abstrusum in penetralibus

Ignotum populo protinus aureum  
Thesaurum, & opes Pindaricæ melus  
Reclusit, calathis usque patentibus  
Sparsas diuite copia.

Nam dum nescio quid dente famelico  
Nugarum tereret, tum Querimonia  
Cygni instar sonuit de Miliarij  
Musæo Didymi edita;

Qua nil dulcius, aut suauius auribus  
Olim, has usque dies insonuit meis  
Das tu hoc Muscule , Tu muneris auctor  
Tam cari , tibi Gratias

Debebo immorituras, tibi funditur  
 Aes, aurumq; superducitur, ut Dei  
 Grato Pieridum munere Sminthei  
 Aeternum foueas pedes.

SODALIVM Conuictus Die  
 Bacchanalium.

QVID si per omnes bella Britannias  
 Germaniamq;, & mœnia Celtica  
 Desœuiunt, Mauorsq; totam  
 Italiam Opprimere usque pergit?  
 Si mœstum in omni Colloquium foro  
 Vias per omnes, perq; domos ciet  
 Lamenta, Re de publica urbis,  
 Deq; sua pariter Gementum.

Si destituta heu Roma dolet Ducem  
 Nullum esse, turpi dissidio Patrum.  
 At cuncta labantur, profanis  
 Mista sacra, omnia misceantur.

Quid nos agemus mœstitiæ Cohors  
 Auerſa? Musis dedita, Apollini  
 Iurata, pacem iussa amare.  
 Lætitiâ, & citharas iocosq;.

Mœroris ut quis strauit iter sibi  
 Iam tum agminatim incommoda confluunt  
 Et uis inaccessita læti  
 Prætrepidat, seniumq; præcox.

An Nos moremur uiuere; Principes  
 Quod se ultro perdunt cladibus, i puer

Accerſe iucundos Sodales  
 Ex platea Parionis alta.  
 Colotium, Granam, Petroſanctium,  
 Et Lelium, Maſſæumq; , & amabilem  
 Inſaniam Curſi, facetum  
 Palladium, & Vigilem ſeuerum.  
 Siqui ſuper cenæ, ueniant, Boni  
 Dum ſint, Bonorum cuncta putent ſua.  
 Stent Valuæ apertæ, nec repulſam  
 Si probus eſt, uereatur irus.  
 Stat unum in anno luſu hilarem diem  
 A Phosphoro producere ad Heſperum;  
 Inſaniendum hac luce tota.  
 Lyda focum, atque penum apparato.  
 Nec uina noſtris prome tamen cadis  
 Verum hiſce multo quid generoſius  
 Queramus. ardent ſiqua lato  
 Coricij, aut Saliceti in auro.  
 Siquam ſeorſum Podætharus ſuis  
 Parcit Poetis Liuius amphoram  
 Quam non reſignatam reliquit  
 Incolumem Archipoëta Quernus  
 Hæc afferantur, mox bibulæ, & tuis  
 Aptæ puellæ moribus, Aelia  
 Baccinaq; , & Laïs Vocentur  
 Ad Citharam ut ſaliant, canantq; ,  
 Sat per dies ſex, atque quater decem  
 Viuam ſeuerus, ſobrius, & probus

Nam indixit obseruanda cras Ie-  
iunia Pastophorus Capella.

At iam Corollæ, & grata licentia;

Iam uina risus languida concitent

Iam mœsta Corde auulsa cedat

Cura, metus, dolor, & querelæ.

Lites, & iras posthabeat Vigil,

Quotque ad Leonem millia Contulit

Colotius, iam Grana amores

Posthabuit sibi restitutus.

Iniuriarum Palladius nihil

Quidquam recordatur; Petrosanctius,

Et Cursius rident crumenam

Deficere, atque penum imminutam.

Iam nil Podagræ Lælius est memor,

Maffæi, ut absint cætera, alacritas

Absterget unamquãq; labem

Mœsti animi, aut queruli. At bibamus.

An non putemus Pontificem nouum

Tristem senectam, & sollicitudines

Hispaniarum tam molestas

Ammineo Exhilarare multo

Quantum inuidetur Cantibus, & iocis,

Tantum imputato deperit e die

Nostrum est, Dei ultro quod dederunt

Perdere, si libet, aut fruisi.

IN DIVI PETRI

Martyrium.

TANDEM, sollicita quod prece poscere  
Assuetus fueras, gratus adest dies  
Pro Christi liceat nomine ut Emori  
Quibusuis cruciatibus.

Quem non proposita in morte, ferocia  
Regum terruerint uerba minacium;  
Quamuis Discipuli Commoneant pij  
Declinare periculum.

Sauit uipereo Corde ferus Nero  
Virtutum hostis atrox, hostis atrox Dei,  
Et uel uincla parat, uel gladios truces  
Aut ignominiam Crucis

Tu cletum, atque Linum moribus instruis  
Diuinis, obeant munia, onus ferant,  
Sacrorumq; uices ordine, quem tibi  
Diuum constituit pater.

Clementemq; itidem Pontificem creas  
Qui pro te populum absoluat, & obliget  
Qui pro supplicibus gentibus hostiam  
Laudis, sacra, preces ferat.

Mox quod supplicij quæsieras genus  
Affixus crucibus uertice ad infera  
Summisso, pedibus sidera ad aurea  
Elatis, moreris libens.

Sed quorsum Pater hæc, tali animo, & fide  
Tanta pertuleris, si genus impium  
Diuina imperium uoce datum tibi,  
Qua qua est terra habitabilis,



**Tam** fœde inficiantur, Capitolium

Intra te cohibent, in reliquos Patri  
Ius nullum esse. Sibi autem licita omnia,  
Cera ut Cerite liberis.

**Si** mysteria Libi, atque Meri, pijs  
Consecrata labris, pignora numinis  
Aeterni abstulerunt, hem scelus, & negant.  
Verum inducier in Deum.

**Si** uitam scelus est ducere Cælibem,  
Et siqui egregio proposito probi  
Duram prætulerint pauperiem bonis  
Aut Cræsi, aut Alyattici.

**Contenti** in tenui ueste cupidinem  
Contraxisse, procul luxu, & amabili  
Conuictu genitorum, atque Sodalium,  
Stultos inter habent locum.

**Non** ieiunia, non parcere crapulae  
Non fraudare cibis luxuriantibus  
Vitam; Nequitia quippe licentiam  
Frenare, esse putant pium.

**Virgo** sepositis in penetralibus  
Se siqua abdiderat, uincla iugalia  
Auerfata, Deo dedita, pectore  
Sincero, atque animi integra

**Difra**ctis adytis in medium hanc forum  
Abductam expoliant, uelaq; detrahunt  
Sacrata; & thalamos, flammeaq; , & faces  
Inestas adigunt sequi.

Siquem pro meritis Concilio Deum  
Et stellis pietas prisca, uel inclyta  
Virtutis precium, gloria'ue intulit  
Aspernantur, & expuunt.

Non ullum tibi, non Paulo etiam decus  
Decerni, aut alijs Martyribus sinunt,  
Vel dici Aonio carmine quempiam,  
Festus'ue institui dies.

Non patrocinijs horum adhibent fidem  
Sacra oblata, preces, uotaq; pernegant  
His concepta, bonos ducere ad exitus.  
Nullum hinc praesidium p'ys.

An his deterius quidquam & atrocius  
Fecere indomiti Regnum animi, furens  
Cum Dementia, tanti sibi numinis  
Cultum euertere sinxerat.

At qui haec tincta sacro flumine gens quidem  
Et Christum ore fatetur, sed opus tamen  
Omnes Daemonij pessimi amant, nefas  
Detestabile, & horridum.

Hac indigna precor respicias pater  
Atq; his pone modum seditionibus  
Illis uel redeat mens bona, uel lare  
Sit nostro procul hac Lues.

Nos festa memores fronde domum sacram  
Delubrumq; tuum, quantus erit dies  
Cingemus, tibi laudes, tibi carmina  
Dicturi ad Citharae modos.

Petrum Cordatū nepotem, & condiscipulos  
eius ab ignauia reuocat.

QVID tam ignaniter otium

Mi cordate teris? seruidus, & uigens

Phæbum a Phosphoro ad Hesperum

Qui cantu Institeras usq; laceffere.

An friges adeo piger

Nec uocis Lygiæ, nec fidium memor?

An torpent Socij quoq;

Arguta Maripetrus cithara inclytus,

Plectro Thysonius graui,

Sublimi ingenio Pollio nobilis,

Vena Florius ubere.

Quales olim animæ pollicitæ fidem

Phœbo, & Castalidum choro;

An nunc Mandraboli sacra imitamini?

Me uero inualidum Senem

Confectum podagra, tot cruciatibus

Vestro munere oporteat

Perfungi, ut iuuenes languida inertia

Tabescatis inaniter.

Quin o si pudor est, siquæ ue Mens manet

Quæ non torpuerit gelu.

Succendat iuuenes euge Senis tepor;

Si, qua conficiar lue,

Quis uestrum audierit nunc Querimoniam.

HORTI, O delitiæ meæ

Qui me tam tumidis fluctibus obrutum

Blanda surrigitis manu ,  
Qui tot me illecebras, & decora incluta  
Romæ , spernere cogitis ;  
Vestro cur ita, cur, pector ab ambitu  
O, si uos uideam, colam,  
Componam, renouem ; uos iuuenescere  
In flores faciam nouos .  
Verum heu pesq; manusq; , utraq; sunt tori  
Spondæ affixa, doloribus  
Dissecta assiduis, ardor in artubus,  
Membra immobilia omnia .  
Truncis populeis instar in aggere,  
Ripæ uel Eridani erutis ;  
Quos radicibus euerterit Æphricus ,  
Aut pernix Aquilo , aut Notus .  
Non firmare pedes , non digitos licet  
Flexisse , omnia dirigent  
Vt perculsa mali fideris halitus  
Verum , O si adueniat Dies ,  
Ignarus cupio quem , ueritus quidem  
Ne desiderij , & precum  
Harum pœniteat , si uideam omnia  
Contra quàm fieri uelim  
O quis nam experiens affuerit mihi ,  
Qui plantaria dirigat  
Depacta ordinibus , funiculo in modum  
Extentio. sed ubi manus  
Stirpem leua nouam sustineat , sude

Armata altera, putridi  
 Cœni munera radicibus aggerat;  
 Et iactam pedibus super  
 Argutetur humum, denique cessitem  
 Inuertat, subigat, premat.  
 Quis ramos docili falce nothos putet.  
 Et circa fruticum pedes  
 Siluæ incommoda succidat inutilis;  
 Quodq; usus uolet ad gerat.

**A**h ne maleolos, brachia pergulis  
 Commendata feracibus  
 Quis mentem stolidus, uel nimio grauis  
 Vino dissipet; aut furens  
 Mox insanius ausu temerario  
 Quidquam peccet, & amputet  
 Non tangenda, sinat quæ nihil atinent.

**A**h ne pinnula surculi

Fors Gibbosa aliqua parte sit, aut cutis  
 Non recte assideat cuti,  
 Hæc inquam anxietas Cor lacerat meum.  
 Fidendum famulis parum;  
 Hinc me, quod sine me fiat opus, piget  
 Et me plus cruciat timor,  
 Quam mordax manuum, siue pedum tumor  
 Quare O qui precibus Dei  
 Mitescunt miserorum, oro date ut semel  
 Hortos uisitem, & illico  
 Quantis urite me, cunq; doloribus.

T H R E N I.

CARDINALE Bibiennio Defuncto  
Ad Leonem X. Pont. Max.

NAM quo ducentis tanta ope Porticum  
Passim fatifcentem ilicibus, LEO  
Supreme suffulcire tentas,  
Ne trahat hæc subitam ruinam :  
Ne tanta pessum machina corruat,  
Ah ne Raphaelitis inaniter  
Pictura uane scat, laborq;  
Qui superat ueterum labores.  
An tu Deorum scita adamantino  
Præscripta libro tollere sic tibi  
Confingis ? immotasq; leges  
Quas Lachesis tulit abrogare ?  
Verum omnem opem iam sedulitas tua  
Vt sumptuosis parietibus ferat  
Firmetq; Palatij ruentis  
Omne latus, nihil hæc dederunt  
Substructiones ; Si Bibiennius  
Heros, dicatæ nomine Porticus  
Dictus, uigens membris, & annis  
Tam subita opprimitur procella.  
Illa illa fati nuntia Porticus  
Rimas ab imo fecerat, & malo  
Hoc destinato olim imminentis  
Prætulerat speciem ruinæ.

Quo concidente scilicet est tibi  
 Pars magna cordis uisa sequi Leo;  
 Nec sarcindam ullum per æuum  
 Ducere mensq; animusq; labem.  
 Hic, siue rerum lumina Cosmidas.  
 Antiquiores, seu coleret Nouos  
 Gnatos, nepotesq; ultro Amicus  
 De tenero tibi lectus ungui  
 Nam si laborum mole grauis noua,  
 Et sæpe rerum pondere tristium  
 Oppressus esses, hic solebat  
 Sollicitum exhilarare pectus.  
 Idem gerendis haud rudis, haud piger  
 Bellis, amica pace, precantia  
 Verba audiendum, seu precandum  
 Tempora, res, locus admonerent.  
 Nempe o quis, o quis doctus erat magis  
 Quocunq; uellet corda Potentium  
 Mouisse Regum, aut concitatis  
 Sæui animis populi imperare.  
 Seu fluctuaret uestri audus boni  
 Sæpe æstuosis indomitus fretis  
 Temnens proteruorum procellas  
 Atq; Noti, atq; Aquilonis atras.  
 Quem Purpuratorum ordinibus patrum  
 Magno Senatus concilio sacri  
 Non inmerentem adscribis, esset  
 Qui fidei monumentum amate.



Sic ille multos admoneat iugum  
Ferre, & laborem, & dura pericula  
Siquis clientelæ probati  
Se semel addiderit Patroni  
At corpus heu nunc exanimum iacet  
Imago uana, elinguis, inutilis;  
Vllas neque audit de querelis,  
Quas miseri ingeminant propinqui.  
Heu quæ Nepotum mœsticia, & lues  
Quos nunc parabat tollere honoribus  
Heu spes amicorum, heu clientum  
De manibusq; oculisq; raptas.  
Ergo hic dolores, hic gemitus graues  
Vernarde, & agræ tot quærimonia  
Exaudiuntur, lacrymisq;  
Lumina cuncta natant profusis.  
Nec quærimus quo te pietas tua  
Virtusq; leto occumbere nescia  
Sublimem inauratis quadrigis  
Intulerit radianti olympos.  
At tu nouo dum lumine sidera  
Adscitus astris alta perambulas  
Heroas inuisens, & aulæ  
Aethereæ premis omne limen  
Dixum memento Regem, alios Deos  
Omnes precando flectere, si pijs  
Vllam hic quietem, sique honores  
Rite sibi cupiunt haberi;

Quos Iuliano Parca pio impia,  
 Quos Lauro ademit tam male, quos tibi  
 Annos, benigne illos Leoni  
 Pontifici Decimo rependat.

AD IO. Persicinum In obitu Sergiani  
 & Collini Bellunensium.

QVO NVNC labores Iane cadunt tui.

Insumpti in omnes officij modos  
 Ut litteras, moresq; honestos,  
 Nobile par, pueros doceres.  
 Si tam atra nobis abstulit hos dies  
 Aetate utrunque impubere, sed breui  
 Præclara nimirum daturus  
 Ingenij experimenta magni.

Nam Sergianæ maxima spes Domus  
 Franciscus angit nunc Priamum patrem,  
 Frustra optima uirtutis olim  
 Indole Conspiciæ beatum

Ingressus altum nempe in Apollinis  
 Templum, & Camænarum in penetralia  
 Tractare non segnis Dearum  
 Et citharam, & calamos canoros,

Laudes Deorum, qui meritis Poli  
 Sedes Beatas, & solium Iouis  
 Tonantis inuisere, cultis  
 Pangere per sculis adortus.

Collinus autem mentis acumine  
 Ductrinam in Vrbe Antenoræ inclytam

Solonis affectatus, ingens  
Præsidium patriæ apparabat,  
Quo se excitarat puluere feruidus  
Nullo laborum suffugio, stadi  
Sub fine decursi supremum  
Venerat ad decus, atq; palmam.

Boni ambo, & ambo plurimum amabiles  
Vt dignitas, uitæq; modestia  
Ornabat ambos, o decora  
Floridula species iuuentæ.

Spes morte uestra nulla relinquitur  
Si quis uigenti ætate ualentibus  
Membris, suos fingeat annos  
Prouehere ad Piliam senectam.

Patres obhorrent, & iuuenum Cohors  
Hi filiorum dulcia pignora;  
Hij se per immatura uitæ  
Tempora prætrepidant sepôji.

Sunt certa mutis tempora Piscibus  
Serpentibusq; & certa Volucris.  
Annosq; siluæ, herbeq; norunt  
Quæq; suos stabili talento.

Ab nulla uitæ meta Hominum data  
Sed cuncta raptim in Tartara corruunt  
Modo hic, modo ille, uno tumultu  
Cum pueris, iuuenes, senesq;  
Ignaua Cornix secula tot terat  
Frustra, augurali desita iam sacro;

Ceruusq;

Coruusq; rauco inauspicatus  
Gutturē, inutilibusq; nidis.

Apparet alis multicoloribus  
Phoenix. maligne mox fugit, & latet.  
Segni tot annos uita, ut æuum  
Perpetuum repareret subinde.

At curta nobis omnia, qui genus  
Diuum esse certo credimur, & sacris  
Humana doctrinis bonisq;  
Artibus ingenia Expolimus.

Ergo hos acerbo, ac usque adeo graui  
Raptos dolemus funere, ciuitas  
Bellunum, eodem mense & anno,  
Atque die, nisi fallor, uno.

Hem mille florum e Germine proficit  
In qua; uix Millesimus arbore,  
Pars cætera Euanescebat hausta  
Frigore, uel pluuijs, uel æstu.

AD IO. Cornelium, Fantini Clariss.

F. in Angeli Rosanthi obitu.

ROSANTHVS ergo Iane Comes tuus,  
Qui uixit olim Antenorei Iaris  
Amœnitas iucunda, ademptus  
Perpetuo premitur sopore.

Flammata per quem mœsta Academia,  
Afflicti amici, Lusus, Amor, Iocus  
Vnâ occiderunt, & camœnæ  
Scenâq; flebiliter sonabunt.

Sic nunc ioci omnes, illecebræ, & sales,

Omnes, & omnis gloria amabilis

Risus adempta est, ut peristi

Euganei columen leporis.

Nam obliuioni tradita quæ prius

Errauerat Comœdia reddita

Aetate nostra, læta foccum

Induit, & lepido cachinno

Ludens, Theatra, & pulpita concutit

Per te, laboresq; illa decens tuos,

Excepta semper lætiori

Vel decies repetita plausu.

At tu moueris ne minimum quidem

Corneliorum fletibus, in sinu

Qui te educarunt, unice te

Nobilis ingenij ergo amarunt.

Aluisij unæ O deliciæ Senis,

Audis'ne, Cuius te gemitus uocat.

Tam fidi acerbo quis Patronus.

Funere conficitur Clientis.

Sed, seu Lacones inter habes locum,

Tauriue felix Cornua candidi.

Aurata decurris. peræque

Mercurio, Cypriæq; carus,

Siue ampli amœnas Elysij domos

Lætæ eruditorum arua tenes, ubi

Plauti, & Menandri Musa, amores,

Gratiæq; & Veneres benignæ

Te risu amico suscipiunt, sales  
 Interferentes quique suos, Virum  
 Adesse gauisi, tot annos  
 Qualem oculis gemuere abesse,  
 Vt cunque de te, de ingenio tuo  
 Decreuerint Dii. Nos tibi Lilia  
 Grati, Rosas, floresq; plenis.  
 Ad tumulum Calathis feremus.

HIPPOLYTI Medicei Card. &  
 Alexandri Florentiæ Ducis miseræ  
 rabiles exitus deplo-  
 rantur.

V T, cum potenti deciderit Iouis  
 Dextra sueperbæ insigne latus Domus  
 Et strage, & ingenti fragore  
 Corda hominum attonita obstupescunt.  
 Mox, dum misertum est, puluere grandia  
 Cementa solui, parte alia latens  
 Erumpat improuisa flammæ  
 Vis, reliquunq; operis ruina  
 Inuoluat oppressum, cinis omnia  
 Fumusq; fiant, prætereuntium.  
 Honore, & admiratione  
 Testa prius celebrata, puncto  
 Vno auferantur temporis, omnium  
 Mortalium per corda pavor meat  
 Considerantum, quàm caduca  
 Sint Ea quæ asserimus beata.

Sic duplicato concidimus malo

Quicumq; Claras Mediceæ domus

Stellas colebamus fidei

Obsequio, officijsq; cari.

Nam uix Cicatrix illa coiuerat

In altum adacti Vulneris, intima

Per ossa lapsi, cum peremptum

Eximium Hippolytum abstulit Mors.

Qui, dum cohortes cogeret impigras

Arma, & Triremes ære parans suo,

Hanc ultro opem allaturus, Oræ

Cæsari opes Libycæ prementi,

Roma profectus Parthenopeium

Nauale iturus, De media uia

Improvide interceptus, atro

Fraude dato opprimitur ueneno.

Hinc mille, & illinc mille per auiâ

Sparsi locorum, siue domi in situ

Fletuq; lugebamus, ægra

Pectora per, lacrymis profusis.

Cum foeda clades huic superaddita

Oppressit incursum subito omnium

Mentes. & unda undæ nuosis

Alpibus incubuit refusa.

Maiora aperto uulnere uulnera

Nunc facta sunt, consanguinea ut manu

Confossum Alexandrum, in cubili

Fama tulit, medioq; noctis.



*Sic heu misella hæc uita hominum omnibus*

*Iniuriarum obiecta periculis,*

*Quouis dieq; , horaq; nostro*

*Astidue capiti ingruentum .*

*Mens nulla prudens est adeo, ut queat*

*Obstare fati ; uel petulantias,*

*Ictusq; Fortunæ cauere ,*

*Aut uarios, subitosq; casus.*

*Sed magna Regum o progenies , Ducem*

*Quæ Petrum Athenis magnanimum inclytis*

*Olim dedisti , totq; honorum*

*Muneribus , titulisq; fulges ,*

*Quam clari eratis , quam prius improba*

*Turcæ Tyrannis , & Scyticum genus*

*In Græciam inuasisset , alta*

*Vi superum imperio potita .*

*Fato Quiritum scilicet Ilium*

*Euersa Romanum Imperium extulit ,*

*Gens uestra Athenis pulsa , ut orbis*

*Consuleret Statui uniuersi .*

*Atque hinc Duorum Pontificum decus*

*Amplum Leonis , mox uenerabile*

*Clementis . Idq; iisdem Tiaris*

*Continuis prope Colligatum.*

*At non, potentes dicere Cosmidas*

*Laurentiumq; , & Nobilium uirum*

*Prouentum honoratum , Camœnis*

*Lugubribus licet , atque mœstis*

Sed flere ademptorum miserabiles  
Vices, in ipso limite gloriae, &  
Primo rudimento inuidenti  
Nominis, egregiæq; Laudis.

Heu quo Iuventas, uiuida q; indoles,  
Et promptitudo mentis, & ingeni,  
Et disciplina illa educata  
Auspicijs sapientum Auorum.

Quo purpuratus Hippolyto Decor  
Splendorq; rerum, seu Patruo Comes  
Puer senem adiuuaret, ingens  
Pondus & imperij subiret,

Quem Caesar alto in puluere Pannonum  
Vidit paratum cernere principem  
Contra superbarum cateruas  
Gentium, & horribiles phalangas,  
Cum Turca nunquam pluribus antea  
Instructus armis crederet Italas  
Vires, & Hispanum uigorem,  
Et Tamesin domuisse, & Albin.

Quem Tota circum uis Asiatica  
Niliq; late gens Vaga turgidi  
Et Græciæ totius arma  
Atq; Scythæ, atque Arabes obibant.

Verum Explicatos uidit ut ordines  
Nostrorum ita acri prælia spiritu  
Poscentium, aufugit reductis  
Retro equitum, peditumq; turmis.

At, qui uirum se præstiterat foris,  
 Haudquaquam inerti pectore erat domi;  
 Quem multo habundantem Senatus  
 Consilio iuuenem probabat.

Qui sæpe Romam seditionibus  
 Tumultuantem, irasq; Quiritium  
 Pacasset, irrumpens in arma  
 Fronte hilario, alloquioq; dulci.

Qui splendoras tot diuitias, opes  
 Tantas, amicis, atque Clientibus  
 Vellet paratas, se exhiberet  
 Ditem alijs, sibi pauper uni,

Siue apparatu regifico penum  
 Elaboratum apponeret omnibus  
 Aequaliter, parcissimo ipse,  
 Et tenui, & facili uteretur.

Sed quis modum uitæ omnis, & integram  
 Sinceritatem narret? Hic omnibus.  
 In posterum exemplo futurus  
 Tam uiridi excipitur iuuenta.

Inmitis aufert Parca eadem Ducem  
 Illustrem, Alexandrum, iuuenem inclytum,  
 Florentiæ, etrusciq; Regni  
 Omne Decus, columeq; summum.

Quo iustum & Aequum Principe floruit,  
 Seruata morum est integritas, fides  
 Intaminata, At uis scelestæ  
 Pulsa procul, pudor ipse tutus.

Hic Gloriosi Caroli erat Gēner  
Selectus omni de grege, Filio  
Hic Regio HENRICO sororem  
Coniugio celebri Elocarat.  
Hæc obsuerunt, perniciem hæc bonis  
Traxere. Vestræ nomina Gloriæ  
Vos abstulerunt. Hæc amarum  
Inuidiæ stimulum incitarunt.  
Laboriosum scilicet est opus  
Tutum esse Regem qui uiolentiæ  
Obstet suorum, ullumq; fraudi  
Esse locum uetet, & rapinis.  
Sic Pertinacis mens bona, Serui  
Sic uicta Virtus cede nefaria;  
Sic multa ubique exempla, Quorum  
Iam numerum hoc etiam obtinebit.  
At uos meum unum præsidium, ac decus  
Siquid Clientis musa erit, ibitis  
Nunquam uel ignotis, uel ullis  
Illacrymabilibus recensiti.  
Non uos ego inquam perpetiar mori,  
Dum uis mihi aſsit, Perpetuum quibus  
Debetur excelsa in Columna  
Nomen. Honos. Statuæ. æsq; fufum.



## GABRIEL IOLITVS LECTORIBVS.

S.

**A**dmonuimus antea inter uoluminis huius Heroica, addidisse nos antiquiora quædam eiusdem Pierij Poemata; si modo, quæ Adolescentior scripsit, antiquiora dicere debemus. Nunc autem cum Odas eius, quas Romæ plurimum cõposuerat, Impressas iam Viderem, incidissemq; in eiusdem Odas alias multis ab hinc annis publicatas dedicatasq; iam tum Andreæ Gritteo tanti nominis futuro Venetiarum Principi, gratas has lectoribus futuras iudicauimus, si recentioribus his adscriberentur.

PIERIVS VALERIANVS  
BOLZANIVS.

CLARISS. ANDREAE GRITTEO.  
SENATORI VEN. ET DIVI MARCI  
PROCVR. PIENTISS.



**Q**VOD Leni parentes ingenio facere consuerunt, Beneficentissime mi Mæcnas, ut peregre profecturi liberos suos ipsi potissimum commendent, apud quos lenem, ac liberalem sperare possint illis futuram educationẽ; idẽ ipse Patavio profecturus, idest musas ipsas necessi-

tatis ui ; cui neq; Dij repugnare possunt; intermis=  
surus,effeci . Foetibus itaque meis,utcuq; sint, alijs  
aliorũ curæ demandatis, aliquot etiam tuo, & Fra=  
ncisci tui patrocínio commendare præcipuum iudi=  
caui . Vt qui parentem olim suscepas educandum  
eiusdem natos modo suscipias protegendos . Qui  
gestire mirum in modum uidentur , apud te Patri=  
cium splendidissimum hospitaturi : in cuius cõtuber=  
nio fere omnes nati sunt: ubi admirabilem tuam er=  
ga omnes benignitatem intellexerunt . Conscij præ=  
sertim sibi quanta lenitate me , hospitio tuo susce=  
ptum, non uti Clientem, Sed uti Franciscum tuum, il=  
lum inquam tuum absolutissima integritate adole=  
scentem, tractaueris. Omne porro studium, omnem  
diligentiam, opem omnẽ mihi studioq; meo perquã  
officiose , benigne, liberaliterq; suppeditaueris .  
Nec uero minor fuerit Francisci filij tui benigniss.  
in me demerendo, liberalitas : Ac Paternæ prope=  
modum Virtutis concertatio: Quem licet litteris  
mihi erudiendum tradidisses: Quod tamen illius  
est iudicium, quæ sinceritas, quæ prudentia, rerum  
mearũ magistrũ habui. Quare mihi persuasum est,  
natos apud eos feliciter acturos: apud quos pater  
egerit felicissime. Præterea mouet me summo opere  
Xenophontis, & Platonis de Socrate testimonium;  
Quem referunt sola præsentia multis profuisse.  
Delitescit utiq; in humanis corporibus uis quædam  
illapsa cœlitus: quæ clandestina propinquos exhal=

latione fortunat. Non secus ac Iris locum, in quem decubuerit, odoratum facit : quin & arborem totā, cuius radices attigerit. Quocirca, ut mihi plurimū contulerit apud talem, tantūq; Senatorem adoleſcentiam egisse: ita Libellis meis aliquā spero celebritatis acceſſionem fore: quod nomini tuo dicati ſint, quo nihil hoc æui magnificentius inuenitur. Qui uirtutibus omnibus ornatissimus nobilissimā Gritteæ domus Antiquitatem in dies magis ac magis illustras. Qui Regia formosissimi corporis proceritate, effigieq; Spectabilis, amorem : & obseruantiam erga te omnium excitaris ingentem. Qui Splendore : magnificentia, liberalitateq; clarissimus in oculis omnium ferris. Qui iustitia, prudentia, temperantia, fortitudineq; præcipuus, tuorum Parentum præclarissimas res, terra, mariq; summa laude gestas nō æquare tantum, sed exsuperare summo studio nitaris : Cuiusmodi exempla ante oculos, omnium adhuc uersantur. Dum non immemores esse possumus, quāta tu caritate Patriam sis profecutus : pro cuius emolumento, non labores tantum intolerabiles subieris non pericula tantum formidabilia despexeris : non opulentas tantum fortunas amiseris : sed & uitā ipsam, apud Turcarum Imperatorem, apertissimo discrimini totiens exposueris: cuius arētissimis oppressus uinculis in editissima Turri supra bienniū custoditus, dum in horas mortē expectares, Patriam adhuc iuuando perseuerasti. Mira hominis prudentia,



mira in patriam pietas : tot satellitibus circumse-  
ptus, tot custodibus circumuallatus, inuitis omnibus,  
deceptis omnibus, qua ratione patriæ consuleres ex-  
cogitasti. Quid quod Virtutem tuam immanissimus  
Hostis admiratus, ne te trucidaret, quum id se-  
pius deliberasset, demum obstinuit. Quem demum  
ita sapientia tua emolliueris : ut & salutē tibi, &  
optatissimam, ac eo tempore maxime necessariam  
Christiano nomini pacem ab eo reportaueris. Sunt  
ab his, eruntq; in dies magis, nō dissimilia Virtutis  
tuæ monumēta quamplurima: De quibus satius esse  
tacere iudico, quā pauca loqui. Quare libentius hæc  
in commodius scribendi otium distulerim : Quum  
scilicet amplissimæ dignitati tuæ, quæ omnes omi-  
nantur, incrementa successerint. Habebis interim  
hoc obseruantia erga te meæ testimonium : Dum  
Patauij Prætor, Vnde ego digredior, Tu Iustitiam,  
Magnanimitatem, & Munificentiam, tres  
tibi præcipuas Virtutes, sapiētissimus.

exerces. Vale, Et Clientuli mu-

nusculum, qualecunq; est,

de more suscipe

benignissi-

mus.

PATAVII NONIS MARTIIS

M.

D.

V I.



EXVLTATIO PRO REDITV  
ANDREAE GRITTAEI

AD VRBANVM VALERIA-  
NVN PATRVVM

**V**Rbane tristes tot Querimonias  
Et tot timores pone miserrimos  
Grittaeus euasit Tyrannum.  
Et redit, & Comites recepti.  
Nunc glorioso sine laboribus  
Tot rite uictis, fas te hilarem modis,  
Heruos inuicti, iocosus  
Præteritas memorare clades:  
Quas passus, erga dum patriam pius  
Grandes ruinas magna pericula,  
Vnius assis, mente firma  
Insuperabilis æstynaret.  
Non hunc minacum tnrba Satellitum.  
Non tot sub astam diuitiæ datæ.  
Sublata pondo non tot auri, &  
Rapta domus manibus profamis  
Terrere possunt, perq; triennium  
Non turris atræ celsa Propontidos  
Et uento, & astro sub niuali.  
Editiore loco reposta  
Non tot securi corpora Ciuium  
Percussâ possunt ante oculos metum

Inferre ; non tot fixa uiuis  
Robora per femora , & per exta,  
Sed fronte semper læta animosior ,  
Quum plus timendum suscitāt omnium  
Demortuas iam spes , amānoq;  
Eloquio socios fœcillat .

© Summa uirtus , quam Macometius  
Miratus hostis , dirus in Andream  
Sœuire id affectans nequiuit :  
Numen ei ueritus subesse.

Is nunc solutus , tuq; simul metu  
Sedes paternas uisit : ut has iuuēt  
Præsens , ut absens adiuuabat  
Cosilijs , opibusq; promptus.

Urbane large nunc dabitur frui  
Virtute : quam tot laudibus inclytam  
Efferre sœuet , tum benignis  
Moribus , & probitate rara.

Absterge fœsis iam lacrymas genis :  
Ridenti amicum fronte bonum excipe ,  
Narrate , uitam unā tot annos  
Vnanimi studio , peractam.

Sed nuncupatæ liba nouem precis  
Offer sacerdos pollicitus Deo :  
Hunc si redonarent fluentis  
Incolumem Venetis amicum .

Qui si perisset dimidium tui  
Cordis , parabas dimidio altero

Quacunque dilecto silentis  
 Ire comes Domino per umbras.  
 Nanq; ipse tecum sepe timoribus.  
 Vexatus, omni nunc uacuis metu.  
 Saltu pauimentum frequenti  
 Cocutiam fidibus Lacanis,  
 Cinctusq; festo Malobathro caput  
 Grates beato cœlicolum Patri.  
 A Sole nascente ad cadentem,  
 Pierijs numeris habebō.

A D . M. A N T. Sabellicum  
 pro defuncto. Fi.

QUID Marce tantum Filij doles uicem:  
 Quem acceperas precario?  
 En hisce uite fluctibus nil proprij,  
 Nil possidemus exules.  
 Nosti dolendum, siqua negligentibus  
 Adersa nobis ingruant.  
 Sed quod peractum est Maximi nutu Dei  
 Aequè ferendum iudices.  
 Qui dedolere plurimos ob hæc facis,  
 Tibi erit dolere dedecus.  
 Quod impetrabit tempus omnino, magis  
 Ratio decenter impetret.  
 Solutus ille corporis iam carcere  
 Sedes beatas incolit:  
 Quod uita suadet integra, & mores patri  
 Non discolorēs optimo:

Vbi esse demum constat immortalibus.

Esse hic nequimus dicere,

Natura quod si porgit aegritudinem,

Cui difficulter abnuas,

Memor esto: si quos optimus fouet Deus

Illos fatigat casibus,

Hinc nos tot urgent undique, ac incommodant

Curae, labores, tedia.

Quo saepe par est efferramur mortui,

Dum somniamus uiuere,

Subductus igitur quum sit erumnæ graui:

Marium ne lugebis tuum?

An quod paterno fors carebis nomine,

Id te dolenter macerat?

Qui te Latini nouit Eloquij Patrem.

Te dicet orbatum minus:

Victura nanq; sunt tot, æternum patrem

Quæ prædicabunt, pignora

Ergo dolori parce solamen, tibi

Datur, quod est rarissimis

THEOLVM T. Liuij secessum et

Pausilypen. capilistarum uillam

amœniss. commendat Ad Fran.

Capilistam.

VNDE HIC tam subito surripit impetu

Mentem Pierius feruor? ut allicit

Vocalis modulos tendere carminis

Aggressu temerario?

Cur

Cur ignara hilarem dextra cupit lyram ?

Quæ nam causa ciet ? quis furor occupat

Sic spirantia præcordia ? at at sacri

Agnosco ingenium loci

Sic uirgo pedibus uix tripodem aureæ

Cortinæ attigerat: quum subito Deus

Bacchantem obruerat numine Phœbaden

Venturi bene præsciam .

Hic Franciscæ choris Aonijs locus

Nimirum sacer est , hinc furor ignea

Phœbeus stimulat corda, Poematum

Hac prurire libidine .

Ad se melifluas Pausylipæ Deas,

Quo doctus uiguit Liuius in iugo,

Quo toto intumuit Flaccus Apolline

Huc Cephisidas auocat .

Hanc sedem emeritæ Phocidos accolæ

Musæ, barbaricis inde timoribus

Expulsæ, Euganej, collis in edito

Hoc sedere cacumine .

Nam ut laxare animum delicijs uelis :

Nusquam se explicuit maior amœnitas:

Nusquam temperies ulla salubrior

Puri canduit Aeris .

Lætos ferre uides undique palmites

Vuas Sidonij muricis æmulas,

Gaudentes Thasias inde leui solo,

Hinc pingui Mareotidas .

Stat pars ætherijs addita Populis,  
Vlmo pars humidi, pars bona pampinos  
Pro testudinibus complicat, & comis  
Solis caumata summouet.

Immites acinos ecce racemulus  
Idem fert, alijs mitibus, & prope  
Florentes alios, qualia in ortulis  
Nausicæ riguis erant.

Qua saxosus apex, repit humi rubens  
Vua, ex Illyrio nomina quæ tulit.  
Nascenti exposita est Phæbo Apiaria  
Baccis suaue tumentibus.

Acceduntq; decus uitibus arbores  
Multis ficta modis ars Topiaria.  
Fœcundo reliquæ mergite succubant  
Pomis frugiferæ omnibus.

An te nunc fileam Punica uasculis  
Sepes purpureis cincta, sed o quibus  
Nulla insunt acinis ligna, prioribus  
Res tam grata parentibus.

Deductæ spatium uallis omittimus  
Venatu, aucupio, gramine commodum,  
Et præpingue solum: quod pariter colunt  
Pallas, Nyctelius, Ceres.

O collem placidum: cui domus insidet  
Demissa aspiciens iugera molliter:  
Quem replet geminis læta sororibus  
Multo gratia gaudio.



Ver molle, & Veneres. atq; cupidines  
 Hic festos celebrant Naidibus choros  
 Non absunt Satyri non reliqui Dei  
 Si mulcere animum uelint.

O, Ni quid temere poscere cœlites  
 Detur, concipiam uota: superstitis  
 Vitæ quod reliquum net Lachesis mibi  
 His producere collibus.

Hic hic uiuere amem. hic Pierides Deæ  
 Mentitæ uolucres tam bene concinunt:  
 Vt si permaneam fors mea candidam  
 Me demutet in alitem.

O saltem hoc mibi non inuideas precor  
 Franciscæ ingenio mitis, ut optimo  
 Afflari quoties numine quæritem.  
 Hic te couenniam frequens.

AD Iosippum Faustinum præceptorem  
 Quem missionem petit a studiis  
 pollitioribus.

FAUSTINE, Vitæ Doctor integerrimæ,  
 Linguae Latinae censor, & sublimium  
 Rerum absoluta notione nobilis,  
 Iam iam sat annos octo militauerim  
 Vexilla Tiro persecutus inclyta,  
 Et quæ sub alto castra metaris iugo:  
 Ex inde miles Prunuli, & Sabellici  
 Labore semper inquietus improbo,

Anno peracto tertio, ac uigesimo,  
Veniam canendi poscimus receptui  
Exautoratusq; rude donari uelim,  
Castra hæc amœna, & delicata linquere  
Seuerioris ære conscriptus ducis :  
Cuius per altum signa nactus æthera ,  
Hysten patenti semen ore poscere  
Videbo: tanquam sponsa sit uirum appetens.  
Rerum nouatus, atq; causas omnium,  
Et unde mundi fluxerint primordia,  
An pace amica, & ab odioſo prælio ,  
An mole massæ immobilis primaria.  
Ab igne, an unda sint : ab æterno, an diu.  
Anima, an sit ignis, aura, sanguis, an nihil  
An, quod fatemur sponte, cœli spiritus  
Scrutabor. ipsa pollicentur omina  
Locum hoc labore forsitan non infimum ,  
Ni dura egestas me repellat pauperem,  
Aduersa nostro tempore emergentibus ,  
Magisq; iniquus hostis emerſis , piget  
Quum tot laborum, gloriæq; inutilis :  
Quando Chelonis uincitur Sapiëntia  
Atq; ipsa Virtus, atticum ut prouerbiũ est,  
Sed esto quærant improbi uiles opes  
Viles per artis, atq; mercimonias :  
Musas omittat quem sitis census rapit ,  
Odi appetentem ex litteris ditariet :  
Nanq; est ouilla pelle consutus lupo,

Opibus hanellat iam professus pauperem,  
 Procul profanum uulgus, a Musis, Procul,

A M A T O R I A quædam  
 problemata soluit

D A P H N I A

SI tam sollicitis cales

Quum me non uideas ignibus æstuans :

Cur si me uideas riges

Effectus Scytica frigidior niue ?

P I E R I V S

Notæ scuitiæ memor

Tunc tunc destituor sensibus omnibus :

Quare contrahitur calor

Vt cordi misero suppetias ferat,

D A P H N I A

Si quid dicere uis mihi

Velas opposita cur faciem manu

Sed quam purpureus rubor,

Pallenti uiola mixtus, obambulat ?

P I E R I V S

Optati mihi conscius,

Non sat legitimi, memet ita obtego:

Mox nubem ingenuus pudor

Fundit sanguineam, hac inficitur cutis,

D A P H N I A

Sed cur lumina deijcis

Si me cernere amas : cur uarius tenor

In uultu, modo frigido,

Nunc contra calido, Nec stabili es modo?

PIERIVS

In te sustineo minus

Lumen, duriciem dum uereor tuam,

Hinc spes, hinc metus efficit,

Momento ut uariem cuncta uolubili

DAPHNIA

Cur semper querulus meam

Carpis duritiem? qui minus indices

A me quid cupias. domus

Omnis cui pateat, res, & opes meae,

PIERIVS

At suspiria feruida,

At pallor gelidus, lumen at humidum

Atque os punice siccus

A te quid cupiam, quid meream indicant,

Et si dirigeam, ut lapis,

Nec fari ualeam, ne'ue loqui, tamen

Pernix seruitium, & fides

Explorata petunt, quid meream satis,

De fortuna Guidonis

Vrbini Principis

I A M tandem imperium Prudentia

Sub meum redacta est,

Fortuna dixit gloriosa nuper.

Vertimus inuicti uires Ducis,

Exulare diuæ

Carum Mineræ Principem coegi:

Quem Plato, constituens commercia.  
 Sancta ciuitatis.  
 Sanctæ creasset Principem cohortis.  
 Quid uetat? ecce meo totus pede  
 Supprimeretur orbis:  
 Obstare quod Dux hic mihi nequiuit,  
 In superos etiam forsân caput  
 Efferam superbum  
 Seruileq; omnes sub iugum prehendam.  
 Non tulit hanc Phœbus tam grandia.  
 Iactitare uerba  
 Quid uana tantum gloriaris inquit,  
 Cur insana putas huic Regia  
 Sceptra sustulisse;  
 Cui sceptrâ, non tu sed Dei dederunt.  
 Doctrinæ, ingenijs, uirtutibus  
 Imperat; libenter  
 Mecum fouent hunc inclytæ Sorores.  
 Sed non læta diu, si dicere  
 Vera iudicemur  
 Fortuna risus excitabis istos;  
 Nam ueluti densa caligine  
 Nubium repulsa  
 Sudum per ipsum clarius corusco,  
 Dux ita Guido tuæ tot casibus  
 Obrutus procellæ  
 Tranquilliori sorte mox fruetur,  
 Nam quibus insultat sors impia

*Iuppiter benignus  
Feliciorem præparat Triumphum.*

**AD HIER.** Aleandrum Moten .

**FRVSTRA** minacum docte Hieronyme

*Aduersâ plorat fulgura Syderum :*

*— Qui pondus humanum subiuit,  
Labsus ab ætherio recessu.*

*Vitare si quid non datur a Deo:*

*Id ferre saltem fortis opus uiri,  
Non uoce singultuq; tristi  
Exanimare grauis amicos.*

*Quanto uidetur Thrax sapientius  
Sperare, quidquid sidera iusserint  
Fronti adnotari ortum auspicatis  
Mente manet placida futurum:*

*Idcirco nulla corda cupidine .*

*Rerum trucidat, Contigerit bonum,  
Plaudet modeste, Sin sinistrum  
Acciderit, faciet nec asis.*

*Exponet ipsam casibus omnibus*

*Vitam, premit seu mœnia Chalcidos,  
Seu marte pernix, heu cruento,  
Aggreditur miseram Methonam:*

*Seu Iuli amœnum depopulat forum :*

*Seu tot tumultus mittit in Appuli,  
Danniq; campos: quos Iapyx  
Laude facit celebres uetusta .*

In bella fortes, in Venerem, in locos

Molles, ad omnem se faciles dabunt

Ii semper euentum, parati

Sæuitiæ, ac Genij ministri:

Dum nulla curant funera, Dum maris

Iram furentis, fulminis impetus

Spernunt, & instantes cateruas

Excipiunt animosiores.

Mox Lata iugi pectora leniunt

Cantu, & cachinnis; crapulaq; in dies

Producta quinos hos retentat,

Delicijs uariis fruenter.

Solamen ingens mittere sub pedes

Spemq; & timorem; sit tamen ut comes

Intaminatis iuncta uirtus

Moribus. En placet hos sequamur

Qua parte callent sepe Olitoribus

Natura ueri simplicibus uiam

Ostendit. omnes nunquam haberent

Omnia; habent tamen omnia omnes.

Centusse curto, non licear Magos.

Seu Mars Laconas sollicitet meos,

Stilbonaq; obnixus benignum

Excipiat radijs malignis.

Quamuis Nepali cuspide concitus.

Quamuis fatiget, nim placidi Iouis

Cum fronte Saturni feroci;

Quem trepido irradiet Trigono,



Inspector æthræ quis mihi crastinans  
Mortem minetur, non aliter Genæ  
Mutem colorem, quàm aut serenum  
Dixerit, aut pluuiam futuram.

Ad Petrum Aligerum  
Dantis. III. F.

NIL ME Deliciæ iuuent  
Urbanæ, immodicis sumptibus inclytæ:  
Non si me uocet Attalus:  
Non si me hospitio suscipiat Gyges:  
Dum me uisere, floscule  
Doctorem inuenum, Petrule non neges  
Qui tam carus ades mihi,  
Dum Patrem assimulas moribus, oreq;  
Qui miti ingenio omnibus,  
Qui dulci eloquio, qui facili, & proba  
Præstas mente: Puer quidem,  
Prudenti sedenim iudicio Senex.  
Sic Dij sint faciles tibi,  
Sic doctum superes eloquio patrem,  
Hic in gramineo toro,  
Vt tecum Daniel est Zauarissius,  
Adsisse. hacce Quadranthidos  
In ripa uitreæ; cuius amœnior  
Mulcet corda susurrulus,  
Insultans gracili murmure calculis.

Seu reptare uelis iugum.

Surgentesq; tuos molliter ortulos,

Hoc in tramite Pallados,

Crispato unde, oleis, cunq; uirentibus

Mecum unà Aoniam libens

Vocali citharam carmine tempera.

Accantat tibi Daulias,

Hac commenta melos dulce sub ilice,

Et quæ Cecropium genus

Olim nobilitet rauca Cicadula;

Hic nudare caput iuuat,

Dulcem auram labijs carpere hiantibus,

Vmbras dum Canis inuidet,

Dum cœli medio Sol uehitur furens.

Sentin' quam placidus tua

Perstringat Zephyrus tempora leniter?

Quam Vallis faciem tibi

Ostendet? segetum, & graminis huberem,

Hic tot fontium aquæ, oppido

Pisiosæ. hic leporum præda fugacium,

Hic captura uolucrum,

Cuiusuisq; boni larga opulencia,

An tu quicquam aliud putas

Termessum, Aoniam, Pieridum loca?

Tanti scilicet interest,

Qua nam parte fauor spiret Olympicus

Vt sis ergo Beatior,

Nobiscum studeas esse frequentior.

AD HIERONIMVM Bononium  
Tarusinum in laudem Ioannis  
Aurelij Augureli.

DOCTI probare difficulter assolent  
Quiduis iambo traditum,  
Nisi boantem suscites Tragœdiam,  
Aut aliud illa tristius  
Iræ, furoris, ultionis carcere  
Censent Iambum claudier.  
Aureliani sed genus Poematis,  
Quaqua uagatur liberum,  
Seu facta regum uersibus pangat nouis  
Potentiorum Illustria:  
Siue immerentem non reponat quempiam,  
Vel ense, uel opibus bonum:  
Seu litteratos laude non fraudet sua,  
Proborum amator omnium:  
Seu molle, seu lasciuulum carmen lyra  
Iucundiore personet:  
Seu rerum apertas nemini ore differat  
Causas profundo plurimas.  
Suum decorum seruat, auget, excolit  
Felicitate maximâ.  
Ergo Bononi Docte consultum meo  
Studio putabis optime,  
Aureliani. quòd genus Poematis  
Cura sequamur sedula:

*Laudem meretur qui sibi legit bonum ,  
 Ut æmuletur quempiam ,  
 Fraudandus ipse hac non ero. quòd optimum  
 Mihi æmulandum legerim.*

*A M O R I S Ingenui  
 conditio .*

*OCC LV S I medio in pectore Vulneris  
 Ingentem patior sollicitudinem:  
 Nam, quæ sub tacito pectore fax latet,  
 Maiorem cupido concitat impetum.  
 Suppressit labium nescio quis timor :  
 Suppressum referat nescio quis calor.  
 Vecors me temere suadet amor loqui :  
 Instat subiticeam purpureus pudor .  
 Rideri metuo, si loquor, Improbis:  
 Truncari metuo, si taceo, Dies.  
 Ignarus, quid agam, dispereo miser  
 Vix consto mihi, uix uiuere iudico ,  
 Dum tantis propero casibus obuiam.  
 Vesanus quotiens te uideo furor  
 Cor urget, quotiens non uideo, dolor,  
 Mæror . Tristitiæ pectus obambulant.  
 Heu quo me miserum Sors trahit impia?  
 Vrgentem nequeo sistere turbinem:  
 Nec uitæ auxilium poscere languidæ,  
 Heu sors quaq; alia Sorte molestior.*

Ferini Amoris Conditio ex Praxillæ  
Vatis testimonio ad Ioannem  
Petrum Ferettum.

Praxilla immeritis diu

Vexata in pueri pube doloribus :

Praxilla Aonidum decus :

Quam Vatem celebrat Græcia nobilem ,  
Experta indomiti ferum

Tormentis animum pectoris omnibus  
Quum spes nulla super fuit ,

Inuenit medicam a tempore opem breui  
Ergo , ut compos erat sui ,

Affata est Calain talibus impium.  
Dum formosa tibi fuit ,

Dum nullo facies tubere putida ,  
Dum pulcher fueras , genas

Imberbis , roseam purpureus cutem  
Quamuis toruus , & impius

Quamuis difficilis rusticus , & ferus  
Si te cernere , si tamen

Vnquam contigerat , uulneris illico  
Insani Auxilium dabas :

Quod me perdiderat , te nisi cernerem .  
Nunc deformis adest tibi ,

Nunc multo facies tubere putida ,  
Fœde a fursuribus genæ

Exesæ , & fluidam luridus es cutem :

Et ni te uideam tamen  
 Funebri uideor deliquio mori.  
 Scin' cur? forma, prioribus  
 Annis sculpta meo pectore, tunc subit:  
 Quod si te uideam, statim  
 Conceptusq; dolor flammaq; deperit.  
 Sic, qui omnes ferus oderas,  
 Effecit Nemesis, temet ut oderis.  
 Nimirum uolucres Dies  
 Insuperata ferunt multa; sed omnium  
 Importuna cupiditas  
 Clamat PETRE mora, nil odiosius;  
 Quod si tempora noscitant  
 Mortales, habeant nil sapientius.

Ad eruditos de paralyfi  
 Calphurnij.

Professor Erudite, Doctor elegans  
 Poeta litterate, Rhetor eloquens:  
 Quicumque musis dediti pallefcitis  
 Nolite quicquid lectione plurima,  
 Et erudita consequi uobis datur,  
 Id omne auaro consecrare pectori:  
 Ut nil futuro conferatur seculo.  
 Exemplo habete singuli Calphurnium.  
 Sciebat ille, quicquid est sciri datum  
 In expolitis undecunq; litteris:

Seu græca uelles, seu latina posceres,  
Sed dum tenaci supprimit sinu omnia,  
Nil editurus; & sibi tantum studet:  
Perinde natus ac sibi tantum foret:  
Congesta iam tot litterarum pondera,  
Stipata memori tot diebus uertici  
Ciere bellum: hinc conferunt simul manus,  
Pugnantq; nixa uiribus contrarijs,  
Vt longa soluant carceris ligamina.  
Soluere demum, & impetu tali caput  
Rupere, ut omne excusserint cerebrum, ac statim  
Is destitutus, impotensq; corruit,  
Luctu, & dolore quæritandus omnium;  
Quicumque libris igitur impallescitis,  
Exemplo habete singuli  
Calphurnium.





MAXIME REVEREN. ABBATI

D. PAVLO IVSTINIANO

PIERIVS VALERIANVS.

**L**egisti Honoratissime Paule hymnos, quos diebus Diui Petri solennibus, Cathedræ, Vinculis, & Martyrio cecineram; Et generosa quadam emulatione commotus optare mihi uisus es ut etiã Diuo Paulo suus ex eadem prodiret officina. Quod simulac animaduerti accinxi me operi; per opportuneq; accidit, ut cum peruenissem ad preces, quas Hymnorum sine Deo adlegare mos est, iucundissimus aduenerit nuntius de IVLIO TERTIO Maximo Pontifice factor; Cuius cum ego amplitudinem unice semper obseruassem res uisa est postulare, ut incolumitatem eius ipsi Diuo Paulo commendarem, tum mea de causa, tum tua, qui sumblimem hominem summa semper ueneratione nondum etiam ex uisu cognitum prosequeris. Id quidquid esset statim edi uoluisti; quam festinationem, mei quidem nominis forsitan periculo factam uerear, sed Auctoritatis tuæ patrocínio, cuius neminem poenitere potest, recte fecisse me persuasum habeo.

Vale.

DIVO PAVLO HYMNVS CVI

IVLII, III. PONT. MAX.

CVRA COMMENDATVR.

**Q**Vo quo furorem uertis, & dentes feros?  
An immerentem ut differas ouium Lupus  
Discerpta membra? Quanta te indignatio  
Minarum, & iracundiæ plenum trahit  
Rerum imperitum? Mens ne mortalis potest  
Audere contra maximi leges Dei?  
Cui terra seruit, omne quem cælum timet,  
Quem uidit Abraam, quem canit Moses tuus;  
Quem tot supremo numine afflati uiri  
Scripsere, commonuere, firmauereq;  
Venturum ut omnis uisitaret nos Die  
Quarta, Prophetæ quam tot afflati Deo  
Finem daturam oraculis præscripserant.

At pro Damasci mœnibus; Chrysorrhoas  
Qua diues agros fertiles amnis rigat  
Alia parantur. Omnis hic ferocia  
Deuicta cedit, omnis hic cadet furor  
Simul ac ab altis intonata nubibus  
Vox te occuparit increpans ausus tuos  
Tum fulgor undecunque circumfulxerit  
Qui lumina adimet. Tu tremore, tu metu  
Perculsus euestigio ad terram cades

Prætorianis, & Cohortibus tuis  
 Stupentibus, uocem quidem audientibus,  
 Sed qui uidebunt neminem. Tu territus  
 Quod Nazarenum deniq; intellexeris  
 Verum esse Numen, non adhuc sciens tamen  
 Quo te uocarit gloriæ, incedis pauens  
 Manibus tuorum ductus intra mœnia  
 Tris cæcitatem passus, & inedia dies  
 Donec sacrato Tinguereris flumine  
 Quo uisum adeptus pristinam imperitiam  
 Simul expulisti, Doctor effectus simul  
 Selectus in rem gentium iussu Dei  
 Sed quis ad alti uerticem cœli Deus  
 Tollit, superq; te indicat mysteria?  
 Quæ nemo posse credidisset effici  
 O magna summi numinis potentia  
 Statim ex feroci Tigri sis agniculus,  
 Statim ex rapaci sis Lupo simplex ouis.  
 Quæ inauspicatus ordinaras agmina  
 Vt Nazarenum nomen omne perderes  
 Felix piusq; transfuga auertens retro  
 Pro Nazarenis sanctius bellum geris.  
 Ergo excitatus spiritu & plenus Deo  
 Mentem Leonis induis, rugitibus  
 Magnaq; uoce territas Iudæ genus  
 Arcana Vatum proferens oracula,  
 Aperta clamas numinum Mysteria,  
 Summota uela sanctuarij, Notas

E bis duabus litteris patefcere  
Adiectione consonantis Vnius  
Quæ corpus indicaret assumptum Deo .  
Effabile effe nomen indictum prius  
Hunc effe I E S V M Vatribus pridem pijs  
Promiffum , ut alma nasceretur Virgine  
Se admifcuiſſe fabricæ humanæ Deum  
Corpusq; factum permanente numine .  
Nos heu ſceleſti, ac perditi , qui illum cruci  
Affiximus ; ſed ipſe luce tertia  
Vitam reſumpſit , aſſidensq; dexteræ  
Patris benigne hoc delet admiſſum ſcelus ,  
Veniam daturus ultro pœnitentibus .

I L L I obſeratis auribus , uelut ſeræ  
Venabulis petitæ , & iſtæ ſpiculis  
Infaniebant . Et furore perciti  
Tibi omne leti , & omne tormenti genus  
Interminati crimina intentant noua ;  
In Cæſarem , in Deum extuliſſe Cornua ,  
Turbaffe ſanctæ Ciuitatis otia ,  
Patriosq; ritus ſummonuere , poſteris  
A Moſe , ab ore Maximi & ſummi Dei  
Intaminanda religione traditos ,  
In te Sacerdos ſummus , in te Principes  
Plebem frementes concitant , in te manus ,  
In te arma uertunt . Omnia horrore , & metu  
Complentur . Aſtas unus imperterritus :  
Rupes ut altis uerberata fluctibus ;

Dulce & decorum nanque pro Christo mori  
 Cedi flagellis terga, saxi obrui,  
 Et perpeti omne Contumeliæ genus  
 Ut prædicabas, sentiebas protinus.

Digressus inde ad uniuerſi accingeris  
 Orbis salutem, Ciuitates plurimas  
 Asiæ feracis usque ad Euphratis uada,  
 Vsq; Arabas, usque Persicum, & Erythræ sinum  
 Christo asseris, Cyprum, Rodumq;, & Insulas  
 Aegæo in æstuoso ubique Nobiles  
 Omnes beatas efficis. Clarissimam  
 Mox Græciam inuadis, nemus Academiæ  
 Succidere ausus, Vnicam palmam seris;  
 Cui ferta lemniscata suspendis. Dein  
 Cum fulminares ore feruido potens  
 Deiecta ab Aris Pallade, atque Apolline  
 Altas Lycei Porticus æquas solo  
 Doctasq; Athenas addoces. Numen prius  
 Ignotum, & Aras indicas testes tuæ  
 Doctrinæ. Eorum deniq; sapientiam  
 Nil efficacitatis, aut prudentiæ  
 Habere, & insanire qui Rerum uices  
 Illic docebant admones plenus Deo.

At sum mouenda Multimammia Ephesia  
 Quantum ad laborasti? ob rudem plebeculam  
 Tumultuosis concitatam motibus.

Exinde signis colliquatis omnibus,  
 Quæ quisque clarus Artifex conflauerat

Corinthiorum corrigis lasciuiam  
Tu bellicosa, & efferata pectora  
Macedonum amabile sub iugum fando trahis  
Vrbem subactis Theſſalis cognominem  
Nec non Philippos integros uitæ, quibus  
Tunc ulla uix Gens conferenda moribus  
Neq; ſanctior, neq; firmior uixit Diu.  
Tu tetricam; indomabilemq; atrocium  
Ferocitatem Dalmatarum mitigas  
Nec non Iberos, uſque Luſitaniam  
Tu poſt tot urbes undiq; aſſertas polo  
Etiam potentem & inclytam Romam petis  
Vbi uitiorum inutilem radicitus  
Siluam reuellas, conſerensq; germina  
Feliciora, Dæmonum ludibria  
Præſtigiasq; tolleres, ſolo crucis  
Signo ſalutiſeræ, omnibus templis dato.  
Sed quis labores, carceres, plāgas, uias  
Quas tu coronas arbitraris aureas.  
Quæ ſola honori, & gloriæ adſcribis tuæ.  
Famem, ſitimq; , nuditatem, & frigora,  
Terræ, marisq; & Annium pericula,  
Moleſtiarum magnitudinem, neces  
Tot imminentes ſemper in cedem tui  
Atque alia acerba, & aſpera inuietus malis  
Quæ pertuliſti, enumeret; ut Chriſto genus  
Mortale ſanctis inſtitutionibus  
Rite erudires; Caritatem, & Fidem

Et spem salutis nuntiares omnibus  
 Toto orbe sparsis gentibus; Donec Nero  
 Abominandum nomen in caput tuum  
 Seuiret execrabili impotentia.

Sed quo imperitus prouehor uires supra  
 Cur magna paruis facta Comminuo modis?  
 Non mille si sint ora, uox ahenea  
 Laudesq; uirtutesq; percurram tuas.

Salue o Beate, grande cœlitum decus  
 Salue, bonusq; & plurimum felix tuis,  
 Dum proxima ora maximi optimi Dei  
 Coram tueris, hic memor clientium,  
 Tot si Coronis non semel flexo genu  
 Tibi accidentes templa adoramus tua  
 Ad uorticosi Tybridis ripam sita,  
 Si commoueri hunc uideris mortalium  
 Vel scelere, uel delicto, ubi imbecillitas  
 Obstare nostra non uolet; terræ genus  
 Sanguisq; Adami qui miselli dicimur  
 Nobis benignum supplicamus effice,  
 Ne contra Aristas, aura quas leuis rapit,  
 Tanti occupetur Numinis Potentia  
 Mox O Piorum cura te tangat, sacra  
 Ut rite procurentur, & hoc seculo  
 Tam turbulento denique tranquillitas  
 Sit ulla prouidenda, & armorum quies  
 Quantum fauore & gratia uales pater  
 Adesto Iulio obsecramus Tertio,



Quem nuper elegere Patres optimi  
Antistitem, alti Numinis Vicarium,  
Animo uigentem, mente sincerum, & opere  
Omni efficacem, sedulum, atque prouidum;  
Quo cuncta saluo suppetant felicia.



AD CHRISTIANISSIMUM  
 REGEM HENRICVM  
 PIERII VALERIANI LVSVS.

**H**ENRICO Liber Inclyto futurus  
 Donum quàm tibi sit superbiendum  
 Nosti, qui manibus peritiorum,  
 Quot quot Gallia tam erudita nutrit,  
 Euoluere, legere, amaberisq;  
 Ut mores Domini optimos sequuntur,  
 Ut sunt pectore candido, integella  
 Ut sunt mente, animum ut gerunt benignum,  
 Ut sunt iudicio seuero, & acri;  
 Castigatior, elegantiorq;  
 Factus inde, Beatulus ualere  
 Rescribe ad socios, ut erubescant,  
 Quis tantum uetutum est politionum.

Theodoro Gaza defuncto.

Roma olim abstulerat Graiæ decus omne Mineræ  
 Siue opus ingenio, siue opus arte foret  
 Gaza autem Argiux Clarissima Gloria gentis  
 Reddiderat Patriæ nunc spolia illa suæ.  
 Dumq; pari Ausoniæ conatu consulit, & dum  
 Musarum & linguæ Dux utriusq; uiget,  
 Sublatus fato traxit secum omnia, & uno hoc  
 Spes Italum, & Graium Fama cadente, cadunt.

Ad Augustum Valdum Patauinum

Quid Diuum, atque hominum fidem subinde  
Inclamans odiosius fatigas  
Conquestus sine præmijs Labores  
Musarum innumeros perire nobis  
Nil auguste tui memor Platonis,  
Vt qui hæc præmia digniora Musis  
Et terram magis æstimes Olympo  
Est uirtus precium sibi, appetenda  
Pro se se ipsa, nec indiget caducis  
Quæ uulgus bona ducit, hæc supremus  
Aeterno ordine Iuppiter suismet  
Discreuit digitis Polum, atq; Terram:  
Hinc Corpusq; , animumq; , & alligauit  
Hunc coelo, illud humi, simulq; legem  
Mansuram statuit. Neque hic caduca  
Neque illud supera appetat, neque unquam  
Qui contra ausus erit Beatus esto.  
Quare hoc stet tibi, qui alterum expetiuit  
Sit contentus eo, qui utrunque poscat  
Is Diuum, atque hominum incitabit iram.

Ad Iulium. II. P. Max. de Io. Franc. Ro-  
boreo Nepote eius disputante.

Iuli, Maxime Pontifex, benigno  
Cui felicia siderum fauore  
Cedunt omnia, & hoc tibi addiderunt  
Fata, uni tibi debita, ut uidemus,  
Quod seruare modum elegantiamq;

Non tantum studia hæc politiora  
 Verum illa asperiora, & exoleta  
 Iamdudum incipiunt, nouumq; leges  
 Nostro ostendere seculo nitorem  
 Nempe in Roboreo tuo Nepote  
 Francisco, iuvene optime Erudito;  
 Quem legum laqueos modo explicantem  
 Mirata opstupuit diserta Roma;  
 Quem si mollia fata, teq; seruant  
 Vt felix erit, ut Beata Roma  
 Quæ per te imperium augeat, per illum  
 Doctrinam, & sapientiam resumat.

Hyacinthum ad Literarum  
 studia adhortatur.

Cur ita, cur auro fugitas Hyacinthe ligari  
 Quo sine splendori gratia nulla tuo est?  
 Nanq; nisi in oculis Musarum conderis, ingens  
 Ille nitor paruo tempore fuscus erit.  
 Quem Nebulæ obducent tetræ, rubigo Maligna  
 Exedet, & nulli postmodo pulcher eris.  
 Quod si te Musa precioso incluserit auro,  
 Accrescet docta summus ab arte nitor.  
 Nec populi digitos, sed Regum ornare Coronas  
 Atque Deum poteris frontibus ire decus.

μία ψυχὴ δύο σώματα.

Vnam Animam, & Corpus geminum qui dixit Amorē  
 Ore uno geminas uult animare Tubas  
 Sed Pietas, & uera Patrum sapientia certam

Edocet esse animam, Corpori utrique suam.  
Nec Paritas facit ulla, uel omnis ὁμοιομερείᾳ  
Vt, duo quæ numero sint, ea in unum abeant.  
Nec te adeo, rerum quæ fertur ὁμοιοσύνη, fallat  
Ignem igni ut iungat quis, uel aquam det aquæ  
Verum Animam inuenias Animæ ceu glutine quodam  
Coniungi. Id quotiens oribus ora premas.  
Ergo nota una potest dictum emendare Platonis  
Nempe ubi scriptū olim σῶματα; fac σόματα.

Petrum Donatum Auogarum

Veronen. salutat.

Et si tempore destituta longo  
Sis mi Pieri, quam ualere iussi  
Addictus studio seueriori  
Qui cum nec tibi conuenit, nec illi  
Tecum; ab non adeo feras grauate  
Vt nolis quoniam semel repulsa es,  
Lusura in ueterem redire Scenam,  
Tantisper rogo donec Auogaro  
Dicam nomine de meo Salutem,  
Cuius ingenium, eruditioq;  
Non solum mihi at omnibus Poetis  
Quot quot Castalijs rigantur undis  
Magna innotuerit celebritate.  
Hunc nosti uideo, & libenter ora  
Obducta horridulo situ polires  
Sed nil proficis, usque & usque inhæret  
Neglecti Nota pertinax nitoris

Vt cunque, I tamen, I, benignitate  
 Freta eius facili, nec obrigesce  
 Tantisper rogo, donec Auogaro  
 Dicis nomine de meo Salutem.

Exultat Actio Sincero

Viso ex facie.

O faustos hodie meos ocellos

Queis tantum licuit uidere pulchri  
 Ut nunc subsiliuntq; , gestiuntq;  
 Ut cordi, utque Animo, intima ut medulla  
 Spargunt illecebras petulciores  
 Queis demum licuit Videre amatam  
 Illam illam faciem optimi Poetæ  
 Acti, qui Italicum melos poliuuit,  
 Acti, qui columen chelys latine  
 Qui summum decus Attici est Leporis.

O Faustos hodie meos ocellos.

Pro quodam sub Amynthæ nomine.

Phœbeego quem stipula puerum resonare docebam

Inter oues, inter fortia terga Boues.

Nunc calamos ausus cera coniungere plures

Capripedem docta prouocat arte Deum.

Ille indignatus crispata Nare superbit,

Et iuuenem telis obijcit inuidiæ.

Ergo omnes unum Pastores dentibus atris

Dilacerant, ut ouem turba odiosa Lupi.

At licet illi tua fortis uirtute resistat

Attamen, ah numero scilicet obruitur.

Phœbe tuum defende decus, tua pignora Amyntham  
 Et iuuenem impuris Eripe de manibus.  
 Fige age, fige atras colubras iustissime Pœan  
 Disspereatq; tua liuida turba manu.  
 Tunc tibi de Vitulæ fusum ceruice cruorem  
 Lætus odoratis sparget Iola focis.

De Valdesio Hispano.

Dis, iuuenis, pulcher qui sit, nisi prorsus & Amens  
 Sit, nunquam is gentis iure Beatus erit,  
 Dis, iuuenis, pulcher fuerat Valdesius, Amens  
 Si foret egregium, conspicuumq; putat.  
 Stultitia ergo omnes longe ut superaret, ab alta  
 Turri, sponte sua Præcipitatus obit.  
 Hoc est quod memorant omnes, pulchrum esse, decorūq;  
 Extremum insigni Morte notare diem.  
 Hispanis uix ante suis qui cognitus ibat;  
 Romæ omni, orbi omni nunc memorandus erit

De imagine Iulij A. I. P. M.

Quo quo tam trepidus fugis Viator,  
 Ac si te Furæ ue, Gorgones ue  
 Aut acer Basiliscus insequantur?  
 Non hic Iulius, at figura Iulij est.

Ad Petrum Cursium Carpinetanum.

Irascor tibi ualde amice Cursi  
 Sis carus licet, & bonus Sodalis  
 Irascor tamen, & mereris iram  
 Nam te cur adeant mei Libelli,  
 Si quales ueniunt mihi remittis?



Aut es inuidus , aut es imperitus ,  
 Qui nolis'ue , scias'ue inelegantes  
 Emendare seuerius libellos .

Sed nec inuidus es , nec imperitus  
 Verum amas nimium , hoc quoque improbandum .  
 Faceffas age , qui timens Parentem  
 In Natos facilem , uereris illos  
 Castigare . sed inquires putas'ne  
 Eosdem inscie liberos , Librosq; ?  
 At qui hoc accipe , Liberos , Librosq;  
 Cui toti placeant nihil placere .  
 Cui pars displiceat placere totos .

Ad Io. Claudium Marcellum.

Conueniunt omnes dolitum Marcelle , quod ille  
 Diues obit ; quo , Tu , sospite Pauper eras .  
 Verum ego gratatum uenio , quod Patruus ille  
 Diues obit , Cuius funere Diues eris .

In Funginum Magistratum .

Quem Prætorem hodie subito emicuisse uidetis  
 Mirum aggrauato ut Capite sic accreuerit ,  
 An tanti Nox una caput quæ demat , & addat ?  
 Idem iste Prætor nanq; heri Rhetor fuit ,  
 Responsum Antistitis Auari ad  
 Clientem querulum .

Sum Dominus quid enim quisquam de lege queratur ,  
 Quam mihi , quamq; sibi sanxit , habetq; ratam .  
 Esto mihi Dominus blanda præce sæpe rogabas .  
 Obsequor ecce tibi , quottidie DO MINVS .

Amatorium.

Sperabam ardorem mea Daphnia tollere demum  
Te mihi cernendi copia siqua foret.  
Copia facta mihi, uideo te mane, saluto  
Vespere, per totum Conspicor usque diem.  
Nil tamen ignis edax misero de more remittit  
Sed magis in uenis sæuit, & ardet Amor.  
Scilicet appositis stipulis incendia crescunt,  
Inq; oculos flamma hæc prosilit ex oculis.

ΔΥΧΙΑ.

Præualidus medium cultro per Guttur adacto  
Procubuit subita cede Iuuenus humi.  
Dumq; animam exhalat, surgitq; , ruitq; uicissim  
Abrupit funem, quo relegatus erat.  
Suppositumq; cadens Lanionem elisit, ubi ille  
Lubricus effuso in sanguine conciderat.  
Quantus hic in media si decertasset harena,  
Qui Percussorem mortuus interimat  
Iocosum.

Oscula posco, meis tu libas auribus aures,  
Nostra tuis tundens tempora temporibus  
Oscula ab ore puto ueniant, non oscula dicas  
Hæc igitur, dicas scilicet Auriculas.

In statuas Coritianas Sansouini opus.  
Quum tot ubique habeas spirantia saxa, tabellas  
Aeraq; ; Vita quibus ni sit, inesse putes.  
Cur tantum tria ducta uno de Marmore signa  
Anna Auia, & Mater uirgo, Puerg; Deus.  
Ingenia

Ingenia incendunt hominum stimulantq; Poetas  
 Quot Roma, atq; ingens ambitus orbis habet.  
 Nimirum uis hæc delubri à Numine fusa est,  
 Scilicet est tanti sacrum habuisse locum;  
 Namque Augustini ingenium, & facundia, & ardens  
 Illa adeo pietas, atque amor ille sacer  
 Hanc mentem inspirant cœli de uertice, uirtus  
 Vnde hominum, unde Deum non moriatur honos,  
 Sic Coriti æternas sic Sansouinus honorem  
 Tu, quod ea ære tuo feceris, ille manu.

In Easdem.

Frustra suspicis Otiosa Turba  
 Frustra aurem tribus admoues figuris  
 Annæ, Filioloq; , Filiæq;  
 Sunt hæc Marmora, quæ loqui arbitraris,  
 Donum Coritij, Arsq; Sansouini.

In Easdem.

En hic Blanditias auiti Amoris,  
 Et cum blanditys preces uerendæ  
 Nymphæ, quæ populum, Patresq; Nato  
 Commendare uidetur, & labores  
 Romæ congemere, & dolere acerbos.  
 Vt nos marmoreos piùmq;, fasq;  
 Non admittere protinus queruntur,  
 Vt nostri miseretq; & hunc, & illas.  
 O Vox, o Numeri, o beata Verba  
 Sed quæ non licet auribus profanis  
 Audiri, Audierint Pi, Probiq;.

Estote procul improbi, impijque.

Ad Iulium. 11. P. M.

Præsul es, unde trium capiti accessere repente  
Litterularum Apices, nuper enim exul eras.

Ad Petrum Melinum.

Romulei certant lepidò certamine Vates

Nominis ecqua uiget congrua causa tui.

Nam qui ex te norunt manare Poetica Mella

Mellinum à merito nomen id esse uolunt.

Atque alij malunt Correpta parte Melinum

Dicere, Pegaseum quot Melos ore canis.

Sis quodcunque uelis nullo discrimine amandus

Seu mihi Mellinus siue Melinus eris.

Omnia Congruerint. Tanta dulcedine carmen

Pangis, & oranti spargis ab ore Melos.

Ad Nic. Abstemium de Roma relicta

Ecquid Nicoleos moratur ille

Ille Abstemius optimus sodalis

Votum soluere pro suo sodali

Quem saluum sciat esse, quem reliquit

Mari in fluctifono tumultuantem,

Infida in rate, peierantiori

In Ponto, siquidem miser secabat

Fracto remigio, rudente trito,

Clauo deficiente, uelo adeſo

Vndarum satis, & nihil secundo

Vento fretus, ut ergo fortis ille

Ille Pierius tuus sodalis.

Audax, strenuus, impiger, feroxq;  
 Ponto se ueluti è carina Vlyßes,  
 Sponte credidit, & fauente Ponto  
 Sinu Parthenopes receptus, olim  
 Tabentes reficit supinus artus,  
 Indulget genio, omnium laborum  
 Oblitus, super omnia hoc Beatus,  
 Quod in spem medium retexit unguem.

In tres . Iulij . I I. Proceres Domesticos

Eiectus unus est Patrum edicto graui  
 Ferro necatus alter usque adeo impius  
 Tertius utrique par ademptus inedia est.  
 Nam iure, ui, uel sponte male obeunt mali.

Ad Andreæ Maroneum

Olim erat in precio ingenium exercere canendo  
 Principibus Terræ, Præsilibusq; Poli.  
 Nemo etenim Vatum tunc non donatus abibat,  
 Ut canerent alij; ne canerent alij  
 Nunc alia studijs causa insudare necessum est.  
 Atque olei, & chartæ perdere quantum habeas,  
 Docte Maro. Ut si quid possis donare Beatis  
 Comiter accipiant, cætera non rapiant.

Ad Petr. Melinum,

Meline quis hanc impudentiam ferat?  
 Vicinitate nominis  
 Scortum impudicum, & deuium meam, meam  
 Se iactat esse Daphniam,  
 Quam tu mearum conscius rerum diu

*Frustra laboras noscere.*

*Proh proh Deorum, proh fides mortalium*

*Quis esse ait se Daphniam?*

*Sic stella ceu sit Stellio turpis tumet,*

*Sic Aspis esse Iaspidem.*

*Inepta sic se Musca iactat Muscam,*

*Et Glauca se Glaucopida*

*In Helliconem Malignum,*

*Mortalium quod Hellico nullum putat*

*Probum esse, uel peritum, & omnes comparat*

*Scopis solutis, siue quid sit Vilius*

*Seu litterarum studia, seu negotia*

*Priuate, publicaeue sequantur. Hunc putes*

*Malum hominē, & improbum, Immo iustū, nā facit*

*Recte hoc, probeq;, & Talionis nomine*

*Paria rependit. Nam quis est Mortalium,*

*Si de Hyllicone sermo habetur uspiam.*

*Qui bene loquatur, aestimet, uel sentiat.*

*De Anguillina Petrei Aspri*

*Amica.*

*Infelix genus omnium ferarum*

*Et Cicur genus omne amoris ergo*

*Nectantum hinc rabidi aestuant Leones,*

*Galliq;, Accipitresq;, Passeresq;*

*Sed Cornu ipse Caper Caprum laceffit,*

*Sed rostro ipsa patrem impetit Columba*

*Omnes de Coitu ferocientes.*

*Anguilla unica in hoc Beata uiuit*

Quæ prurigine concitata, se se  
Si Petræ atterat, eleuat furorem.

Ad Leonem. X. P. M.

Quando occasio uenerit libenter  
De te Valleriane promerebor,  
De te, & de Patruo tuo integello  
Vt dixti Leo Pontifex, per omnem  
Terrarum, & Maris ambitum Tabellas  
Dimisi, ut quibus illa delitescat  
Rescirem latebris, ut huc pararem  
Hanc ductare precando, & obsecrando.  
Ni locus precibus meis pateret  
Adiuuante necessitate dura.  
Illam ui traherem. Attulere at omnes  
Ne frustra Pater optime, hanc per orbem  
Pergam exquirere, Nusquam ea est locorum  
Ni pugno lateat tuo, quis ergo  
Quis tantum ausit, ut Hercules uerenda  
De manu uelit inuolare Clauam  
Ni sponte innuerit ue, cesserit ue.

Ad Siluium Laurelium.

Nunc demum usque superbiant ocelli  
Queis uidi Melitenq; , Ianthidenq;  
Obtutus Meliten meos ferentem  
Cum risu, sed Ianthiden fugacem.  
Vt. tot præteream meos Sodales  
Caros, unanimesq; , candidosq;  
Lati ergo & merito beati ocelli



Queis demum datur id quod appetebant  
Tam dulcis animasq; , spiritusq;  
Haustu sugere tam famelicofo  
Post incommoda mille, quæ dederunt  
Montes Allobrogum , & uia molestæ.  
O felicia cordis , o beata  
Receptacula , sanguinisq; fontes  
Dulci hoc sanguine, & hoc Lepore amœno  
Intincta, oblita, fascinata , At , o , si  
O cōtantius , hæsitantiussq;  
Detur auribus hoc amice Silui  
Sermone omnium, & omnium facetis,  
Argutisq; iocis frui , ut repente  
Pulsa Barbarie , infacetijs q; ,  
Fiam totus Amor , Leporq; totus.

Amatorium.

Sidera sunt oculi, frons est Aurora in amica ;  
Quam pereo, Labra Mel, Ambrosia ipsa Genæ  
Si me respiciat, si non, sunt fulmina ocelli,  
Frons tenebræ, Labra fel , Taxus amara Genæ.

Ad Oct. Roscium Bonon.

Vnde hæc improbitas Octavi, & dira libido  
Vllo unquam studio ne satur esse queas.  
Musicus, Astrologus, numerosæ mensor Arenæ  
Facta hominum , & mundi uimq; , Deumq; doces.  
Sanctarum ut taceam tam magna uolumina legum  
Quæ perlecta semel percipis, atque tenes.  
Scis punctis signare manus, & ab igne ciere

Dæmonas, & certis æra beare notis,  
 Quin etiam rebus non aspernandus agendis  
 Lingua es in urbe potens, & foris ense ferox.  
 Ausus & imperium Romæ affectare, nisi ipsa  
 Maiestas tanti Compatriis obstiterit.  
 Verum hæc, seu magnum ingenium, seu sidera suadēt  
 Ipsa eadem, quibus est summus in orbe Leo.  
 Iam fuerint toleranda; uno quod mense Poeta  
 Prodieris superat prodigij omne genus.

In Maximum, Prætorem.

Quod non audita decernis parte, uidendum est;  
 Aequus utrum iudex Maxime sis, an Equus.

Ex Hadriani Cornetani scommate

In Soderini Auaritiam.

De Soderini Cardinalis Aedibus

Productus ad Leonta Cattellacius  
 Homo pusillus, tenuis, ossa scilicet  
 Cui sola pelli conuoluta cerneret.  
 Venter tamen ualens, qui ut enormissimæ  
 Voracitatis ederet spectaculum  
 Ita est iocatus Drammatis præludio,  
 Centum Oua cruda deuorauit, quattuor.  
 Mazas trilibres dulciarias, Decem  
 Patinas omasi, e uictima testacea.  
 Sex pondo panes addidit, sed ebibit  
 Vini octo tantum Corsici sextarios.  
 Professus hoc sibi esse pro ientaculo.  
 Leonte, & Aula, & omnibus mirantibus.

Tum Cardinalis Hadrianus Bellulus ;  
Quippe in leui re qualibet facetulus  
Mirarer inquit id ego magis, ubi domo  
De Soderina quispiam exiret satur .

In Sex. Propertij antiquum caput.

Ergo hæc illa boni facies ueneranda Propertij  
Illa oculis facies semper amanda meis  
At non artificum ingenio , aut mortalibus ausis  
Facta hæc effigies, munus opusq; Deum est.  
Siue Amor hanc, siue alma Venus, seu docta Minerua  
Rarum à Vulcano pignus amoris habent.  
Qua super, ut quondam de Malo (ita dictat Apollo)  
Certauere diu Cypria, Pallas, Amor.  
Ast modus est pugnae impositus Ioue iudice tandem,  
Si rarum hoc Vates Fuscus haberet opus.  
Adsensere igitur , neq; enim in Mortalibus ullus ,  
Cui tantum aspirent Cypria, Pallas, Amor.

Amatorium.

Post messem mos est stipulam dispergere in agros  
Quæ cinis in flamma fiat, in imbre fumus.  
Sum stipula ante oculos Dominae, & siue igne perustus  
Aruerim, liquidis tabuerimue genis  
Vno eodemq; modo, ut tellus pinguescit utrisque  
Igne uel imbre , mea est Daphnia læta nece.

Amatorium .

Tempore sperabam duros mollire Labores  
Si uel pulchra minus , uel minus aspra fores .  
Tempore Marmaridum immanis cadit ira Leonum

Tempore fortis equus desinit esse ferox.  
 At Tibi succrescit species crescentibus annis,  
 Et mihi crescit amor, crescit ut ira tibi.  
 Nunquam igitur mihi finis erit, neq; meta laborum  
 Si nec habet feritas, nec tua forma modum.  
 Si magis ipsa places, quo grandior ingruit ætas,  
 Si quo pulchrior es, sum magis ipse miser.

In Fabullum Inuidum.

Carmina adhuc fuerant nobis paucissima, cum me  
 Laudabas ac si spes Patriæ una forem.  
 Nunc opus auctum adeo est, multoq; uolumine creuit,  
 Et magis excultum, quam puerile fuit.  
 Iudicium accessit cum succrescentibus annis,  
 Atque aliud melius me docet ipsa dies.  
 Cur autem uideor tibi dediticisse Fabulle?  
 An quia non ita tunc inuidiosus eram?

Amatorium.

Ardorem cupiens meua leuare  
 Argentem Erydices manum fouebam  
 Hinc noua exilit repente flamma  
 In uolam, in digitos, & inde in artus  
 Proserpens iecur arsit, & medullas.  
 Miremur fieri è gelu tot ignes,  
 Densa e grandine fulmina emicare.  
 Et tamen gelida experimur unda  
 Calcem incendier, & ciere flammæ.  
 Sic, Quicumque amat, urier paratus  
 Vel tacta niue fulmen excitabit.

De Perpetuando Archipræsbyteratu nouo  
in Ecclesia Bellunen. Ad Reueren=  
dissimum Iulium Card.  
Mediceum.

Erexit Vrbe in patria nouam mea

Ornaret ut me, dignitatem Pontifex,

Soli Potestas cui fuit, Frater tuus

Leo, suasu scilicet motus tuo.

Mihi hoc honoris unico tamen dedit

Sub lege, mecum extingueretur ut simul,

Nec postmodum quisquam esset Archipræsbyter.

Agnosco uero gratias magnas tibi

Iuli, Opiorum Purpuratorum Decus;

Sed quamdiu & dum uixero, haud ultra mihi

Datum hunc honorem non placet, uerum ut loquar,

Nam Litterarum ad studia qui se conferunt

(Forte unum id omnes fallimur) quod deputant

Se se esse uicturos, etiam ubi stamina

Abrupta cessent, quod mihi si det Deus,

Vel sors, uel ardens in studium id industria,

Post obitum ut ista luce adhuc pergam frui,

Licet sepultus, non ero Archipræsbyter?

Ne oblitteretur ergo munus Principis.

Vt dignitas Aeterna sii decernite.

Ruffi Archiepiscopi Cosentini Philomela

Auicula Tumulata.

Non mihi non Ruffo fuerint mea fata dolenda

Si mihi, si Ruffo, Mors mea, fama fuit.

Nam mihi pro meritis decus immortale paratum est ,  
 Pro meritis Ruffo Laus sua, parq; decus .  
 Sic mea me tumulo Virtus decorauit , adeptus  
 Grati animi nomen Ruffus ab hoc tumulo.  
 Viuo ego nunc Musis, quibus est comes additus ille  
 Et Vatum in linguis laus utriusq; uiget.  
 Donec erunt Musæ Philomenæ uita manebit,  
 Donec erunt Vatum Carmina, Ruffus erit.

### Horologium.

Dinumerare oras studium est laudabile, nempe ut  
 Frugi aliquod quoquo tempore fiat opus .  
 Sed nisi constiterit quid quælibet afferat hora,  
 Damnum, nescire hanc præterijisse, leue est .

### Bergomatibus.

Amœna salue Bergomum, situ pulchra  
 Venusta, delectabilis; Salubriq;  
 Cælo, & Virettis undecunque iucunda,  
 Passim irrigata fertilis aquis campos;  
 Hortis, segetibusq;, & beata uinetis .  
 Quod ni mihi una dura sis, & aduersa  
 Dum litibus me affligis; & forum, freta  
 Dolis, & inficiationibus, uitas,  
 Non ulla te una Ciuitas magis clara  
 Ad sidera ornatum erigat caput, quotquot  
 Celebres fuere urbes, ab Alpibus summis  
 Quæ spatia cingunt adeo lata Terrarum,  
 Ad usque littus utriusq; Neptuni,  
 Quod supra, & infra alluitur. Ipse enim Phœbus,

Qui semper aſſit Vatribus ſuis , omnes  
Fidium apparatus in tuam explicet laudem ,  
Et reddat immortalem, & inferat cœlo  
Nec Bellafinis, nec Beretta, nec Paſſi  
Fratres, nec Albanus , nec alius è primis  
Nec decora Præſulum duo , Viri inſignes  
Maior, minorq; Lippomanus indignam  
Vicem dolerent cari Amiculi ; demum  
Nec Saluiatus integerrimus Præſul.  
Is litteratorum, atque Purpuratorum  
Summum Decus , ſcelus improbaret hoc, quod ni  
Hoc erubeſcas Bergomum , & uiros tales  
Contempſeris mente excidens, Vale prorſus  
Nec pulchra, nec uenūſta, nam nihil tota es .  
Quæ iuſta Cœlum laudibus laceſſiſſes ,  
In Bloſij Palladij Sympoſium, poſt  
Romam Reſtitutam .

Viuimus en miſeræ poſt ſæuâ incendia Romæ,  
Totq; neces , peſtes , exitij omne genus  
Reliquiæ immanis Germani , immitis Iberi  
Viuimus, & nondum funditus occidimus.  
Extinctas ſiquidem Bloſius nunc ſuſcitāt aras ,  
Inſtauratq; tuos docta Minerua choros .  
Iam licet ingenijs ſe attollere , ſiqua iacebant,  
Amiſſæ ut uideant lætitiæ eſſe locum .  
Nam parat is doctis Conuiuia læta Poetis,  
Et iubet omnem Epulis his procul eſſe luem.  
Gaudiaq; & riſus , dulcesq; inuitat amores,



Et Genium, & Citharas, atque salem, atq; iocos,  
At uos mansuras æternum hic figite sedes

Et Venus, & Veneris delicioſa cohors.

Læta charis, Bacchusq; hilaris, formoſus Apollo,

Et, poſitis alis, pulcher Atlantiades

Laur. Puccius Card. ad Poſteros.

Ne me infelicem Mortales dicite, quiſquis

Vel minimum ingenio, pectore, mente, uales.

Seu uitam inſpicias & ſancte, & puriter actam,

Seu noſtra cunctis commoda facta manu.

Seu conſulta Patrum, ſeu leges, iuraq; , peſſum

Subſidio noris non abiſſe meo.

Seu totiens noſtra adiuta eſt Reſpublica ſumptu

Priuatusq; operam Principis exhibui.

Quod ſi ſola Deis bonitas nos æquat & aſtris,

Me mea ſupra homines me benefacta beant;

Adde meam tantum effigiem, mutaſſe figuram

Deq; Sene in Iuuenem tranſiſſe nouum.

Perq; manus titulos caro tribuiſſe Nepoti,

Inclſyta qui noſtræ proroget acta Domus.

Ergo qui noſtra doleat de morte, dolebit

Phœnicem, nato ſe renouante, mori.

Ad Alexandrum Medicem, Florentiæ

Ducem. De bono Principe.

Quæ te legendo, Principem ut præſtes bonum

Docere poſſint ſcripta Alexander cupis.

Dicam duabus nil moratus, uoculis,

Quæ Regem eum putant, regere qui ſe ſciat.

Hoc primum, & hoc secundum, & hoc est ultimum.  
Nam quem iuuabit, qui sibi est inutilis ?  
Exinde posco perlegas quæ Principes  
Malos nefandis execrationibus  
Amoliuntur, perditos Mezentios,  
Turpes Neronēs, Iulianos impios  
Sullasq; sanguinarios, Antonios  
Stultos, & his est siquid impotentius,  
Vt quæ legenti displicere noueris,  
Eadem super te posse dici abhorreas.  
Nam qui potentem laudibus colunt uirum,  
Non qualis Is sit porro tradit quispiam,  
Sed qualis esse debeat, talem canunt.  
Vasri, catiq; . usque adeo atrox periculum est  
Aperire nudam ueritatem Regibus .  
Verum hinc, & illinc qualis esse quæritas  
Disces, potenti ut excitatus Numine.  
Hinc sæpe quod non audeat quis proloqui  
Videre, & obseruare dabitur; proprium  
Quod facere tibi possis, & uti æque ac tuo.  
Pelle improbos, scelestos, atq; subdolos.  
Nunquam timento te tui, at timeant tibi.  
Tunc mi esto Dux, Rex, imperatorq; optimus  
Amatorium.  
Quid mihi, qđ me ita ames, qđ amari es certa qđ ultro  
Basiolum hic, illic ferre parata mihi es.  
Si me, si te oculi obseruarint quattuor; inde  
Dura anus, hinc tristis serua, seuera nimis.

Quæ tibi ut argus semper inhaerent, scilicet ut non  
Sit mihi, nec tibi fas ex animo uti oculis.

Horum oculi lucem non sunt à lumine adepti  
Stellarum. Ignem atro de phlegethonte trahunt.

Vsque adeo, quosquos semel inspexere, tenebris  
Obscurant, cæco peruoluuntq; chao.

Atq; hos, atq; tuos perdunt. sed nos quid agemus?  
Lux mea uti uideam, tu quoque uti uideas.

Audendū. Erue ab hīs duo, et eruā ego hinc duo; ita ho  
Aggrediamur. Amor uimq;, animūq; dabit (stes

Quid mage terrificum est sæuo inclamante Leone  
Cum fremit; & cauda terga, uterumq; quatit.

Hic tamen obiectu tenuis stupefactus Amictus  
Lanigera quauis mollior est pecude.

Audendum. Tentare licet quæcunque uetat lex  
Vt Viuas, ut sis Liber, ut Imperites.

Nelphi Taruisini fatum miserabile.

Nelphus Euganei dæcus

Hem certaminis occidit;

Qui tot robora militum

Strauerat modo fortium,

Victor conto & equo ferox,

Miles insuperabilis,

Membris quisquam igitur suis

Fidat? impenetrabilis

Sit licet Gladio, Phrygem

Qualem fama canit Cygnum;

Quem genu, & clypeo obrutum

*Acer Aecides necat.*

*Versus in tot imagines*

*In Suem, in Colubrum, in Canem*

*Vt Periclymenus neci*

*Iam uicinus erat, fuga*

*Subdola Herculeas manus*

*Eludebat, at illius*

*Telo deniq; concidit,*

*Postquam se Aetherij Iouis*

*Demutarat in Alitem.*

*Milo fortis & impiger*

*Viribus perijt suis*

*Robori ut bisido manus*

*Abdidit Temerarias*

*In prædam expositus feris.*

*Hic malo perijt dolo,*

*Cui Papauere Cassida*

*Tincta est somnifero. Mori*

*Cuius fortis & inclyta*

*Virtus non poterat uigil.*

*Nostra spes ubi sistitur?*

*Parca qua subeat uiam*

*Novit, omnia ut auferat.*

*Cuncta deniq; eunt suis*

*Fata casibus obuia;*

*Sole qui fuerat nouo*

*Summus, occiduo in loca*

*Pessum corruiat infima.*

*Ad*

*Ad Integerrimum Torquatum Clarissimi*

*Bembi . F.*

*Quid o quid tibi gratulantur omnes  
Torquate ? An iuuat esse Purpurati  
Nunc Gnatum Patris ? o inane uulgus  
Atque idem insipiens , & infacetum  
Si adiungi decus hinc tibi arbitratur ,  
Qui tua satis indole enitebas .*

*O mage insipiens , mage infacetum  
Si patri putat huic tuo ex rubenti  
Tantillum decus additum Galero  
Qui suo satis inclytus uigore  
Dat non accipit unde sit Beatus .  
Quod si cui libeat bene ominari  
Age hanc dicite Purpuram beatam ,  
Quæ tantum induerit superba Sidus .*

*Ad Nep. suum Nicolaum  
Choraulum.*

*Nepos Choraule quæris hosce quid dies  
Octo decemq; fecerim.*

*Dum te peregre opella conduxit fori  
Collimitandis finibus.*

*Futurum amatis alpium colonibus  
Fauori , & usui tibi ,*

*Ego antequam discederes iam occeperam  
Ringi , oscitare , horrescere*

*Mox leniori febre , & inde acerrima  
Decem hos laboravi Dies*

*Sed absque ( quis hoc crederet ) molestia  
Me uisitante Sontio .*

*Cuius Choraule talis est suauitas  
Sermonis, & tantus lepos ,*

*Vt , quo fruaris homine , seu facetias  
Seu dicta promat seria ,*

*Præstaret ægrotare mense quolibet ,  
Vel quinque, uel septem dies .*

*Ad Iulium Aldionium Bellunen.*

*Medicum præstantem .*

*Iuli Aldionia in domo futurus*

*Et Laus, & decus , ausus occupare*

*Impubis Cathedras uetustiorum,*

*Vnde & fulgura, & ignium nitores*

*Torqueres , animosq; iuniorum*

*Explicans Aphorismicas latebras*

*In lucem ex adytis tenebricosis*

*Claro lumine fretus euocares:*

*Deinde aggressus atrocium laborum*

*Debellare acies , statim Sorores*

*Quæ rerum arbitria omnium administrant,*

*Signo uix dato ad arma , terruisti .*

*Sed cur quæsierim quid hic , quid illic,*

*Pulchre feceris , & morer fateri*

*Quid mi præstiteris Benignus , ultra*

*Spem omnem, atq; fidem. o bene auspicatum*

*Cui tu uix opera trium dierum*

*Cessantem Podagram , indomabilem , acrem*

Tam belle, & sapienter expulisti.  
 Reclamantibus, abnegantibusq;  
 Voce una omnibus, Vllum in orbe nostro  
 Impactum hoc semel artubus uenenum  
 Posse elidere. Quando pensa id Vni,  
 Ius fatalia tempori dederunt.  
 Verum in me experimenta profitentur  
 Colum, stamina, forcipes ue diras  
 Nullum numen habere; ubi iuuetur  
 Quis Iuli ingenio, arte, cura, opellis.

Petri Marij Gradenici Liberalitas.  
 Principibus quondam Naturæ lege dabantur  
 Omnia, quæ fuerant optima cuiq; domi. (iēti  
 Quod si aliquē opprimeret Paupertas dura, Po  
 Quas daret, ē tenui flumine prompsit aquas.  
 Nos quoq; Præfecto debemus quidquid opimū,  
 Pingue, bonum, pulchrū, quisq; parare queat.  
 Omnia tu a nobis missa auersaris, ut is qui  
 Splendidus erga omnes unicus esse uelis.  
 Nosq; ita ab officio desistere cogis, ut unus  
 Liber eas, omnes æs alienum habeant.  
 Petre Mari quæ nā improbitas te mittere cunctis  
 Optima quæq; , tibi tu nihil accipias?

In Stertinijs statuam.  
 Hæc est imago Rhetoris Stertinijs  
 Quin non imago, uerus est Stertinius  
 Qui morte consecutus est hoc muneris  
 Vt uerus esset, quem putaramus, lapis.



AD IO. CORNELIVM FANTINI

Clariss. F. Epigrammata Græca, olim

a Pierio latina facta de-

poscentem.

Quid me Iane iubes studium puerile, tot annos  
Posthabitum, immemorem nunc renouare Senem.

Scilicet antiquos tibi uis me promere lusus,  
Et data Athenæ Romula plectra Lyre.

Hæc etenim tibi erant cordi memini, & mihi cordi  
Illud idem, noram quod placuisse tibi.

Multa quidem tunc uersa mihi pede libera ab omni  
Multa etiam iniectis undiq; Compedibus.

Nec satis interdum Græcis insistere uerbis;  
Sæpe etiam contra ludere lusus erat.

Sed iuueni illa quidem uix allatura decorem  
Nunc forte opprobrio, si repetantur, erunt.

Quid rogo quæ surgit nunc ætas aurea dicet?  
Nam nostra argento uix numeranda fuit.

Vestra quid, in ueras Flammata Academia laudes;  
Quæ patrocinio nunc uiget aucta tuo?

Cum nos uilia quædam, & inepta parasse uidebunt  
Ipsi Auro, Gemmis, Murice conspiciui.

Verum olim hæc, olim perierunt ludicra nobis,  
Scilicet ætati nunc magis apta tuæ

Esto, datum Vetulis equitare in harundine Graijs,  
Censura tamen hoc non licet Ausonia:

Sed puerum esse mihi tam grandi ætate uetat quis?  
Ante annos partes si Senis ipse rapis.

Quare age, quod tanto studio me possis, habeto.

Insanire licet uindice Amicitia.

Antipatri Thessali.

Polypus æquorea porrectus caute iacebat,

Sicabatq; udos Sole iuuante pedes

Nondum erat assimilis petrae color. Hanc Iouis ales

Intuita e nebulis protinus arripuit.

Implicita at tricis infelix mergitur undis;

Præda itaq; , & uita elusus uterque sua est.

Luciani.

Fundus Achæmenidæ fueram prius, inde Menippi,

Inde alium, atque alium mox Dominum accipiam.

Credebat sese possessorem ille, putatq;

Nunc alius. Demum Sors me habet una suum.

Isidori Geodoti

Gynnicus ut cepit Polypum proiecit in herbas,

Nempe timens cirris implicuisse pedes.

Incidit in leporem porrò hicibi forte iacentem:

Ah modo qui rapida effugerat ora canum.

Fortunæ hij lusus, capitur iam emissus, & is qui

Iam captius erat, mancipium ipse facit

Gynnichus ergo mari piscem concessit habendum,

Qui leporem uitæ præmia reddiderat.

Tullij Gemini.

Improbis, omniuoruscq; forex, qui nullius amens

Decipulae trepidus morte lucella parat,

Neruloquam Phœbi chordam corroserat, illa

Contracta elisit guttura prensa feri.

Quid Phœbi certos arcus miramur, in hostes  
Cuius certa etiam torqueat arma Chelys.

Zelotæ. ad Vict. Faustum.

Quorsum me a uentis radicitus extirpatam  
Pinum, iterum uentis credere Fauste paras?  
An quæ fixa solo sum uisa Aquilonibus impar  
Gurgite in infido obsistere posse putas?

Me uenti iam odere, mari non utile lignum,  
In terra quæ sum passa uices Pelagi  
In laudem Io. Aurelij Augurelli

De nouem Lyricis.

Præter rotundi uim fluentem Pindari  
Antiqua olores octo habebat Græcia,  
Suauiter canentem Barbiton Simonidem  
Et personantem molle Bacchyliden lyra  
Anacreonta uoce persuasoria  
Captantem Homeri dulce Stesichorum melos  
Sparsum cruore Lesbium Tyrannico,  
Sapphusq; pecten alterum Lesbi decus  
Alcmana tenero præferendum carmine  
Lasciuiores floridum uersu Ibycum  
Quorum sepultis inclitis laboribus  
Vno Augurello, quem uidet, legit, colit  
Cohors latina fido, & acri examine  
Vetustiorum damna habunde pensitat.

αὐδὴλον.

Quot quot mariti sunt, tot se esse naufragos  
Fatentur omnes, & maritantur tamen.

*Palladæ .*

Gnationum Pater es aurum , Gnatusq; laborum  
Teq; habuisse timor , non habuisse dolor .

*Additum.*

Sit procul ergo dolor , procul & timor . O ego uiuam  
Te sine lætius , & tutius , ergo uale .

*Luciani .*

Tota breuis uita est bene agenti ; at praua sequenti  
Vnica nox cui tempora longa refert .

*Meleagri.*

Ardentem ex utero Semeles lauere Lyeum  
Naiades extincto fulminis igne sacri  
Cum Nymphis igitur tractabilis . at sine Nymphis  
Candenti rursus fulmine Corripitur .

*Menecratis .*

Dum senium absistit senium exoptamus , ubi aſſit  
Angimur , accepto an nomen amabilius ?

*Menēcratis .*

Ignē ex Iliaco , telisq; hostilibus Heros  
Aeneas referens pondera cara patrem  
Argiuis , misereſcite , ait ; Sene præda retracto  
Parua erit , at Nato maxima ut extulerit .

*Zenodoti .*

Exculptum ad fontes quis consecrauit Amorem  
Ignem hunc forte ratus posse perire in aquis ?

*Zenodoto respondet .*

Propter aquas flammæ Dominum non fixit amorem ;  
Extingui hos ignes quod putet ullus aquis ,

P iiii

Sed quia uisceribus succensis unda ab ocellis  
Liquitur, estq; simul flammæ & aquæ Dominus.

Incerti.

Omnia sunt risus, puluis, nihil; omnia quæ sunt  
Ex hijs sunt igitur quæ rationis egent.

Responsum Seruatoris.

Bonum omne do petentibus

Simulq; non petentibus

Malum, neque id petentibus.

In Oribasij librum de arte medica.

Qui liber hic auro radians, ostroq; decorus?

Debitus hic Dio cultus oribasio.

Immortalem artem cuius cum ferre nequiret

Abiecit totiens stamina Parca furens.

Stratonis.

Curabat Capito uitiatum lumina Chrysen,

Qui stadijs turrin cerneret octo procul.

Atque hominem a stadio, Bissenis Ortyga ab ulnis,

Exiguum binis pædiculum a spithamis

Nunc urbem a stadio uix uno prospicit, & uix

Lucentem noctu per duo plethra Pharon.

A palmo uix cernit Equum, quo uisa Coturnix

Tramite, uix magnus Struthius excipitur

Quem Capito ulterius si curet, uix Elephantum

Tantum animal digito proximus aspiciet.

Mimnermi.

Tute animum exhilara. Ciues nam omnino loquaces

Vulgo te dicent ille malum, ille probum.

*Viuentum.*

*Vtendum est ætate, cito pede labitur ætas.*

*Hædus heri mollis cras Caper hirtus erit*

*Luciani de prudentia.*

*Consilium utilius lento ut pede fertur, at ardens*

*Præcepsq; ponè pœnitentiam trahit.*

*Clytemnestra ab Oreste*

*Iugulanda.*

*Quoquo machæram diriges?*

*Vtero, an mamillis? Is tulit*

*Te, nutrierunt alteræ.*

*Palladæ, duobus infantibus simul*

*editis, & statim*

*extinctis.*

*Prognata Grammatico, elocata nuptui*

*Inauspicato patris infausti omine*

*Maremq; sæmellamq; neutrumq; edidit.*

*Pro explicatione Ioci.*

*Prognata Grammatico Nurus*

*Vno maremq; & sæminam*

*Partu edidit statim perit*

*Vterq; Mater clamitans*

*Neutrum inquit hoc erit genus.*

*Dionysii Tarsensis*

*Tumulus.*

*Si cubat hic quisnam sine floris honore requiras*

*Tarsensem hic Tumulus me Dionysium habet.*

Ter uiginti annos uixi qui calibe uita  
Fecissetq; utinam sic pater ipse etiam.

Palladæ.

Fœminea est sors tota odiosa, duæ tamen horæ  
In Thalamo una iuuat, in tumulto una beat.

Vel

Fœmina tota odium est, horis tamen illa duabus  
Commoda. Concubitus hæc erit, illa obitus.

Leonidæ.

Quærens edaci corpori uagus cibum  
Claudum ferebat cæcus illi fænerans  
Pedes, ab illo fæneratus lumina.  
Quid non egestas dura mortales docet?

Platonis.

Astra inter colit astra Aster meus, o mihi detur  
Cœlum esse, ut te oculis pluribus aspiciam

Vel

Stella meus Stellis decus additus, opto ego cœlum  
Esse, oculis ut te pluribus intuear.

Eiusdem.

Olim inter uiuos fulgebas Lucifer, Hesper;  
Morte obita fulges nunc apud exanimos.

Iuliani.

Dum ferta Texo nactus  
Inter rosas amorem  
Hunc pinnulis prehensum  
Mersi in falerna, moxq;  
Omnem ebibi liquentem



Cui nunc meos per artus  
 Lasciuulo & petulco  
 Titillat uda pinna

Luciani

Si properanter edis, si lente curris, adhortor  
 Vt pedibus canes, ut stadium ore ineas.

Demodoci, ut in uulgatis  
 exemplaribus.

Hoc quoque Demodoci dictum. Chij mali, at illud  
 Non ita uti dicas Hic malus, ille minus  
 Praui omnes inquam; Proclean si dempseris unum  
 Et tamen idem etiam Chijus est Procleas.

Vt uero apud Strabonem

Hoc quoque Phocilydæ dictum Lerij mali, at illud  
 Non ita, uti dicas hic malus, ille minus.  
 Praui omnes inquam, Procleam si dempseris unum;  
 Attamen idem etiamnum est Procleas Lerius

Aeschili. in Dominationem.

Catulum Leonis alere in urbe non iuuat.

Magis cauendum ne Leonem nutrias;

Quem qui educarit, eius & mores ferat.

In Nemeleos effigiem

Vna manus cubitum prætendit, & altera frenum  
 Illa modum serua, Hæc admonet, os cohibe.

Lucilij.

Omnia ut historia est saltasti Marce, sed unum  
 Miror, & id magnum præteritum esse tibi;  
 Nam Nioben saltans lapides imitatus inertes,

Mox Capanea, ad humum Marce repente ruis.  
Astute at nimium in Canace. Nam cum ensis adesset  
Viuus abis Scena. Non id ut historia est.

In horas iure suo. F. G. H. I.

Horæ seueris quatuor negotijs  
Sunt subtrahendæ, uel Catone Vindice  
Quas si notare more graium litteris  
Velis latinis sexta nil, & septima  
Aliud monet, nisi, ut Fruare, & Gaudeas  
Octaua, nona q̃. Hilaritatibus, & Iocis.

Apollinarij.

Nil mouet, absenti quod quis mihi detrahat; ille  
Me male habet, præsens qui mea facta probat.

In Stratophontem Pugilem.

Post uiginti annos, Ithaci in sua tecta recepti  
Aeuo agnouit iners effigiem catulus.

Quattuor at Stratophon certasti cestibus horas;  
Ignorantq̃ canes te, simul & Populus.

Quod si etiam in speculo faciem conspexeris istam,  
Iuratus dices, non ego sum Stratophon.

Palladæ.

Filum habes, qui est alter amor, Venus altera coniux  
Es faber. ut merito Claudus utroq̃ pede es.

Poliani in feneratorum.

Tam diues auri disce cur pauperrimam  
Vitam trahas. namq̃ omnia

Das Fænorî, hinc fit ut habeas semper nihil  
Alius ut habeat plurimum

In Podagram.

Membrifrago, e Baccho, & de membrifraga Cytheræa  
Filia progenita est Membrifraga hæc Podagra.

Musonii Philosophi.

Si cum labore quidpiam recte egeris.

Labor recedit, recte factum permanet

Quod si iocose nequiter quid egeris.

Abit uoluptas, turpe factum permanet

Incerti.

Sunt Gratiæ tres, tu tribus superaddita;

Vt nempe possit Gratia esse gratiis

Ad idem in Leuces laudem.

Tres prisci charitas canunt Poetæ

Atq; unam Venerem, & nouem Camœnas

At Leuce Charis est, Venus, Camœna.

Ergo hæc quattuor, hæc duæ, hæc decem sunt.

Philodemi ad Xantippem. Nos uero

ad Flautam.

Pomum ego; quiq; tibi dat me, te deperit. audin'

Flauia. marcescam nempe ego, tuq; etiam.

Sophoclis de pecuniæ tormento.

Integrum ad nummos hominem ne dixeris ullum,

Quendam adimo, is quis sit, nondum etiam uideo.

Ad Idem.

Vir qui resistat integer pecuniæ

Ignotus est adhuc mihi;

Ni forte quidam sit, is quis nam fiet

Videre non dum est obuium.

139  
In amorem difficilem .

Fames amorem sedat , hæc si non ualet

Sedare , tempus eleuabit optime ,

Præstare tempus ni queat , laqueus potest .

Hipponactis , Aurum non suppressendum .

Siquis Domi recondat Auri plurimum

Ficusq; paucas , Comparetq; seruulos

Duos ue , tris ue , iudicabit illico

Auro domi præstare ficum plurimo .

Nicostrati , in Garrulitatem .

Loqui . Si indefinenter , multaq; , & uelociter

Prudentiam indicaret , utiq; Hirundines

Fortasse quàm nos sapere dicantur magis .

Aristophanis in Reipu. Turbatores.

Fecisti ut is , qui captat Anguillas , facit

Quieta cum sunt stagna uenatur nihil .

Sed cænum ubi omnem illac , & hac subuerterit

Captura magna est . Tu quoq; ubi perturbaueris .

Hinc ciuitatem & inde , plurimum Capis .

Epicbarmi in officia mutua

Næ manus manum fricabit

Da quid , auferes quid .

Sed enim illud uulgatum magis .

Manus manum digiti interim digitos lauant .

Nicander de partu Viperae

Dij meliora tibi , ne tunc incautus apertis

In Triuijs , cum forte acres Mas luridus atræ

Coniugis euasit dentes , & fulminis ictum

Vipereo occurras generi . Nanq; illa in apertas  
 Excipiens semen fauces, caput inde Mariti  
 Complexu in dulci abscindit ; mox damna parentis  
 Extincti fera progenies ulciscitur , aluo  
 Materna abrofa, & catuli sine Matre oriuntur  
 Sola etenim hæc animat foetū, reliquæ oua Colubræ  
 Per siluam excluduntq; fouentq; in Cortice prolem.  
 Philemonis . Edulia nimium extenuantia,

Atque per Iouem .

Innata petris obsoniola , capparin ,  
 Thymumq; , & asparagum , alia quoq; huiusmodi  
 Quam uereor extenuatione præ nimia  
 Ne me Cadauer exanimum humi deferant.

Pindari . pro uersutia

Age age colore Polypi  
 Mentem apparatus optime  
 In urbe qua uelis manere .

Theognidis.

Mentem habeas quam multiporus dum cautibus hæret  
 Polypus , ijs uitreo corpore persimilis.

Ad illud Antipatri De Platone. Nos de  
 marmoreo eius capite apud Belli  
 nos Venetijs .

Produxit Esculapium mortalibus  
 Apollo , corpus ut foueret languidum  
 Dehinc Platonem protulit sanctissimum  
 Animum ut foueret & beatum redderet ;  
 Qui mox peractis lege nuptijs sua

IO. PIERII VALERIANI BOL-  
ZANII EPIGRAMMA  
TA VETERA.

AD HIER. DONATVM  
V. CLARISS.

**D**ONATO cupis optimo Libelle  
Donari, Eximium eligis Patronum;  
Qui præter generis decus superbi,  
Et sortis bona; & inclytos honores  
Ornatissimus undecunq; fulget.  
Vates optimus: optimus Senator:  
Orator simul optimus, rotundo  
Doctorum celebrandus ore: quicquid  
Mortalem licet assequi affecutus  
Est feliciter, ingeni relictis  
Humani numeris. Deo propinquus.

Idcirco reuerenter hunc adito.

Sed cautus tamen ibis ad clientis  
Docti iudicium Tryphonis, ante  
Quam tanti Domini manum fatiges.  
Emunctus Trypho, & absolutus ille  
Ille est arbiter, an suo patrono:  
Cuius tam stomachum scit: ut suum met  
Donet te, an procul exigat notatum:  
Qui si te nitido probet lapillo,  
Donatus probet, & probent Camæna.

Hermolai Barbari

pictura.

Peregrine, Ciuis, Nate in urbe, & aduena

Quicumque adoras templa Musarum sacra :

Huc in beate, & si occupatus, Vrsula

Diuerte : cultum hinc a sinistra suspice,

Inter sacratos hinc & inde Præsules,

In purpurata ueste nobilem Virum.

Quid fronte prima iam ominaris maximum?

Viua hæc imago est Hermolai Barbari.

Aciem sacraſti, ne profana uideris,

Candente felix ære lumen excute.

De Paulo. Canali

Iuppiter ad Musas. dilectum ostendite natum :

Quem merito superum gens mea honore colat,

Confestim in medium prodit Musa Attica. Paulum

Canalem ostendit delictum Aonidum.

Hic meus est, Ethrusca refert, Romana repugnat.

Esse suum affirmans. Lis grauis orta deis,

Consulitur Phœbus, placitum est audire canentem.

Is cecinit Græcus, Lydus, & Ausonius.

Tum Phœbus, non est, cuias sit cernere : uerum

Ominor hunc fratrem, Iuppiter esse mihi,

Iuppiter huic. Verum ; nam te supera alta colēte

Qui coleret terras, Phœbum alium genui.

De luminibus Daphniæ

Vespertina meæ lumina Daphniæ

Resplendent, rutilo sidere ut Hesperus.



Matutina meæ lumina Daphniæ  
 Fulgent, ut nitida lampade Phosphorus.  
 Opportuna meæ lumina Daphniæ  
 Demulcent, radijs Phœbus ut aureis,  
 Importuna meæ lumina Daphniæ  
 Icunt, ut celeris fulgura fulminis.  
 Nobis ergo meæ lumina Daphniæ  
 Sunt fulmen, Clarius, Phosphorus, Hesperus.  
 Si fulmen penetret cor da ferociter  
 Succis Phœbus adest auxiliaribus,  
 Mane affecta diem mi placidum exhibent:  
 Noctem uisa ferunt uespere candidam.

Pontani Tumulus ad

Viatorem.

Scriptorum uenerabilis Magister  
 Pontanus cubat hic Viator: illum  
 Commentus bona uerba forte adores,  
 Ne fac: huic mala quin precare multa,  
 Omnem ut surripuit poetices uim;  
 Nam dum tam bene scribit, adq; amussim  
 Aequat omnia: perpolitq; ad unguem  
 Quauis arte: decoreq; absolutus:  
 Seculi territorium fuit sequentis,  
 Nemo scribere ut audeat Nepotum.

Viator.

Quin pacem huic, bona quin precare, libans  
 Thus: costum: uiolas: crocum sepulcro:  
 Qui dum tam bene scribit, adq; Amussim

Q iiii

Aequat omnia : perpolitq; ad unguem  
Quæ obsoleuerat ars : decorq; recte  
Scribendi : auspicijs renidet huius :  
Nostra ætas Veteres ut æmulari  
Et possit simul : & simul præire.

Marullum in aqua moribun-  
dum consolatur.

Cur adeo fluctus contra conaris ? in undis  
Oppetiisse horres cur Helicone satus ?  
Igneus ut gelido uigor extingatur in amne  
Forte times ? at qui . sæpe fit ignis , aqua  
Non hoc , inquis , habet male me : quod miles , & acer  
Sim , doleo : sub aquis militem obire pudet .  
Ah ne indigneris , miles licet impiger , astra  
Hac peruulgata fortibus ire uia .  
Hac pius Aeneas , & bello magnus , & armis ,  
Hac Romæ fertur Romulus isse pater .  
Sfortia summus honos belli , inuictusq; Robertus ,  
Hac , qua tu , ad superos transfiliere polos .  
Debentur cælo fortes : cælo ignis , & aer ,  
Vndaq; supposita est : infima terra tenet ,  
Scendenti à terra ad Cælum stat limes in undis  
Primus : age hac cælum scande Marulle uia .

De Io. Sulpitio Verulano ad Camillum  
Nob. Pata. Capilistam.

Quem tradas puero tuo legendum  
Quæris Grammaticum Camille , iuris  
Prudentissime doctor utriusque :

Frenato ut ualeat stilo, ut soluto  
 Ut compta, & lepida latinitate  
 Sit cultus, speciosus, expolitus :  
 Petro Sulpitium dabis legendum :  
 Hunc discat, repetat, frequentet unum,  
 Huic sermo grauis, elegans, latinus :  
 Huic ars perbreuis, erudita, fida :  
 Hic quantum satis est docet, molestis  
 Non ambagibus implicat legentem :  
 Non incondita, & exoleta quædam  
 Ostentat. nitidissimus Magister  
 Scitu nobile quicquid est reponit.

De Iano Parrhasio

Parrhasius quantum picturæ contulit olim  
 Parrhasius noster contulit eloquio.  
 Ille fuit celebri deductus origine Phœbi ;  
 Hic genus unde trahat, scripta diserta monēt  
 Ille suos uelat tenebris ex arte labores ;  
 Hic aperit clausum quidquid erat tenebris.

Ad Bernardinum camusium.

Dacnon Camusi nugulas carpit meas :

Quas æmulatur sedulo

Insanit, aut est omnium uaserrimus :

Qui tam scienter desipit.

Sed esto carpat usque, & usque dum illius

Nos laudet æmulatio.

Ad Bertutium superantium

Quod celeri tibi sepe fides sub pollice fracta est:

Siderei euenit Numinis inuidia,  
Bertuti satis est phthongos equare supernos,  
Ne superes cautum, & Diu uetueres, polos.

Ad Flamminium Viuum.

Hem quot nunc homines boni feruntur :

Qui quum plurima scriptitent, utroque  
Dicendi modulo pedestri, equestri :

Ipsa Iudicio tamen laborant :

Quod primum cauere eruditum oportet.

Sunt qui Iudicio ualent seuero

Verba & singula pensitent ad unguem :

His dicas uideo eruditius nil.

At miror ualeas uidere nunquam

Horum uersiculumue, epistolamue.

Thesauris sed enim incubant repostis :

Mox cum funere litteras sepulcro

Condunt immeritas. & omne nomen,

Raro Iuppiter uni utrunq; donat.

Quid censes bone Flammini expetendum?

Ad Egnatium Bap.

Incorrupta cohors iuuentiorum

Nec non sobrius ordo grandioris

Aetatis, Veterum seuerus ordo

Defunctum modo Prunulum dolebant

Musarum, atque Academiae parentem :

Sed postquam rediuius in supernas

Auras prodijt, ob tuas Camœnas

Longe clarior, optima Sacerdos

Egnati Grauis eruditione ,  
 Quantum uix alius sit Italorum .  
 Cuius scripta decora per disertas  
 Incasura uolant manus , libenter  
 Emunctis quoque Naribus probanda .  
 Quis non uiuere Pranulum fatetur ?  
 Aeterna aut potius die beatum ?

Ad Daphniam

Quum te oculis uideo meo Daphnia , sum Iouis ales,  
 Ut nequeam a grato sole mouere oculos,  
 Dum moror obtutu, languescunt lumina, hebentq̃ :  
 Ut Vespertilio ferre aciem nequeo .  
 Luce tua interdum sic gaudeo : ut auferar, atque  
 Vrar, uti circum lampada Papilio .  
 Mox Salamandra hærens oculis intentus in ipsis  
 Fio , ignisq̃ tuus , me prope eunte , perit,  
 Nec Salamandra tamen fio , riget illa : ego in æstu  
 Ardeo, solam atræ uim Salamandræ habeo.

In rosam Ant. Fragrantiani.

Fragrantiani quæ tegis manum Rosa,  
 Dum summa cœli contuetur semina  
 In appetentis ora sponsæ hiantia  
 Delapsa, rerum tot nouatus edere :  
 Des, an receptes inde odorem, nescio,  
 Si das , ab almo consecuta es Phosphoro,  
 Quem strictiorem mane fundit spiritum :  
 Sed ore Phœbi, quem receptas, defluit,  
 Et summi odorem contrahit secum Iouis

Rerumq; carpit omnium fragrantiam :  
Humana coniectura quas uis concipit :  
Fragrantiano nomen unde est inditum.

Ad Io. Antonium

Marosticanum

Doctrinæ mihi conscius pusillæ.

Nomen PIERII : quod abnuenti  
Doctorum indiderant mihi Cohortes  
Nūquam admittere sisus . abnegabam .  
Sed postquam ex tabulis uetustiorum  
Vatum perdidici Marosticane,  
Ut mutato habitu , professione .  
Victu , & Nomine , sæpius minister  
Mutetur Geniusq; , Visq; cœli :  
Cur : quod debueram uel impudenter  
Vsurpare : datum omnium fauore  
Audacter uerear meum tueri ?

Ad Sodales Patauij philosophantes.

○ Felix torus . ○ beata mensa :

Quam tot suauiloqui beant Poetæ :  
Quam tot Socratis æmuli frequentant.  
Canalis , Citharæ decus supremum .  
Cultus Nauiger , elegans , canorus .  
Emunctus Trypho , perpolitus , acer .  
Motensis uehemens , & eruditus .  
Expromptus Maro , floridus , decorus ,  
Borges grandiloquus , uenustulusq;  
Nardinus grauis , integer , seuerus ,

Comis Lampridius, facetulusq;  
 O felix torus, O beata mensa:  
 Verum ut sit numero undecunque felix,  
 Musarum numero decenter aucta,  
 Donec, quæ mereat, sequatur umbra:  
 Nonum a mittite nunc Valerianum.

In Zerbi medici cedem

Dum faciare pio fauces in sanguine Turca  
 Ardet & expleri sæuitia illa nequit  
 Perfidus allectum Zerbum iugulauit, & ictu  
 Sic uno etinxit millia multa hominum.

Ad rosinam

Es Rosa, fersq; rosam rosea pro fronte ligatam  
 Indicium rosei uerticis ipsa rosa est.  
 Vnus odor flori, & fronti, color unus, & unus  
 Est decor, amborum Vita eadem, ut sapias.

De Andreæ Maronis extemporalitate  
 ad Danton. III. aligerum.

Opportunius ecquid esse Dante,  
 Aut quid commodius potest uideri?  
 Te inquam, te Aligero, optimo Poeta,  
 Et Ciue optimo, & optimo Patrono:  
 Quo Verona diu beata uiuat.

Tu nunquam Aureolum petis recessum,  
 Quin tecum Aonia simul puella,  
 Quin tecum Aony simul Poeta  
 Concedant, & Apollinis supellex.  
 Deprompta propria penu tot affers,



Atque hæc qualia Iuppiter supreme,  
Deprompta alterius penu tot affers,  
Atque hæc qualia Iuppiter benigne,  
Vt addis mihi nunc mei Maronis  
Tam suaues Epigrammatum lepores:  
Qui lectus placuit tibi, & relectus.

Quid si illum audieris: uelut Sodales  
Octo audiuius optimum Sodalem,  
Nos audiuius: audit hunc & omnis.  
Doctorum manus in dies, canentem  
Mille ex tempore carmina erudita:  
Quis nil sit lutulentum, inexploratum:  
Nil absurdum, & inane, nil hiulcum.  
Tanquam Virgilij mora: & labore:  
Tanquam tempore culta sub nouenni,  
Tunc tu pollice utroque, tunc Maronis  
Affirmes bene nomini euenire:  
Quando quod Veteri absit, sed unum,  
Prælage Nouus hic Maro rependat.

Bernardi Rubrij Episcopi munus.

Quis me puniceo colore uestit?  
A' collo incipiens manus ad usque,  
A' mento incipiens pedes ad usque,  
Musarum chorus: & chorus laborum,  
Sic sic nox uigilata sic quiescit:  
Sic nunc auspice Rubrio Poetis  
Curtas utile fit secare noctes:  
Ex quarum tenebris color resultat:

Qui cœli superat decus sereni.

PROlixitatem non incongruam

Hendecasyllabis.

Pontani Hendecasyllabi notantur :

Vt qui nil habeant Catullianum ;

Vt qui luxurient nimis , licenter

Centenis quoque uersibus redundant ,

Si legem inspicias sacram Platonis ,

Funebres Querimonie quaternus

Sunto uersiculis. Sed ut Philetas

Sed ut Callimachus , Propertiusq̃ ;

Nec non Albius , atque Naso , Voti

Sensum hoc carmine compotem attulerunt ,

Accreuit numerus , decor , uoluptas.

Vt incultus ager prius uiuenti

Frugum e gramine sat , superq̃ habebat ;

Vt mox imposita est seges , nec una ,

Mox intersita Vitium propago ,

Infossa & Pirus omnis , omnibusq̃ ;

Altæ marginibus Nuces obumbrant ,

Iam censum domino aggerat , petendus ,

Non tantum pecori , ut prius , sed ipsis

lumentis , Auibus , Viris , Deisq̃ ;

Sic olim Hendecasyllabi : Catullus

Quos princeps decorat : breues fuerunt :

Postquam cognita Vis , leporq̃ in illis ,

Indultum ingenio est , patentiori

Decursum spatio , & procaciori

Lasciuatum animo. Quid inuidendum,  
Vt Conuiuæ aliquid sapit palato,  
Id adponere pleniore Quadra.

Matth. Albinum & Nic. Angelicum  
Sodales alloquitur.

Albine, Angelice Vnici Sodales.  
Ambo culti animo probo, & modesto,  
Ambo simplicitate liberali,  
Ambo moribus optimis decori:  
Vos hic caræ animæ, seueriori  
Addictæ Sophiæ; grauem Mineruam  
Feruenti studio coletis, inde  
Solamen genitoribus cupitum,  
Et uobis decus, & perenne nomen,  
Atque ingens mihi gaudium daturi  
Me Mons Aureus auocat, petulcas  
Ad Phœbi choreas, leuesq; nugas:  
Quando non licet, id ita appetenti,  
Vobiscum Sophiam sequi beatam,  
Aduersante Neceſſitate dura.

Ergo inglorius inter otiosos  
Versatus Satyros, Chorosq; agrestes  
Erumnas studio meas inani  
Flebo illic, meditabor, & reponam  
Vos nostræ memores Sodalitatis,  
Si sincera animi fides probati  
Incorrupta manet, iocosa nulla  
Nulla & seria uerba conferetis

Campagne

Campagne lepida accinente Musa,  
 Quæ non accipiant Valerianum,  
 Nam : qui uere amat, is procul reposito  
 Absit corpore quo magis, magisq;  
 Præsens mente aderit magis magisq;

Ant. Meribarbum ad  
 Musas reuocat.

Tu'ne igitur sacrum linques Meribarbe uigorẽ,  
 Ingenij extinguens fulgura clara tui ?  
 Ille igitur nitidus dicendi candor abibit ?  
 Et suauis Lydi carminis ille decor ?  
 Illa igitur tantos amittet Morula fastus,  
 Morula carminibus nobilitata tuis.  
 Omnia surripient damnosa uolumina Legum :  
 Quæ tot ab inceptis surripuere bonis.  
 Incultas querimur nostri cur temporis artes,  
 Libera si ingenijs nulla relicta uia est.  
 Hic petet extremos Arabas, Helicone relicto :  
 Ille Caledonias raptus adibit aquas,  
 Hic Citharis ad fœda cadet cluſteria miſſis :  
 Speq; auri totiens Aurea uenâ perit.  
 Improbâ sic magnis fitis hæc conatibus obſtat,  
 Nec datur accepti Sideris orſa ſequi,  
 Tu tamen, inuito nonnunquam Patre, licebit.  
 Clam, quæ te ſequitur gloria, reſpicias.  
 Sæpius horridulis chartis deſeſſus, amicos  
 Pieridum cantus, plectraq; amœna petas.

In argonauticos Egnatij  
Commentarios.

Quum nauigarunt Thessali primum Duces  
Ignota. Ponti littora, & ditem Cytam :  
Vix attulerunt inde uellus unicum ,  
Argiua quicquid consequi potuit ratis ,  
Nunc orbe toto classe uiso, & cognito  
Et multa uectant uellera, & multas opes :  
Quales dat unda Rubri, & Indici maris,  
Arabsq; felix, & beata persia  
Vnguenta Nardi, balsamiq; hediismata  
Quicquid uoluptas delicata congerit,  
Gemnas, odores, uniones, thus, ebur :  
Et quidquid æris æstimatur plurimi  
Quæq; usq; ab imis proferuntur insulis ;  
Quarum pedes tenduntur ad nostros pedes.  
Has assequuntur nunc opes, lætissimi :  
Egnatiana quos Carina uoxerit .

In Pauli canalis obitum.

Ingentem italiæ cladem Fortuna pararat  
Horrida tormentis, igneq; , & ense furens  
Sed primi postquam frustra cessere tumultus .  
Canduit, & maius pectore mouit opus.  
Torua itaq; Euganeas deflexit lumina ad undas :  
Plurima qua Adriacis Insula surgit aquis,  
Hic uidet Aonio Canalem milite Paulum

Palmam omnem e Musis afferuisse sibi,  
 Nec mora, quin Græci et Solymi, nomenq; latinū  
 Tam lata Pauli sub ditione forent  
 Tum secum. Veneti populis dant iura subactis,  
 Iura quoque ingenijs, eloquioq; dabunt?  
 Hoc saltē prohibere licet: simul improba Paulum  
 Excipit. hæc uicit, cedite iam Veneti.  
 Namq; aucto Terræ Imperio, amisistis in uno  
 Atticum. Idumeum, Romuleumq; decus,

Ad Fran. Philomusum.

Si nequis Philomuse nos adire,  
 Distentus studio negotioso:  
 Dum Rhetor nitidissimus latinum  
 Veronam eloquium doces amœnam,  
 Te nostri fluuij Altilis adibunt,  
 Nam quosdam tibi Gammaros paraui;  
 Qui antrorsum, ueluti ambulant, retrorsum  
 Veloces redeunt, pauore abacti.  
 Oëtonis pedibus, rubente testa,  
 Binis brachiolis, minacibusq;:  
 Et qui forcipibus caput minutum  
 Dentatis bene muniunt. fouentq;,  
 Turba est mascula grandiore Chela  
 Contra fœmina grandiore cauda,  
 Atque hic nobilis arctiore Chela,  
 Atque hic nobilis arctiore cauda,  
 Scin' quo prorsus honore censeantur?

Si Pepo fluidam relaxet aluum,  
His vis sistere largius citatam,  
Ad morsum rabidæ Canis medentur  
Atque ad Vipereos medentur ictus;  
Scin' doctis rabidas Canes nocere?  
Scin' doctis quoque Viperas nocere?  
Nos, inquis, studijs uacamus, ergo  
Cura est, & stomachi, & cerebri habenda;  
Hi semper stomachum, caputq; lædunt.  
Id forsân reliqui. Aureis in undis  
Quidquid nascitur: utile. & salubre est.

Ad Aug. Donatum

Hiennymi. E.

Donate amice: qui disertæ Pallados  
Cultor Quirinam, & Atticam Musam colis  
Nixus paternis firmiter uestigijs:  
Vt qui potenti stirpe cedis nemini,  
Sic eloquenti dote cedas nemini,  
Urbanus ille Patruus carus mihi;  
In me educando qui uicem Patris gerit,  
Cliens Parentis perstitit semper tui,  
Tuusq; semper illius fautor Parens.  
Nos æmulari par eorum semitam;  
Ideoq; iure hæreditario, licet  
Vterq; uiuat, sitq; uicturus diu,  
Tu me Clientem, ego te Patronum postulo,



*Bertutium Superantium ad philo-  
sophiam adhortatur.*

*Incipit oppositam pedibus qui repere molem,  
Eximio superat grande labore iugum,  
Vt tenet Aerei placidissima culmina montis,  
Languida felici membra quiete leuat,  
Pastus amariciem rigida radice acerbam,  
Molliculi glutit dulcia mella Fauis,  
Hoc Sophiæ asperioris iter Superantules pergas  
Dummodo, post fellis pocula nectar habes,*

*Ad Battum Antiquarium.*

*Quod non Historias remotiores,  
Non incognita uerba, & exoleta,  
Non sensa ex penitisimis figuris:  
Quæ uix Delius eruat Natator  
In nostro facilis seram libello,  
Sed quæ quotidianus usus affert:  
Sed quæ temporibus Terentianis,  
Sed quæ temporibus Maronianis,  
Atque infra placitum legi parumper,  
Eneruem, & uietum exigis libellum:  
Ostentasq; tuum, asserisq; sensa,  
Quæ non explicet Oedipus tenere,  
Cæcia impenetrabilem Magistro,  
Euandri uetus idioma habentem;  
Sic neruum, & ualidas habere uires:*

Heracleitus ita asper: & Lycophron,  
Nec non Pheftiadæ Cutis Poetæ  
Erras Batte nimis disertus, erras:  
Vt dicam tibi dicta Sobriorum  
Quo quis doctior, eruditiorq;  
Hoc emunctior est, apertiorq;  
Qualis Tullius, & Maro, & Tibullus,  
Sed quo infantior, imperitiorq;  
Hoc obscurior, exoletiorq; est:  
Qualis tu, & similes tibi inuenusto,  
Ad Aluisium Phoscarin,

Nicolai F.

Summorum Aluisi proles generosa Parentum,  
Phoscareoq; etiam nobilitata Duce:  
Vt taceã Illustrẽq; patrẽ, illustresq; propinquos  
Diuitijs, rebus, fascibus, ingenijs.  
Incrementa tuis maioribus ampla daturus  
Surgis honorato conspiciende loco:  
Quando tibi celebres Iuuehi elargitur honores  
Patria grata: Viro qualia danda forent,  
Perge igitur, quo te Virtus uocat inclyta felix  
Accrescantq; Seni singula pro meritis.  
De Io. Bap. Scythæ. Feltr.

Qui linguæ columen fuit Latinæ,  
Præstans ingenio, disertus ore,  
Quæris, cur Scythæ dictitatus esset,  
Exponam breuibus, nitere cultum  
Peligni eloquium disertioris,

Eiusdem facilem modis auenam,  
 Diuinum ingenij boni uigorem,  
 Illi sobria turba iudicauit  
 Doctorum : simul omnibus, Poeta  
 Persuasum est animam sacri nouatam.  
 Verum : quum Scythica sepultus ora  
 Naso olim fuerit, probatus hæres,  
 Illinc ceu rediuius aduolasset,  
 Nomen de Scythia Scythæ recepit :

Cæcilie Battaliæ Casus, ad Christo-  
 phorum Trottum eius fratrem.

Stat uetus, et longū sine tecto exposita per æuum  
 Trotte domus, bellis depopulata feris.  
 Cæcilia hic tibi cara Soror tabulata pererrat  
 Dum malefida, aucto pignore iam grauior :  
 Cessit putre solum pedibus, tabulæq; labantes :  
 Hæcruit : et pessum foemina ad Vsq; cadit.  
 Embryon ecce locis se se exporrexerit in imis  
 Sustinuitq; pius tam graue matris onus.  
 Qualis erit : matura Viro si accesserit ætas :  
 Qui cepit, neque adhuc editus, esse pius?

Ad Io. Gemmosum Bellunen.

Pro strenua illepidos tibi dicaram  
 Quosdam uersiculos, nec elegantes :  
 Tu tot Aureolos mihi dedisti  
 Gemmose æquiperande Pollioni :

Et, pergam modo, plura polliceris.  
Hoc Glaucum superas, quod ille ferrum  
Donati precium recepit auri,  
Tu chartas recipis leues, inianes.  
Glaucus stultitia fuit furenti,  
Tu miti pietate liberalis:  
Hunc causis superas duabus ergo,  
Quod nil accipis, & scienter offers.  
Cupido Fontanus in Ortis Illustrib.

Isabellæ Mant. Princ.

A qua hæc; perenni quæ redundat flumine:  
Non est, ut ominare, uenis eruta:  
Non fistulatim ductus humor pensilis:  
Non per meatus lymphæ subterraneos  
Emissa plumbo profilit foratili.  
Non spiritali pulsa folle excluditur  
Sed ex Amantum lacrymis: quas improbus  
Pascit Cupido: manat unda Lugubris.

Ad Virg. Zauarifium.

Intra tempora nostra si leporem  
Nostris carminibus sat approbatum:  
Adscribas bone Virgili: erubescam,  
Deparci mihi conscius uigoris:  
Ne dum carmina te feram superbus  
Antiquis mea comparare chartis,  
Tali Hector licet ore gloriosus  
Laudari uelit. Est enim beatum  
Laudatorum hominum ore habere laudem,

Tam me non tamen approbes amanter ;  
 Quem Næuus cruciat maligne inustus,  
 Verum laus iugulat data immerenti.

Sidera non fallacia,

Casurum ab alto Præsulem quendam Magus  
 Cœli peritus dixerat

Ille, ut caueret, infimam partem domus  
 Descendit : & totum diem

Humi iacebat, irritas demum ratus  
 Vitare Siderum minas :

Sed ecce sero nuntius crepusculo  
 Episcopatu hunc rettulit

Fuisse trusum : Tum miser clamans ait ,  
 Cecidisse non poteram altius.

Ad Tryphonem Dalmatam :

Plutinium celebras Agrestianum ,

Laudans nobilium genus parentum,  
 Laudans ingenium Attico, & Latino

Excultum eloquio, atque dignitatem

Vultus eximiam, ualensq; pectus :

Prudentem, facilem, pium, modestum

Virtutis nitidum inclytæ sacellum,

Demum dotibus omnibus decorum,

Et centum iuuenem artibus rotundum ;

Quid tanta accumulæ Trypho : tot uno

Verbo claudere si potes uenuste ?

Est Ditiſſimus, hoc satis superq; est.

In Odor. Fran. Perficini.

C. Bellun. obitum.

Perfice docte iaces, Musis quid fiet amoenis,  
Te solitis duro tempore habere patrem?  
Quis tam feruenti Vates sermone focillet,  
Muneribusq; datis excitet ingenia;  
Quis tam erit auxilio patriæ; tã gratus amicis;  
Quis modus in magnis rebus habendus erit?  
Proh dolor. O populi fatum lacrymabile nostri,  
Fulgebas patriæ tu decus omne tuæ,  
Tu tamen ætheriam felix elatus in aulam,  
Exigis ingenij præmia larga tui.  
Nos laceri crines tundemus pectora palmis.  
Questi iacturæ tristia damna grauis,  
Sicq; diu penitus nostris infixæ medullis  
Quo licet in terris nomine, uiuus eris.

Ad Io. Bapt. Rhamnusium.

Rhamnusi socium meorum ôcelle  
Qui cum Antenoris olim in urbe, totos  
Dies ducere candidos Solebam  
A Sole exoriente ad occidentem  
Cur te uisere nunc mihi negatum?  
Post tot secla peracta, & inchoata  
Quem passim Adriacæ per urbis undas,  
Et passim Pataui per urbis ædes  
Tanto quæsierim labore, & æstu.  
Ardens cernere te, & tuum uidere  
Dnlcem Filiolum optime eruditum,

Præstantem ingenio, elegantiaq;  
 Scribendi numero modo hoc, modo illo  
 Supra Aetatis Adorem peritum.  
 Quod ni te cito detur osculari  
 De me actum male; nam repente totus  
 Præ desiderio tui liquefam

De Scazonte ad Leonar. Cauasycum  
 Nepotem.

Sonora uerba, non hiulca; scissuris  
 Prima, secunda, tertiaue Coniunctis  
 Sunt claudicantem dignitas iamborum.  
 Sedes iambo huic quinta semper offertur  
 Secūda, quartaq;, ni Tribachus eam poscat.  
 Quintæ dederant scripta nulla spondeum  
 Si scripta Vatum uolueris receptorum  
 Catulli. Horati, aut Virgili, quibus tantum  
 Debere Musæ Gloriantur, & Phœbus;  
 Ineruditi quod frequenter usurpant.  
 Audere stultis ut lubet dato, & duris  
 Qui lege nulla Viclitant, age impuros  
 Caue Cauasycus hos, feram uelut pestem  
 Semper secutus optimos Poetarum;  
 Ephestionis audias graues iras  
 Audere nimium qui Hipponacta proclamat  
 Faceffere, & ualere quem ferus iussit.



Danieli Barbaro. P. V.

Ouum Dactylicum

Θεοκριτικῶς.

Sacram

Barba ri

The spia des

Cigite frontem

Floribus omnibus

Oebalijs, Paphijs,

Laurigerisq; Coronis.

Nā ferit hic bene Barbiton

Suauifonis modulaminibus

Egregijs adeo, ut data uobis

Huic rear aurea plectra sororibus

Aonium ue dedit puero melos

Et citharam bonus addit Apollo

Indole captus, & ingenio,

Hunc Hederis igitur sacris

Cingite protinus almæ

Pierides nouum

Poetam.



## GABRIEL IOLITVS

## LECTORIBVS.

**I**N Beatissima hac artis impressorie felicitate  
 Illud se se immiscet incommodum, ut Mancipum  
 negligentiam euitare possit nemo. Quare necesse  
 est, manu ultima libris imposta, totum opus re-  
 cognoscere, & errata, quæ alicuius momenti  
 sunt indicare, Atque ita fieri iussimus, minimis  
 quibusq; præteritis, Ea tatum quæ sententiam  
 turbarent, ad Paginarum & uersuum numerum  
 subnotari. Erit uero primi Numeri Nota, Pagi-  
 narum, secundi uersuum. b. uersæ pagine Signum.  
 Sed, quod maxime premebat, illud in primis ad-  
 monendum fuit, pagina. 21. quod græce scri-  
 ptum ex Plutarcho sumptum, corrigi debere,  
 ΕΥΧΑΤΕΥΘΕΝΤΑΣ. ΟΤΑΝ.

In latinis uero. char. 5. b. uersu. 8. studiū Ortorum.

Ibidem, uersu. 10. semperq; placebunt.

char. 6. uers. ult. Tectumq; laremq;

char. 6. b. uer. 24. nixa semel truncis.

char. 7. b. uer. 15. paupere tecto.

char. 12. uer. 12. letali sine diphthongo.

char. 16. uer. 19. totidem peperere legumina.

char. 17. b. uer. ult. De Principe nomen.

Eadem pagina bis, secula, absque diphth.

char. 24. uer. 19. Italia & nondum.

char. 24. b. uer. primo. Sultamus, fac Sultanus

char. 33. uer. 10. celebraret cantibus.

char. 35. b. uer. 9. Parendumq; sibi.

char. 40. uer. 4. Lampridiusq; .

40. b. uer. 3. Commemorare pio .

42. uer. primo. FRANCISCVM .

42. b. uer. 25. Et fidei clypeo, & .

44. b. uer. 3. Nauisfragamq; cauet Syrtin.

53. uer. primo. Sine honore sepulcri.

53. uer. 16. Dum genus exquirat.

Eodem uersu. quod nulla priorum.

59. uer. 19. lancinat undis.

55. uer. 22. Subijciens oculis

55. b. uer. 22. Lacte mero exundans.

57. uer. primo. Tua numina noscat.

57. b. uer. primo. Sic memorans .

60. b. uer. ult. Haud ulli reticenda.

61. b. uer. 9. Torquibus aureis.

63. b. uer. 7. & Triremis.

64. uer. 5. iam Criminosus.

74. b. uer. ult. Viuam Seuerus .

76. uer. 9. Cælibem cum Diphth.

76. b. uer. 17. flumine Gens quidem,

80. b. uer. 14. Piliam senectam.

83. uer. 29. Gens uestra Athenis.

86. uer. 20. Cuius emolumento.

90. uer. 4. si mulcere animum uelint.

102. uer. 23. Regum ornare coronas.

103. uer. penult. At licet ille tua.  
 103. b. uer. 2. eripe de manibus.  
 104. uer. 22. idem iste Prætor.  
 104. b. uer. 10.  $\delta\upsilon\sigma\upsilon\chi\iota\alpha$ .  
 105. uer. 21. Commendare uidentur.  
 109. b. uer. 25. Philomela Auicula.  
 110. uer. 21. litibus me affligis  
 111. uer. 11. laudibus colunt uirum.  
 Ibidem uer. 20. Quod facere.  
 117. uer. 22. Filium habes, qui.  
 118. uer. 18. Aeschili. In Dominationem.  
 118. Lucilij. fac Lucilij.  
 119. uer. 13. ubi perturbaueris.  
 119. b. uer. 15. Anguillas, facit;  
 122. b. uer. 13. mulierculæ non.  
 130. b. uer. 1. Nos, inquis, studijs uacamus,  
 (ergo.

## R E G I S T R V M.

A B C D E F G H I K L M N O P Q R.

Omnes sunt quaterni.

*Venetijs apud Gabrielem Ioli-*  
*tum de Ferrarijs, & Fratres.*

M D L.



CV. 2057-2-2  
A

---

